

BOHLALE PAPISONG LE TUMELO

 Kea leboha, Moena Neville. Morena a u hlohonolofatse. Hoseng, hoseng. Moena . . .

² Malume hoseng, metsoalle. Ke thabo ho khutlela ka tlung ea Morena!

³ Ke sa tsoa biletsoa morao mono, metsotsoaneng e 'maloa e fetileng, ho rapella moreri oa khale. 'Me o ne a sa tsoa ilibana, ntho e kang eo. Ha ho a fumanoa phoso ho eena. E mpa e le mohalaleli oa khale oa Morena. Tseleng e theohelang mona, Satane o lekile ho nkulisa, ho hlatsa, hape. Ka re, "Re tla tlameha feela ho rapellana." Ke hantle. Yaa. Ka hona, e ne e le Moena Coggins. Re mo tseba hantle, mona tabernakeleng. O tsoa holimo Carolina. 'Me o ne a kula haholo, haholo, ho ema feela—feela le ho ilibana. Empa ho bonahala ho se phoso le e 'ngoe ka eena, e seng 'meleng. Ka hona, ke liabolosi feela a lekang ho mo isa molekong. Kahoo, ke moleki e moholo, 'me o molemo, hape.

⁴ Le utloile pale ea khaitseli oa khale ea neng a ea kerekeng, a sa bue bobe ka mang. Ho re, "U nahana'ng ka liabolosi?" Ho re, "Be, ke mohanyetsi ea molemo." Kahoo ke seo a leng sona—seo a leng sona.

⁵ Re thabile, hoseng hona, ho ba ka tlung ea Morena hape, vekeng ena, ho emela ho Khutla ha Morena Jesu.

⁶ 'Me joale, ke ne ke tla bua ka sehlooho, hoseng hona, "Ho sireletsoa ka Mali," 'me ho bonahetse Moea o Halalelang o batla o fetotse mohopolo oa ka tabeng eo. 'Me ke na le temana e 'ngoe, ho e ruta. Hobane, ebile, ka morao, ke buile, maobane bosiu, "Hobaneng A ka fetola mohopolo oa ka taba ea mofuta oo, 'Ho sireletsoa ka Mali?'" Le a utloisia hore temana e tla ba ho kae, "Iseraele tlasa mali, e hoantela tsepisong," le a bona. 'Me nka e bua, khetlo le leng.

⁷ Ka hona ka hopola, torong eo ke e lorileng mona, nakoana ea ho feta. 'Me 'na, torong ena, ke loketse ho boloka Lijo tabernakeleng, le a bona, mona torong ena. Ba ba kae ba e hopolang, diveke tse 'maloa tse fetileng, ka ho lora toro? [Phuthetho e re, "Amen."—Mohl.] Ke ne ke sa khone ho le koahollela eona. 'Me haeba e sa nkuke nako e telele, ke tla le phethela feela, haeba le rata ho utloa. ["Amen."] Holokile.

⁸ Ke ka seoelo ke lorang ntho efe e etsang kelello. Eona, hangata, ke robala bosiu, ke ntano phaphama. 'Me erekaha ke le linerefe kapa ho khathala, u a lora, u ntano robala 'me u lore, ebe u a tsoha. Le a tseba ho joang, ka motho oa methapo joaloka 'na.

⁹ 'Me ke ne ke tsoile le Moena Wood le Moena Sothmann, 'me Morena a sa tsoa neha batho feela . . . ho nyoloha ka . . .

tlase... 'Me mona e ne e le Tucson, Arizona. 'Me Morena ka ho phethahala feela, maemong a mang le a mang, a nehela likoahollo tsa litoro.

¹⁰ Joale, le a bona, motho ha a hlahisa, a mpolella toro, tsela feela eo nka hlahisang koahollo, ke boela ke bona toro eo hape. 'Mme bongata ba lona mona le a tseba, hore ba bang ba lona ba mpolella lintho, athe ha le a mpolella eona eohle, torong. Empa enereha kee fumana, hape, ke fumane seo le sa kang la se bolela. Le a bona? 'Me ka hona u loketse ho e bona hape, 'me A ntano u bolella. Ka hona, ka linako tse ling e a hlabla. Ka linako tse ling e thata, ha e lumellane le motho. Empa u tlameha ho bua 'nete, hoba ke Lentsoe la Morena. Le a bona? Hobane, ba lebeletse seo. 'Me ha ho mohla E... Morena o bile molemo ho 'na, ho E lumella ho loka kamehla.

¹¹ 'Me ka hona bosiung boo ka—ka robala, 'me ka lora, ka 'na. 'Me ea ka ke ne ke... Mothaka eo nkileng ka bapala litebele le eena, lilemong tse fetileng. Ba bangata, lona mekaubere...

¹² Ke ne ke nahanne feela ka Moena Roy Slaughter, ea emeng holimo mono monyako. O hlotse le eona, kea kholoa e batla e le e mong oa litho tsa khale ka ho fetisia mona, ka kerekeng. Moena Slaughter, kea kholoa, e batla e le e mong oa litho tsa khale ka ho fetisia. 'Me ke—ke feela...

¹³ Ha ke ntse ke bua ka eena, ho na le lintlha tse ngata tse ntle ka Roy Slaughter tseo batho ba sa li tsebeng. Ke hantle. Ke moena oa ka, 'me nka mpa ka mo fa lesihla la lipalesa joale, kapa lehlomela, sebakeng sa khare eohle mohla a seng a iketse. Ke hantle. Li teng lintlha tse ngata tse ntle. Moena Roy esale e le moena ho 'na, eena le lelapa la hae, o lula kantle mono, 'me o sebeletsa lelapanyana leo ka thata, le ho holisa sehlopha se setle sa bana. Ke tsebile banana ba hae bohole le bashanyana ba hae, 'me ka rera lepato la moshanyana oa hae mohla a ne a eshoa.

¹⁴ 'Me ke hopola, khetlo le leng mona, re ne re na le thaka le sebetsang kerekeng. 'Me e... 'Me o ne a loketse ho e etsa, joaloka 'metltli oa mapolanka feela. Re ne re se na chelete e ngata. 'Me a tla haha karolo e kahare ena mona. 'Me ha fihla motho ea batleng ho sebetsa, 'me a sa ka a etsa letho. 'Me a itulela feela, a itlaleha a sebelitse halofo ea hora, kapa ho hong, eaba o lemala leoto. 'Me eaba eena, ka ho lekaneng feela ho ritela tseko khahlano le kereke, 'me ra ahloloa didolara tse likete tse leshome. Be, re ne re se na letho. Re sa ka ra tseba letho ka eona ho fihlela ba se ba lihile kahlolo. Le a bona, ba ile ba qosa. E—e monna, a se na inshorensen, 'me ea oela holim'a rona. Re se na eona, ho lefa.

¹⁵ 'Me ha ke lebale bosiu boo le ka mohla, ho lula hantle feela, morao *mono*, Roy a theohela tlase pokothong. Ntho ea khale... Ntšoarele, Moena Roy. Bukana ea khale, e mahoashe, le ho ntša

lethoana la licheke tsa hae tsa ho thota mekeretla, lintho tse joalo. Ho re, "Be, Moena Bill, ke tla e khethela eona."

¹⁶ Evelyn e monyenyanoea khale, khaitseli ea hae, ekaba o lutse hantle mona, kae-kae joale. Eena, "Moena Branham, ntlo ea ka ea khale, e ja didolara tse makholo a mararo feela, empa re tla e khethela eona." Le a bona? Ke lintho tsa sebele, tsa makhonthe, haeba u ka bua le 'na. Taba eo e bukeng ea ka, ke 'nete.

¹⁷ Ke hopola mohlang oo, nakoana hamorao ho tloha moo, ke le kopanong ea ka ea pele kantle. Ke ne ke le St. Louis, ho e 'ngoe ea likopano tsa ka tsa pele tse kholo. 'Me ha kena thelekramo, "Ngoanana oa ka o robetse makhatheng a lefu. Moena Slaughter. Tloo hang-hang." Ke ile ka fetela koo, ka qala ho kenya liaparo tsa ka sutuk'heiseng. E ne e le phetho. Ke sa khone ho mo hana. 'Me ke rona bana re etla. Ka fihla hae, ka kena ka phaposing. Baoki, tlase, kokelong mono, kokelong ea Katolike New Albany, ba ne ba tetse ngoananyana oa hae. Eitse ha re kena ka phaposing, Morena Jesu a mo folisa. E ne e le eo, le a bona. Le a bona?

¹⁸ 'Me joaloka bohobe holim'a metsi, bo tla khutlela ho uena ka letsatsi le leng. Ke fapohile taba ea ka; empa ho khulela morao qalong.

¹⁹ 'Me ke ne ke bapala litebele. 'Me ho le thaka le leng la lebitso mona motseng ona. Mothaka oa batho o noa habohloko joale. E mong oa bashanyana ba hae o mabothong a sepolesa. Smith, George Smith, ba 'mitsa, "Smith-metsotsoana e tšeletseng." A tloha a nkoetlisetsa papali ea litebele, mohla re ne re na le... pele Golden Gloves e qala. Re ne re le kantle mona 'musong. 'Me tabeng eo, khele, e ne e le motho ea khohlahetseng ka ho fetisa eo nkileng ka 'mona. O ne a ntabela feela, 'me ke fefohe sebakeng. 'Me ke khutle. Ka re, "Ha ho hlokahale hore u khohlahale hakaalo ka eona. Le a bona?" Ka re, "U nkoala moea feela."

²⁰ A re, "Kea u bolella, Billy," ho re, "ho sa tsotellehe na u koetlisitsoe hantle hakae, le hore boiphihlelo ba hau ba liatletiki bo bokae, le hore u matla hakae, boholong ba hau, kapa eng joalo," ho re, "ho tebela ho emisa mali ha u otloa *joalo*." [Moena Branham o opa diatla tsa hae—Mohl.] Le ho re, "U ka ntlhoea joale, empa ha u fihla holimo mono selikalikoeng, ka bu-ueno," ho re, "u tla e ananelo." Ho re, "Mele oa hau o haha seo, ho khutla kapele. Ha u ka otloa, u tla kanama feela, 'me u paqame mono u ka ema ha ba u balla. Empa haeba 'mele oa hau o hahiloe 'me u khona ho mamella likotlo," ho re, "joale, ha u ka otloa, u otloa ka thata," ho re, "hape ueno... u ka khutla kapele," ho re, "oa ema ka maoto a hau hape. Ho kakalatsoa kantle ho lesaka, ho qhomela hape ka hare." A sa tsoa nkotlela kantle ho lesaka. Kahoo a re, "U tlameha feela ho etsa seo. U a bona?" 'Me a batla

a mpolaea. A batla a le boima ba liponto tse mashome a mararo kapa tse mashome a mane ho mpheta. 'Me o ne a ka khona . . . E ne e le seloani 'me 'na ke le moithutoanai feela, kahoo o ne a batla a mpolaea. A re, "Empa u tla e ananelha ha u kena lesakeng." Ka fumana hore hoo ke 'nete.

²¹ Joale, ke utloile lisajene tseo sesoleng li koetlisa bashanyana bao, li khohlahetse. Ba ne ba hloile sajene eo. Empa ha ho tloua ntoeng, ba ne ba mo rata, ka lebaka la koetliso e boima.

²² Le 'na ke lekile ho koetlisa Bakreste ka mokhoa oo. "U se ke ua poma moriri oa hau. U se ke ua itlotsa ka meikapo. U se ke oa etsa *sena*." Ho e thatafatsa. U tla nkananelha mohla ke fihlang e—e qetellong ea tsela. Le a bona? Koetliso, le a bona, ho fumana koetliso eo e loketseng. Empa ha re—ha re tsoeleng pele hantle le Lentsoe. E ka khohlahala, ea kheketla liphapano tsa bolumedi likotoana, empa u tla e ananelha ha u fihla qetellong ea tsela. Le a bona? O ile oa ipapisa le Buka.

Ka hona, mohatsa ka, o ne a kentse sephaka sa hae ho sa ka, 'me ra nyoloha.

²³ 'Me George Smith joale, eena, kea kholoa, ke monna hloohoputsoa. A ka ba lilemo tse supileng kapa tse robedi, o moholo ho 'na ka lilemo tse leshome. 'Me o ne a khutletse lesakaneng, 'me a ntse a loana. 'Me mathaka ana a macha a ntseng a nyoloha, bashanyana ba mahetla a batsi, ba ne ba sa qothisan le eena, ho hang. Ba mpa feela . . . O ne a ba shashara motsotsong feela. 'Me thaka le leng la re, "Nka shapa monnamoholo eo. Kea tseba nka khona." Ka hoo eena, mothaka e moholo ea koenneng, a tsolela lesakaneng mono. Ha a ka a qeta le halofo ea motsotso. A khutla a tsoa, ho re, "Ha ke tsebe moo e tsoang teng, empa ke monna oa makhonthe."

²⁴ 'Me hang feela, ka sheba mohatsa ka, torong, 'me ka re, "Mohatsa ka, u a tseba, ke eena ea nkoetlisitseng la ho qala."

²⁵ 'Me hape, le a tseba, litoro li a hlolla. Ke ile ka theohela e—e leoatleng le leholo, 'me metsi a hlile a tlolaka. 'Me mosesisi oa sekepe . . . Joale, Meda o ne a se le 'na khetlong leo, mohatsa ka. 'Me hape, tabeng ena, e—e rasekepe a fihla mono, 'me a mpha seketoana se ka ba maoto a mabeli le halofo, maoto a mararo. 'Me a re . . . Se ne se le sesoeu toaa, e le polasetiki feela, 'me se le sesoeu. A re, "Seketoana sa hau ke sena."

"Oh," ka re, "nke ke ka t'sela, lebaka leo, ka ntho eo."

²⁶ A re, "Be," ho re, "se ka matha limaele tse mashome a mahlano ka hora, holimo-le-tlase ka nqa *ena*."

²⁷ Ka re, "Ho ka ba joalo, holimo-le-tlase lebopong, empa se ke ke sa khona kantle *mane*. U a bona?" Ka rialo.

²⁸ A re, "Be, tsamaea le bona." 'Me ka sheba, 'me mona ho ne ho lutse Moena Wood, le Moena Fred Sothmann, baena ba babeli ba neng ba e-na le 'na bosius boo ke lorileng toro. 'Me ba ne ba

lutse ka har'a seketoana se setala se tletse thepa ea ho kampa, thepa ea ho thakhisa, litente, le joalo-joalo. 'Me ba ne ba lutse mono. A re, "Tsamaea le bona."

²⁹ Ka re, "Ebile ha se basesisi ba likepe." Ka re, "Ke tseba seo." Ka re, "'Na ke mosesisi oa liketsoana. 'Me ke—ke tseba ka seketoana, ho se laola. Empa," ka re, "bona, ha ho mohla ba tla khona. Ba ne ba ke ke ba khona. Nke ke ka tsamaea ka mokhoa oo, le hona."

³⁰ "Be," a re, "ba u rata." 'Me a re, "Hobane'ng u sa khutlele mona ho ea phahlela?"

³¹ Kahoo, ka khutla. 'Me sebakana moo re neng re ile teng, sebakanyana se bitsoang Klondike, limaele tse ka bang mashome a mane hole le tsoelopele efe, levenkelana la boramapolasi le lintho. Ea ka e ne e le Klondike, 'me ho feleng ekare e ne e le tabernakele ena. Ke ne ke eme hantle mona. Ke ne ke romella, libarele tse kholo tsa lijo tse ntlehali tseo nkileng ka li bona. Li-radishi, e ka tsona, tsa bolelele ba maoto a mararo; le litunipi, le linaoa, le litapole, le ntho e 'ngoe le 'ngoe.

³² A re, "Li phahlele ka bongata ba tsona." Le a bona? 'Me ke ne ke eme mono, ke li bokella feela ka hare.

³³ 'Me ka tsoha. Ke sa e utloisise. Ka e hopola e le toro feela, le ho tsoelapele. Ea tšoenya Moena Wood le bongata ba bona. Ka hona, tlhaloso e ne e le ena. Ke tlameha ho ema, joalo feela ka ha ke le boleletse khafetsa. Lintho li tlameha ho etsahala pele u ka khona; lintho tse itseng tse e kenyang mocheng. Tlhaloso e ne e le ena. Bao . . .

³⁴ Esale re shebeletse mose ho maoatle. Moena Miner Arganbright, motsoalle oa ka e moholo, o ne a tlil'o lefa litjeho tsa ka le mohatsa ka, ho hahlula Palestina. 'Me re ne re tla kena Switzerland, le ho theohela tlase Afrika, le letšolong la Phupjane. 'Me mohatsa ka, le Rebekah, le bao, ruri ba hlile ba nyakalletse ho tseba hore ba tla feta ka la Jeremane, Engelane, Fora le Palestina. Ba ne ba tla lokela ho ema mono ho fihleka le phethetse letšolo la Afrika, ke ntano ba nka tseleng e khutlang. 'Me bohole ba lutse tlas'a tebello e kholo. Le nkutloile ke re, "Ha Morena a ratile," kamehla. "Ha Morena a ratile, ke ikemiselitse ho isa letšolo leo mose ho maoatle. Ha ke eso tsebe hantle le joale." Kahoo ke ne ke e emetse.

³⁵ Empa seo e neng e le sona e le sena. Mongh. Smith enoa, George Smith, e ne e le mokoetlisi oa ka oa pele ka mono, 'me a ke ke a nonyana matla le mocha ofe naheng kajeno, ntoeng ea hae. E ne e le koetliso ea ka ea pele, moleng oa thapelo. Le a bona?

³⁶ Hangata, ke nyolla batho, ho hlaha lipono. Ema. Yaa. *Enoa*, pono. *Eane*, pono. Ha ho mohla e kileng ea sebetsa hantle feela. Joale, mohla ke neng ke qala, ke ne ke sa lumelle motho . . . Haese ha ke fumane ntho moleng, e neng e sa loka hantle, 'me A nkemisa, ka sebele sa Hae, le a bona, le ho mpolella ka eona, ke ne

ke tsoelapele 'me ke rapella batho. 'Me, khili, e—e liphetho li ne li menahane halekholo, hoba ke ile ka . . . Ke ne ke rapella makholo a mane kapa a mahlano ka bosiu. Ka mokhoa ona, mohlomong mashopeli-hlano kapa mashotharo, mohlomong e seng bongata boo. Lipono tse ka bang leshome kapa tse leshome-hlano, 'me kea . . . le ne le tlameha ho nkakasetsa kantle, mohlomong.

³⁷ Ho khutlela nthong eona eo hape, le a bona, ho khutlela thupelong ea ka ea pele. Etsoe, ha ho letho tšimong le kileng la ema mabapa le Lona, kapa le ka khonang, le a bona, hoba ke Lentsoe. Ha se phutheho ea bolumeli bo itseng. Ke Lentsoe. Le a bona?

³⁸ 'Me hape, mono, le ntano hlokomela karolo e latelang kamora mono, Meda o ile a tsoa torong. Eitseha ke fihla leoatleng, hoo e ne e le: ho ea mose ho maoatle.

³⁹ Joale, Moena Arganbright o ile a ntetsetsa, bosius bo bong, a thabile kahohle, 'me a re, "Moena Branham, e tla ba phomolo e le 'ngoe e kholo. Moena Shakarian o ile a tšoaroa ke lefu la pelo, eaba likopano tsa mose ho maoatle li hlakotsoe." 'Me bao . . . Kopano ea Switzerland, o ne a batla ha ke ea teng bosiu bo le bong, 'me e ne e le ho tšoara kopano eo ea bosiu bo le bong. Joale lintho tse ling tsohle e ne e tla ba phomolo, re ntse re hahlala le na. Oh, eona, joale, etsoe ho le hotle haholo; Moena Arganbright o sehlohlolong feela, ke Mokreste, motsoalle oa hlooho ea khomo ho 'na le lelapa la ka.

⁴⁰ 'Me, empa, le a bona, seketsaana, se sesoeu sa polasetiki seo a neng a batlile ha ke tsamaea ka sona, e ne e le Lentsoe la Molimo. 'Me ha ho ther e lekaneng ho sona, ho mpiletsha mose ho leoatle. Ka re, "Huh-uh, e seng hoo. Ntho eo feela? Huh-uh."

A re, "Ka hona tsamaea, tsamaea le bona, joalokaha ba tsamaea."

⁴¹ Ka re, "Ha se basesisi ba likepe, bareri. 'Na ke moreri. Haeba ba ka ea, e tla be e le phomolo, ka bottlalo, ka thepa ea ho hloma liahelo ka har'a sona." Empa 'na nke ke ka e etsa. Ka e hana. Kahoo koahollo e ne e le eo ea—tsa toro. Le a bona?

⁴² 'Me eaba Mongh. Arganbright o a ntetsetsa, masiu a 'maloa a fetileng, 'me a mpolella hore—hore eona—eona . . . Ehlide, re ne re utloetse hore liboka tsa mose ho maoatle li hlakotsoe, ka lebaka la Moena Shakarian. 'Me joale ha ho . . . Mono, seo sa Switzerland, ke ne ke e-na le bosiu bo le bong feela. 'Me ke . . .

⁴³ Meda o ne a tlameha ho mpolella, pele, hore ha a batle ho tsamaea. Ka hona ka mo letsetsa, ho tsoa Florida, bosius bo bong, kapa Georgia, 'me ka 'molella. Ka re, "Moena Arganbright o letsitse 'me a re re lokela ho tsamaea ka la mashome a mabeli Motšeanong."

⁴⁴ A re, "E ke ke ea sebetsa. E ke ke ea sebetsa." Le a bona? "Bana ba ngola hlahlolo ea bona nakong eo. Nke ke ka ea." Le

a bona, o ne a loketse ho hana, ka bo-eena, hoba le eena o ne a kenyelelitsoe. E ne e le phomolo ea hae. 'Me eaba ke phetho.

⁴⁵ Esita le litoro, ntho e 'ngoe le e 'ngoe, e na le moevelo. 'Me ntho e 'ngoe le e 'ngoe e amana le ho hong kae-kae. Kahoo, litoro li na le likoahollo.

⁴⁶ Joale, ho khutleng . . . Nka rialo hore le tle le utloisise, 'me sena se a hatisoa. Tseleng, ho tla hae . . .

⁴⁷ Pejana feela ke tsoela kantle mono, ba bakae ba hopolang ke e pheta mona, hore Lentsoe le mphihletse, ka phaposing hoseng ho hong ka mor'a pono, le ho bua ka taba eo, la bua ka noha, 'me e ne e tlamiloe, le ho se tšohe letho? [Phuthetho e re, "Amen."—Mohl.] A re, "U se ke ua tšoha." Ho re, "Na ha Kea kholisa ho ba le uena hohle moo u eang teng?" Ho re, "Na ha Kea kholisa ke bile le uena matšolong a hau a ho tsoma?" Na le sa hopola ke bolela seo ke neng ke tla se fumana, pele ke tloha, le tseo tsohle? ["Amen."] Le a bona? Ho re, "Na ha Kea kholisa ke na le uena?" Eaba Puo e monate le fihla, e re, "Boteng bo sa hloleheng ba Jesu Kreste bo na le uena hohle moo u eang teng." 'Me ke a tseba, ka seo, re nyolohela ho se seng. Ha ke tsebe hore ke eng. Ha ke khone ho bolela.

⁴⁸ Ha ke fihla hae, bosiusung bo bong, kapa tsatsi le leng, kapa pele ke fihla hae, ke ile ka haptjoa ponong. 'Me ka bona bathoana ba bang, ba basesaane, eka bashanyana, kapa ho hong, ba roetse dikepisi. 'Me re ne re eme, re tsoma. 'Me ke ne ke thuntse bere e kholo, ea tonana e sootho. 'Me eaba ba sokolohela ho 'na, ba re, "Empa pherekano e itseng e teng mabapi le kopano."

⁴⁹ Ka re, "Ho sa tsottelehe seo pherekano e leng sona, haeba ke ne ke loketse ho ea, e ka bang kae, ke tla ea le hona, le a bona. Ha ho lebaka." 'Me pono ea emisa. Ha ke hore tsebe moo ke hokae. Empa, taba ena e teiping. E tla etsahala. Le a bona? Hopolang feela, e tla etsahala. Ke pono.

⁵⁰ Ka hona, joale, Sontaha se tlang, ke tla be ke le Tennessee, ha Morena a ratile, Moqebelo o tlang bosiu le Sontaha, 'moho le Moena M. E. Littlefield, mono, oh, ntlukholo eo ea church of God holimo mono Cleveland, Tennessee. Moena M. E. Littlefield, kerekeng ea hae, eo ke mo khakoletseng eona mona, lilemo tse peli kapa tse tharo tse fetileng, Cleveland, Tennessee, Moqebelo o tlang bosiu le Sontaha hoseng. E tla ba tšebeletso ea Sontaha hoseng feela, ka Sontaha. Le ho mpha nako, lelapa la ka le nyolohe le 'na, 'me re ntano khutla. Ke ile ka mo tsepisa, ho nyoloha le ho rera hape kerekeng ea hae. Mono ke Sontaha se tlang.

⁵¹ Hape, Sontaha se latelang, Moena Arganbright o tla fihla mona le Moena Rowe, modiplomate eo oa Washington, ea sebelitseng tlas'a dipresidente tse tharo kapa tse 'ne. Ba tla fihla mona ka Sontaha seo, le ka setšoantšo se secha. Ke batla motho

e mong le e mong a leke ho fihla mona, ha ho khonahala, bakeng sa nako eo. Ke batla ho ba mona, ka bonna.

⁵² Sontaha se latelang ke Paseka. Re lebeletse kopano e kholo mona, Paseka. Morena ha a ratile, ke batla ho fihla mona Sontaha sa Paseka. Bakeng sa . . . 'Me re tšoara tšebeletso ea ho chaba ha letsatsi, ka tloaelo. Kolobetso, lona bohle ba tlang ho kolobetsoa, Lebitso la Morena oa rona Jesu, le fihle mona bakeng sa Sontaha. 'Me esale ho lebeletsoe, kapa ho boletsoe, nakoana e fetileng, haele moo re se na sebaka sa ho lula, re ka nka Boy's Club, e lulisa makholo a supileng kapa a robeli, ka holingoana feela mona, ho potela hantle, tlelapa e ncha ha u potela hantle mona, le khutlele mona bakeng sa tšebeletso ea kolobetso nakong eo. Le ho khutlela holimo mono, e mong le e mong a tle a fumane setulo sa boiketlo hoseng ha Paseka. Re tla leka ho se batla, vekeng ena, le ho fumana.

⁵³ 'Me tšebeletso e latelang, ho tloha moo ho ea pele . . . Ke tloha mona la mashopeli- . . . la mashopeli-hlano kapa la mashopeli-tšeleta la khoeli. 'Me ebe la bosupa . . . la botšeleta, la bosupa, la borobeli, la borobong, le la leshome, ke khutlela morao holimo . . . ho tsoa Van- . . . kapa Sehlekehleke sa Victoria, morao koana har'a Maindia a mang, moo u tlamehang ho palama seketoana, ho ba fihlela.

⁵⁴ Motsoallenyan a ka oa moromuo, moena, ke hlotse le eena lehlabula le fetileng leetong la ho tsoma. 'Me o tsoa lelapeng le letle, eena le mohatsa'e. 'Me liphaka tsa hae, ntho e 'ngoe le e 'ngoe, li opa hohle, libakeng tse fapaneng. Che, ke seo e neng e le sona. Ka baka la matsetse, litšitšili le lintho, le a bona, ka lebaka la ho lula hantle kantle mono, teng ba tlameha ho phela ka ntho efe feela, har'a Maindia ao. O ne a tlisitse ba bang ba bona kopanong, ramohlongoana. Bohle ke Makatolike, e batla e le bohle. 'Me Moea o Halalelang oa theohela mono 'me oa qoholla ramohlongoana eo, le bohle ba nang le eena, le ho folisa e mong le e mong oa bona hantle mono kopanong. Ba ile ba chesetsa lebopo leo feela, holimo-le-tlase, ka liketsoana tsa bona tse tsoang. Ke batšoasi ba litlhapi ka khoebo, holimo-le-tlase lebopong. 'Me Moena Eddie o a letsas, 'me ke na le maikutlonyana a ho ea, le a bona, ho ea mono.

⁵⁵ 'Me ebe re tloha mono, re kena leetong la letsatsi le le leng ho tloha moo, le ho qeta masiu a mabeli kapa masiu a mararo Fort St. John. Ke holimo koana holim'a 'milakholo oa Alaska. 'Me ke masiu a mabeli mono.

⁵⁶ E nto ba, ho tla hae, le e . . . Kea kholoa ke la bosupa, la borobeli, la borobong le la leshome la Phupjane. Joale, sebaka ke sena seo bohle le ka eang ho sona, likopanong tsena mona, e tla be e le koana Southern Pines. Le tseba moena ea ngotseng hamonate mona, nakoana e fetileng. Ebile, o nthomeletse limakasine tse 'maloa. Ke tlamehile ke be ke tlide le tsona. Ke tla li tlisa mona

Sontaha se tlang, ha Morena a ratile. 'Me ke Southern Pines, e ka ba, oh, lihora tse tšeletseng kapa tse robeli ka koloi ho tloha mona, Southern Pines, North Carolina. Kapa, na ebe ke South Carolina? North Carolina. Yaa. Ke hantle. Ebe, hantle, re ntano tloha moo ka la leshome.

⁵⁷ 'Me ka la leshome le motso o mong le la leshome le metso e 'meli, 'moho le Moena Bigby mane Columbia, Carolina Boroa. 'Me ke monna eo, Mopresbeteriene ea ngotseng sengoloa. Ho 'na, e nkhahlotse ho feta ntho efe eo ba kileng ba e ngola ka 'na. E ne e le Mopresbeteriene, ngaka ea bomolimo. 'Me o ile a kena Chicago 'me a ngola sengoloa. Sa...Kea lebala e ne e le eng joale. Se ne se le monate ruri. Ke se tšoere kae-kae, le ka makasining. Ntho e amanang le "Mopresbeteriene, ea kopanang le Mopentekosta," kapa ntho e kang eo, "moporofeta oa pentekosta ho Moprebeteriene," ntho e itseng. 'Me ke tla ba le eena.

⁵⁸ Hape, bosiung ba maobane, re letselitse Moena Roy Borders, ea seng a le Lebopong la Bophirima. 'Me batho ba teng kantle mono ba nang le likereke li ka ba mashotharo-hlano le mashome a mane tse sebetsang 'moho likopanong; Sedalia, California; le koana Grass City, le ho tloha mono...kapa Grass Valley, ke rialo. Le ho tloha mono, ho ea Oregon; ho tsoella holimo koana—koana Washington.

⁵⁹ 'Me hape Moena Arganbright, ha a kena, re a tsamaea, re ntse re hlophisa joale, vekeng ea ho qetela ea Phupu, ho ba Anchorage, Alaska, ho hlophisa khaolo mono ea Borakhoebo ba Bakreste, e hlahlamang tsoseletso ea matsatsi a tšeletseng kapa a robeli eo ke tsepileng ho e tšoara, Alaska e khohlahetseng, e thata. Le a tseba ho joang, e mpa e le barafi le boramerafa. 'Me nama ea kolobe le mahe li bitsa lidolara tse tharo le lisente tse mashome a mahlano sejana. Ke—ke sebaka se khohlahetseng, empa ba hloka Evangel.

⁶⁰ Joale, seo ke ikemiselitseng ho se etsa, ke, lintho tsena tseo ke rutang ka tsona mona, ho boloka Lijo tsena le ho li aba, ke batla ho tsamaea joale. Ha ke na tataiso ho ea nqa efe, empa ke a tloha, ho jala lipeo, ho romeloa kae-kae, ho qalisa.

⁶¹ Mohatsa ka, o teng mona kae-kae. O fumane lengolo le tsoang ho leleiti ka mona ka Illinois letsatsi le leng. Le ile la tukisa soule ea ka ea pelo ea ka. Mosali enoa o itse, "Khaitseli Branham," ho re, "ha ho pelaelo hore khafetsa, le ho theosa, ho tloha le chatile, u lokela ho sotleha haholo, ha Moena Branham a tsamaile, ka bana bao." Le ho re, "Bana, ehlide, ba llela ntata bona le joalo-joalo." Le ho re, "Ke tseba seo u se bolelang, hobane ke na le monna ea ratehang, le 'na." A re, "Empa, ke u bolella maemo a ka."

⁶² A re, "Ke—ke entsoe liopereishene tse kholo tse 'ne, lilemong tse 'ne tse fetileng." A re, "Ke hlaba, lithethefatsi

tse kokobetsang tse leshome-hlano kapa tse leshome-tšelela ka letsatsi.” ’Me a re, “Ke hlaba Lexron tse tharo tse fapaneng, le joalo-joalo, vekeng.” Le ho re, “Ke beha shoahla ea lipilisi tsa ho robala, le ntho ea morao-rao, ho khutsisa methapo. ’Me linale tseo, le ho noa lipilisi tse peli, tsa ho robala habeli bosiu, koana ha ke khone ho robala.” ’Me a re, “Ngaka ea ka e mpoleletse ho ea setsing sa bohlanya pele ke fetoha lekhoba. Tšepo ea hore nka pholosa kelello ea ka e ka ba teng.” ’Me a re, “”Me ha ho letho selikeng sa bongaka kae-kae se neng se ka nkama.”

⁶³ ’Me a re, “Ke ne ke lohatha ho ipolaea, ke ntse ke rera, ho siea monna oa ka ea ratehang le moralinyana oa ka.” A re, “Re lula Kansas. Ke a e rata, hobane ke bona koro ha e butsoa, ’me ke nahana ka kotulo.”

⁶⁴ Ke a kholoa hore e ne e le Memothodise. ’Me a bolela hokae...’Me hape, koana kolecheng ea Methodise e Bloomington, Illinois, ba ile ba thonaka pampiri, ha thoe ke tla fihla mono, likhoeling tse leshome le motso o mong tse fetileng. Bongata ba lona le hopola kopano ea Bloomington. Le ne le le teng mono.

⁶⁵ ’Me a re, “Monna oa ka o ile a nkuka, le metsoalle e meng, le ho tloha.” ’Me a re, “Morena o tsebile ke sa tl’o khona ho mamella letsatsi le leng hape.” A se a iketse hole haholo. Le ho re, “Ke ne ke le motho oa pele. Mora oa hau, Billy Paul, a mphile karete. ’Me bosiung boo, eitseha monna oa hau—eitseha a bitsa linomoro, ke ne ke le oa pele moleng, ho rapelloa.” Le ho re, “Hang ha ke fihla kalaneng,” ho re, “a mpolella ka bophelo ba ka ’me a mpolella seo ke se entseng, le sohle se amanang le eona, le ho re, ‘HO RIALO MORENA, ho felile.’” A re, “Hona sekheeqeng seo sa motsotso, ha ke eso utloe lehlaba le leng hape.” Ho re, “Boima ba ka e ne e le liponto tse mashome a supileng le ho hong. Hona joale ke boima ba lekholo le mashome a tšeletseng le lethoana.” Le ho re, “Khaitseli Branham, ha u jeoa ke bolutu,” ho re, “ke tseba kamoo u ikutloang, ho arola monna oa hau le lefatše, le lintho tse kang tseo. Empa,” a re, “hopola feela, malelapa oa Kansas o lokolohile kajeno, hobane o ile a ikemisetsa ho tsotella Morena.”

⁶⁶ Ke ile ka bontša Billy. Ka re, “Billy, ke batla hore o romele taba ena koana kolecheng eo ea Methodise.”

O ile a nanabela ’me a lata qubu, a re, “Bala a mang ana.”

⁶⁷ Ka re, “Ke a tseba. Ke a tseba hore a matle, empa lena le lekane. Lena le behile maemo.”

⁶⁸ Na le utloile taba eo? ““Ha kea hloeka! Ha kea hloeka!” Meea e mebe ea mo leleka,” le a bona, a lahlehetsoe ke kelello ka botlalo, “kantle mabitleng. Eitseha Jesu A fihla, A lokolla batšoaruuo.” ’Me Jesu ke Lentsoe. Ka hona, nka Lentsoe, ’me Le tla lokolla batšoaruuo.

⁶⁹ Ke ntse ke bua, ke iketlile, ke ja nako ea lona, ’me ho ka boleloa tse ngata.

Ha re inamiseng lihlooho tsa rona.

⁷⁰ Morena, joaloka batho ba shoang, rea tseba hore ha re na nako e ngata ho bua. Ha ke sheba sehlotsaana sena, se lapileng sa baeti ba tsoang naheng, ba tsoa temong, ba bang ba bona ba tsoa mesebetsing ea sechaba, ba tsoa mosebetsing, ba bang ba bona ba khanna ba parola lithaba, le mahoatata, le masimo le mehlaka, le ho phutheha mona, 'me ba tlameha ho ema ka maoto. Empa ke baeti. Ha se ba lefatše lena. Ba mona feela joaloka mapaki, joaloka mabone a behiloeng leralleng, a khantsang sechaba seo ba phelang ho sona Leseli. 'Me ke moo e reng ha ba phutheha, ho inehela bocha, le ho natlafatsoa ke Lentsoe, ba ema, ba honyela litho, ba—ba holileng le bacha, ka ho tsoana.

⁷¹ Ba U rata, Morena. Ke ka hona ba leng mona. Mang oa tseba hore motho a ke ke a tla, 'me a khanna limaele, le ho itsetleha ka mabota, a itsetlehile, le meomo e honyetse mesifa, ho bonoa feela. 'Me sehlapha sena, Morena, re—re bafumanehi. Ha re tle ka moaparo o khabileng. Re tla mona ho U khumamela. Morero o le mong pelong tsa rona, sepheo se le seng le morero o le mong, ke Uena, Morena.

⁷² Ke a rapela, Molimo, U ba buseletse ka ho khaphatseha. Ho se be le ea fetang menyako ena, kajeno, haese ea tla fumana Bophelo Bosafeleng. "Joale maima a tsela a tla bonahala e se letho, ha re fihla pheletsong ea tsela." Haeba ba kula, ba folise, Morena.

⁷³ 'Me joale re sa tsoa bua ka likopano tse ling, kapa re sa tsebe kannete, kea tloha ke hona, haeba e le thato ea Hau, ho hasa Lipeo feela. Li tla mela, haeba Li oela mobung o motle. Ke a rapela, Morena, hore U tle u Li tataisetse mobung oo o motle.

⁷⁴ Ho robetse kalaneng, kapa sefalen, ke tlamehile ke be ke itsalo, mona hoseng hona, ke lisakatuku, liphaselanyana. Li bolela hore batho baa kula, ba hloka. Oho Molimo oa Leholimo, Ea tsotsitseng Kreste bafung 'me oa Mo hlahisa ho rona letsatsing lena la ho qetela, ka sebopeho sa Moea o Halalelang, Eo e leng motlalahohle A ke a shebe fatše; motsebatsohle, ho tseba lintho tsohle; eamatlaohle, eabonatlabohle. Sheba liphutheloana tsena. 'Me tsona, etlereha li ama bakuli le ba mahlomoleng, Moea o Halalelang o ke o phelise thapelo eo litsebeng tsa Molimo, 'me ba fole hang-hang.

⁷⁵ Morena, nahana ka mosaljana eo oa mofumanehi. Ke sa tsoa qotsa bopaki ba hae, "Kantle mono Kansas kajeno, o thabile, ha ho lehlaba. Ha ho ngaka e ka fumanang phoso ka eena. Ha ho sa na mahlaba, ha ho sa le linalete, ha ho sa le lipilisi tse kokobetsang; o robala hamonate ka boiketlo. Tsohle li lokile." Oho Morena, ruri, ha U fihla, tsohle li lokile. Re U leboha ka seo.

⁷⁶ Joale, Ntate, ha re phetla Lentsoeng, hlohonolofatsa Lentsoe la Hau. Le se khutlele ho Uena le le feela, empa Le finyelle seo

le Se baletsoeng le ho khethelo sona. ka Lebitso la Jesu rea kopa. Amen.

⁷⁷ Joale, na le utloa hantle, e mong le e mong? Morao ka morao, ho lokile? Ebe ho betere joang, ha ke bua *tjena*, kapa ke bua *tjena*? Ka *mona*, na lehlakore lena le ka mona le betere? Na hoo hoo betere ho lona bohole morao moo? Ho lokile, ke tla hulela ntho ena mona, haufi ke hona.

⁷⁸ Sontaha se fetileng, vekeng, ke—ke ne ke batla ke siiloe ke nako, tšebeletso e le telele. Ha ke rate ho ba joalo. 'Me joale, hang ka nako, e ke ke ea ntšoenya le hanyenyane, ha motho a lutse fatše, a bona bao ba emeng, ke rata ho fapanyetsana malulo le bona, nakoana, ho ba phomotsa. E ka ba ketso e ntle haholo ea Bokreste. 'Me joale, joale, mohlomong, ka—ka Paseka ena, re ka fumana sebaka se seng ho tšoara e—e—e tšebeletso ea sehlooho.

⁷⁹ Joale re batla ho phetla, hoseng hona. Lona masole kaofela ntšang Sabole tsa lona—tsa lona joale, 'me re tla tumisa ntoa holim'a sera. Re ne re tloaetse ho bina sefelanya le a tseba:

Ntoa e a loana, oho uena lessole la Mokreste,
Lifahleho li talimane ka hlophollo e thata.

Le utloile sefela seo.

Lihlomo lia benya, mebala e a phalla,
Botle le bokhopo li khitlane kajeno;

Le a bona? Ke hantle.

Ntoa ea loana, empa le se tepelle,
Tieang le itšoarelle matleng a Hae;
Ha Molimo a eme le rona, folaga ea Hae holim'a
rona,
Re tla bina pina ea mohloli qetelong.

⁸⁰ Ke hantle. Re batla ho phetla joale, pele, ho bala palo ea Lengolo e fumanoang ho Santa Johanne 10, litemana tse hlano tsa pele.

Kannete, 'nete ke re ho lona, Ea sa keneng ka monyako lesakeng la linku, empa o hloella kahosele, ke eena lesholu le senokoane.

Empa ea kenang . . . monyako ke molisa oa linku.

Molebeli oa monyako o a 'mulela; 'me—'me linku li utloa lentsoe la hae: 'me o bitsa linku tsa hae ka mabitso, 'me a li ise kantle.

'Me ere hobane a ntše linku tsa hae, o li etelle pele, 'me linku li mo latele, hobane li tseba lentsoe la hae.

*. . . osele li ke ke tsa mo latela, empa li tla mo balehela:
hobane—hobane ha li tsebe lentsoe la basele.*

⁸¹ Joale, sehlooho hoseng hona, seo ke khethileng ho ruta ka sona nakoana, ke: *Bohlale Papisong Le Tumelo. Bohlale Papisong Le Tumelo.*

⁸² Joale, mehloli e 'meli feela, kapa ka mehloli e 'meli, eo re tlameha ho phela. Na u ne u tseba seo? Joale rona . . .

⁸³ Fatše mona ke ngotse Mangolo a mangata. 'Me ke batla lona . . . Re ka tšoha re lebisa ho 'ona, ha re ntse re khatha tema. 'Me—'me ke tla leka ho tsoa kapele kamoo ho khonehang. 'Me nke ke ka leka ho . . . Ho e ala feela, le tle le e thonake ho tloha moo. Le a bona?

⁸⁴ Empa re ka momona bophelo ba rona mehloling e 'meli feela. 'Me o mong ke bohlale, athe o mong ke tumelo. 'Me ha re nahana seo bohlale bo se hlahisang, le hape seo tumelo e se hlahisang! Empa, mehloli e 'meli eo, re khutlela morao hoseng hona 'me re e thonaka bakeng sa thuto ea sekolo sa Sontaha, le ho e hotolla ka Bibeleng; le ho bontša seo e leng sona, le seo e tlang ho se etsa, le seo e entseng, ka thuso ea Morena.

⁸⁵ Joale, tumelo le bohlale. Joale, ho qalisa, re tla elelloa, hore, ho Genese, khaolo ea 1, re fumana hore—hore tumelo e ile ea kenngoa, le bohlale ba kenngoa. 'Me, kajeno, mehloli eo e 'meli e sa ntse e kenngoa molokong oa batho. Rea fumana, hore, Molimo e ne e le Moqali oa tumelo, ho lumela, hore batho ba lumele 'me ba tšepe Lentsoe la Hae. 'Me Satane ke moqapi oa bohlale, ho leka hore batho ba amohele bohlale ba hae, le ho ba hulela hole le tumelo e Lentsoeng la Molimo. Mehloli eo e 'meli.

⁸⁶ Re fumana ho makatsa haele moo Genese, khaolo ena ea peo, e qala ka mokhoa oo. 'Me re bona lintho tsohle tseo re li fumanang, kajeno, qalong li qalile Genese, hoba lentsoe *Genese* le bolela "qalo." 'Me ha re bona lintho tsena tseo re leng tsona, kajeno, kamoo li emeng kateng, li ne li loketse ho ba le qalo kae-kae. U tla tlameha ho sala ntho e 'ngoe le 'ngoe morao ho khutlela qalong.

⁸⁷ 'Me mohopolonyang ke ona bakeng sa lona. Ntho e 'ngoe le e 'ngoe e bileng le qalo, e na le qetello. Empa ke lintho tse neng li se na qalo, tse sa feleng, tsona feela lintho tsa Bosafeleng.

⁸⁸ Ka hona, nka rata ho botsa potso. Re ka etsa kelello joang ka lentsoe la "bo-mora Bosafeleng ba Molimo"? Haeba E ne e le Mora, O bile le qalo. Hola E ne e le Mora oa Bosafeleng, E ka ba Mora joang 'me ebe Bosafeleng? Hobane, *mora* ke—ke lehlomela la ho hong. Empa, haeba A ne a le teng—A ne a le teng, e ne e ke ke ea e-ba Mora oa Bosafeleng. Ha ho ntho e joalo, "Mora oa Bosafeleng oa Molimo." Hoba, haeba A—haeba A eso be le qalo, ka hona E ke se be letho haese Bosafeleng. Empa, haeba E ne e le Mora, O bile le qalo, ka hona E ke ke ea e-ba Mora oa Bosafeleng.

⁸⁹ E ne e le Molimo oa Bosafeleng o bonahalitsoeng ka ho Mora. Uh-huh. Le a bona? Molimo oa Bosafeleng, hoba Molimo ke eona feela ntho ea Bosafeleng.

⁹⁰ 'Me mokhoa feela ho rona oa ho phela le ka mohla ke hobane re na le Bophelo Bosafeleng. 'Mele ona o a shoa, litho tsohle tsa rona lia shoa. Empa karolo ea Bosafeleng ke Molimo, 'me e ke ke

ea shoa. Joale, joale, Lentsoe, Bibele, ke Bosafeleng, hobane Ke Molimo ka sebopeho sa Lentsoe. 'Me se neng se le ka ho Molimo, mehopolong ea Hae, le pele Lentsoe lefe le builoeng le ka hlahaa, e ne e le Molimo. Le a e bona? E ne e le Molimo. Ka baka leo, ka ho rereloa pele, rona ba leng joalo; ho re "rona," ke tsepile hobane ke 'moho le lona ba reriloeng pele; e ne e le e—e lintho tse neng li le ho Molimo kahar'a Bosafeleng.

⁹¹ 'Me hape, ha u le ngoana oa Molimo ea tsoetsoeng labobelii, u joalo, 'me u e-na le Moea o Halalelang ka ho uena, u liponahatso tsa Lentsoe la Molimo le builoeng pele E eba Lentsoe. Eka khona e be mohopolo pele e ka ba Lentsoe. Lentsoe ke mohopolo o builoeng. 'Me mehopolo e ne e le ka ho Molimo, 'me hape re ne re le ka ho Molimo koana Bosafeleng, 'me re builoe ra ba teng ka Lentsoe. Oh, ha se le e . . . Ka Lentsoe lefe? Lentsoe *Lena*, Lentsoe la Molimo.

⁹² Joale, Molimo ke Mothei oa tumelo. Satane ke moqapi oa bohlale. Hoba, Molimo, o neile bana ba Hae ba pele Lentsoe la Hae, le ho ba bolella hore ba lokela ho lumela Sena; le ho beha lefu, karohano, kotlo, haeba ba hlolleha ho Le dumela.

⁹³ 'Me Satane o a fihla le ho leka ho hlahisetsa Eva, bohlale, "U tla ba bohlale, u tsebe botle le bobe, joaloka Molimo." Joale, le a bona, le ho qala, u bona kapele hore bohlale bo tsoa ho liabolosi. Hoa makatsa, na ha ho joalo? Empa ke linnete. Bohlale bo tsoa ho liabolose. Ke eena moqapi oa bohlale.

⁹⁴ Joale, ehlide, ntho efe eo liabolosi a nang le eona, ke khopamiso ea ea manttha. Sebe ke khopamiso, khopamiso ea ho loka. Bofebe ke khopamiso ea e—ea ketso e molaong. Leshano ke khopamiso ea 'neta.

⁹⁵ 'Me ho joalo e—e bohlale boo ke batlang hore le bo batalatse, pele re qala. Bohlale ba Molimo bo teng, bohlale ba Molimo, e leng, ho lula le Lentsoe la Hae. Empa Satane, bohlaleng ba hae, o lekile ho sotha Lentsoe, ka hona ke bona bohlale boo ke buang ka bona.

⁹⁶ Ho na le thojana e itseng ea tumelo e khemang le Satane. Ho ka—ho amohela Satane, u tlameha ho lumela Satane, ka hona ho na le tumelo e khopamisitsoeng nthong e khopamisitsoeng. 'Me ntho efe feela e ka lekang ho sotha Lentsoe la Molimo, ho Le buisa seo Le sa se bueng, ke moea o fosahetseng, le a bona, ho nyehela bohlale khahlano le bohlale ba Molimo. Kahoo, re tla e bitsa bohlale, 'me e seng tumelo ea Satane.

⁹⁷ Boholo ba batho ba lumelang seo, ba tsepahala, 'me ba lumela, ka tumelo eohle eo ba nang le eona, hore ba nepile. Le a bona? U tlameha ho sheba. Kobo e saroloha mahlakore a mabeli joale. Empa, eena, ba a . . . Tsela feela ea ho ba le bonnate, ke ho khutlela Lentsoeng la manttha. Ntho e 'ngoe le e 'ngoe e theiloeng teng, holim'a Lentsoe.

⁹⁸ Joale, re fumana mafapha a mabeli ana, kapa mehloli, ke ana: o mong, bohlale; le o mong tumelo. a ne a lohane ho tloha pōpong, serapeng sa Edene.

Joale, bana ba teng mahlakore bobeli.

⁹⁹ Joale, e—e bohlale boo re buang ka bona ke bofe? Ntho e ke keng ea lumellana hore Lentsoe lena lohle ke 'Nete. Ke ntho e tla fokotsa 'Nete, e itthalosang e le tsebo e phahameng, bohlale bo bongata. 'Me haeba bohlale ba mofuta oo bo tsoa ho Satane, bana ba hae ba phela ka bohlale boo.

¹⁰⁰ 'Me haeba tumelo ea Molimo e tlie ka Molimo, 'me Molimo e le Lentsoe, bana ba Molimo ba phela ka tumelo. Bibele e boletse, "Ba lokileng ba phela ka bohlale"? [Phutheho e re, "Che."—Mohl.] Tumelo! "Ba lokileng ba tla phela ka tumelo." E seng seo a ka ithutang sona, empa seo a ka se lumelang. Ho lokile.

¹⁰¹ Joale, joale rea fumana. Ha re nkeng bohlale, pele. Bohlale bo na le mabaka. Tumelo ha e na mabaka. Empa bohlale bo na le mabaka. Ha re qaleng re phetle Bibeleng, 'me ha re phetleng joale ho Genese, khaolong ea 3 ho Genese, 'me re rute sena feela.

¹⁰² Joale re etsa'ng, ho leka ho etsa hoseng hona? Ho latela seo Morena a se buileng, "Boloka Lijo." U tla Li hloka, ka le leng la matsatsi ana. "Boloka Lijo."

¹⁰³ Joale, Genese 3:1, a re baleng joale, re bone kamoo bohlale bo nang le mabaka.

'Me noha e ne e le bohlale ho feta liphofolo tsohle tsa naha tseo MORENA Molimo a li entseng. 'Me ea re ho mosali, E, na Molimo o itse, (ho lumela, ho qotsa Lentsoe) Le se ke la ja lifate tsohle tsa tšimo?

Mosali a re ho noha, Re ka ja litholoana tsa lifate tse tšimong:

Empa...tholoana ea sefate se bohareng ba tšimo, Molimo o itse, Le se ke la e ja, (ho qotsa Lentsoe), le se ke la e ama, le tle le se ke la shoa.

¹⁰⁴ Joale, tumelo e itšoarella ho Seo. Le a bona? Joale hlokomelang.

...noha ea re ho mosali, Ruri le ke ke la shoa:

¹⁰⁵ Lebaka, mabaka, "Molimo o lokile haholo. Molimo o mohau haholo. O le rata haholo." Le utloa eena liabolosi eo oa khale kajeno. "Molimo o lokile haholo ho etsa sena. Molimo o ke ke oa etsa sena. Molimo o ke ke oa ahlola." O tla etsa hantle feela seo Lentsoe la Hae le boletseng hore O tla se etsa. Le a bona?

¹⁰⁶ "Ruri le ke ke la shoa." Le a bona? O ntse a leka ho etsa'ng? Ho etsa hore a rerisane le eena ka mabaka. Motsotsong oo u behang mabaka Lentsoeng la Molimo, u ntse u lahleheloa ke tumelo. Le a bona? Ha ho che "ee, bo-che, ho ka ba joalo." Lula

hantle le Lona. Le a bona? Eva o ne a e atametse hantle, empa o ile a mamela mabaka a hae.

¹⁰⁷ Batho ba bangata kajeno ba tšoere tsebo e lokileng, e tsebang hore Lentsoe lena e loketse ebe e le Lentsoe la Molimo, 'me Ke Lentsoe la Molimo, empa ba ema 'me ba lumella moithuti e mong oa seminare ho ba behela mabaka ka Lona, hole le Moea o Halalelang, hole le lintho tsa Molimo. "Mabaka, re tlameha ho a lahlela fatše."

¹⁰⁸ Joale, temana ea 4.

Hoba . . .

Ke tla le borella hobane'ng Satane a buile. Ke tla bala temana ea 4, pele, e ntano ba ea 5.

Noha ea re ho mosali, Ruri le ke ke la shoa—shoa:

Hoba Molimo o a tseba hore mohla matsatsing ao le se jang, mahlo a lona a tla tutuboloha, 'me le tla ba joaloka melimo, le tsebe botle ho bobe.

¹⁰⁹ Le a bona, o mo behela lebaka, "Na u ka rata ho lekana le Molimo? Nka . . ." Ka mantsoe a mang, "Na u hlile u batla ho loka ho Molimo? Nka keletso ea ka. Mamela 'na. Molimo ha o bolele Hono. Ha O a etsa joalo feela."

¹¹⁰ Ha u utloa ntho eo, tloha ho eona. Ke hantle. Ke mohoeshetso oa noha. E utloahala e etsa mabaka. Empa u se behe mabaka, ho hang. Le lumele feela, seo Molimo o se buileng. Joale, etlare ha . . .

Eitse ha mosali a bona hoba sefate se monate ho jeoa, . . .

¹¹¹ Lea bona hore e ne e le eng? Mabaka a hae a mo tsebisitse hore e nepahetse, e ne e le 'nete.

. . . le hore se ne se khahla leihlo, le sefate se lakatsehang . . .

¹¹² "Ho fa motho tumelo"? [Phutheho e re, "Che."—Mohl.]

. . . ho fa motho tsebo, ho hlalefisa motho, . . .

¹¹³ Lea bona hore e ne e le eng? Satane a hlahisa tsebo, tsebo e neng e le khahlano le Lentsoe, "ho neha motho bohlale."

. . . a nka tholoana . . . a ja, a neha le monna oa hae a na ena le eena; 'me a ja.

Eaba mahlo a bona bobeli a tutuboloha, 'me ba tseba hobane ba feela; 'me ba rokahanya mahlaku a sefate sa feie, ba iketsetsa meitlamo ka 'ona.

¹¹⁴ Joale, e qaliloe ke'ng? Ho beha mabaka. Le a bona? Tumelo ha e na lebaka. Ha u behe mabaka, ho hang. U a lumela. Ha u rapeletsoe, 'me u amohela Lentsoe la Molimo la pholiso, u se ke ua beha mabaka ka maikutlo a hau. U se ke ua beha mabaka ka

letho lesele. Ha ho lebaka ho eona. Molimo o boletse joalo, 'me ke phetho.

¹¹⁵ Oh, kamoo nka ratang ho khefutsa metsotsotso e 'maloa mona, le ho phomola holim'a taba eo, le ho ntša mohlolithero ho eona. Nke ke ka khona, 'me ka rera tsena, litemana tse ka bang mashome a mane kapa mashome a mahlano tseo ke li ngotseng fatše mona. Empa ho beha mabaka. . .

¹¹⁶ Ha Morena a hlahisa pono. . . . Ke tla le borella feela, ka mokhoa oa ka oa leseanyana. Morena o hlahisa pono ea ntho e tllang ho etsahala, khele, ha ke tsotelle se khahlano le eona.

¹¹⁷ 'Me hopolang, ntho e 'ngoe le e 'ngoe e ka hlahisoang, khahlano, Satane o tla e etsa. O tla leka ho beha mabaka, "U ke ke oa khona ho e etsa."

¹¹⁸ Ho tea mohlala, ke seo ke sa tsoa se qotsa nakoana e fetileng, mabapi le ho ea. . . . Joale, taba e ne e batla e fapohile e hlenneng. Pejana 'mè a ikela. 'Me Morena o tsebile nke ke ka phethisa litaetso tseo le baena bao, ka ho ea tsoma. Le ho hlahisa pono, le ho nkisa hole koana British Columbia.

¹¹⁹ 'Me eitseha re fihla mono, lesupatsela la re, "Ha ke e-so bone boeana-boputsoa. Ke phetse mona bophelo bohole ba ka. 'Me ntle le moo, re ea koana naheng ea linku, re palame lipere. Ha ho boeana-putsoa. Ha ho na. . . U ke ke ua bo fumana holimo mono." Le a bona? Le a bona? Ho leka, le a bona, ho leka ho sutha; lebaka.

¹²⁰ Satane a re ho 'na, "E tla ba, u mpa feela—feela u sa utloisia pono."

¹²¹ "Empa ke ne ke sa etsa joalo. E tla ba joalo. HO RIALO MORENA." 'Me eitseha karibou e hlahila, 'me re fumane seo, se neng se hlahile ponong, joalokaha le tseba bohole.

¹²² Eaba o re, mosupatsela a re ho 'na; moena ea lokileng haholo, ke tla ba le eena joale livekeng tse 'maloa, Mokreste e mocha. A re, "Moena Branham, moena oa ka o ne a tšoeroe ke sethoathoa. 'Me o ile oa palama pere eo tsatsing leo, 'me oa mpolella ho etsa ntho e itseng, 'me 'sethoathoa sa moena oa ka se tla fela.'" A re, "Hoba ke etse hantle seo Moea o Halalelang o u laetseng ho mpolella sona," ho re, "ha a eso hlaseloe ke letho, ho tloha tsatsing leo."

¹²³ A re, "Joale ke rona bana, holim'a thaba ena. 'Me hantle tlase bohole ba limaele tse tharo, ha ho le sehlahlala sa bophahamo ba li-inchi tse 'ne. Ha ho letho haese boriba ba karibou, menokotšoai e 'maloa boputsoa ba leholimo, 'me e bophahamo ba li-inchi tse peli kapa tse tharo feela." A re, "Boriba ba karibou le menokotšoai e meputsoa, ho fihla koana moeling oa moru, 'me lipere tsa rōna li ne li ropuoe moeling oa moru. 'Me joale, ho latela seo u mpoleletseng sona pele re fihla mona, ho itsoe, kae-kae lipakeng tsa mona le mane moo moshanyana eo a emeng teng,

a apere hempe eo e sekoche, u tla bolaea bere boea-boputsoa ea maoto a robong.”

Ka re, “Hoo ke HO RIALO MORENA.” Le a bona?

E ne e le eng? Satane a leka ho etsa hore ke se ke ka e lumela.

¹²⁴ Ra qala ra theoha thaba. Ra ’na ra atamela, a sa khaotse ho re, “Moena Branham, re batla re le bohole ba maele feela ho tloha ho eona joale.”

Ka re, “Na u a belaela, Bud?”

“Lekhale.”

¹²⁵ Ra fihla bohole ba halofo ea maele. Ho re, “Re bohole ba halofo ea maele feela joale.”

¹²⁶ Ka re, “Ke hantle.” Ho re, “Nahana feela, ka har’ a halofo ea maele!” Ho lahlela mabaka kathoko.

¹²⁷ A re, “Sheba. Re khona ho bona tsohle hantle ka pel’ a rona. Ha ho letho mono.”

¹²⁸ “Empa,” ka re, “Molimo O mphileng Lentsoe a ka bopa e ’ngoe mono. Se behe mabaka. E lumele feela. U se ke ua tsotella mabaka. Hoo ha ho amane le eona ka letho. Lumela feela seo A se buileng. Ke phetho.”

¹²⁹ Ke ne ke eme mono, ke shebile holim’ a maralla, hohle, ke boriba bo bosehla feela ba karibou; letsatsi le ne le likela; maralla, a le matle. U ka bona sebaka sefe kae kapa kae, bohole ba limaele tse tharo holimo thabeng, hantle ka holim’ a ka. ’Me eitseha ke reteleha ho sheba, limaele tse ka bang peli kapele ho ’na, kapa maele le halofo, kapa maele tse peli, keha ho eme bere ea grizzly e boea bo boputsoa ea maoto a robong. Hore e fihlike joang mono, ha ke tsebe. Empa e ne e eme mono. Le a bona?

¹³⁰ U se ke oa beha mabaka. Lumela. Ho sa tsotellehe maemo, u se ke ua tsotella maemo. Lumela.

Joale Molimo o itse, “E—e mohla le se jang, le tla shoa mohlang oo.”

¹³¹ Satane o itse, “E re ke u bolelle taba, u a bona. Joale, Hono, ke e . . . Oh, yaa, re re Molimo o nepile. Ehlide. Ke hantle. Re lumela Lentsoe leo. Oh,” Satane o itse, “Ke lumela Hoo, ka ’nete ruri. Empa, mamela, tloo ke u bolelle, O ne a hlile a sa tiea ka Hono.”

U ne a hlile a bolela Hono. O ne a bolela feela seo A se buileng.

¹³² Satane o itse, “Joale, sheba, ke tla u bolella hore hobaneng A e entse. Eena ruri . . . U a bona, u a—u a—ha u eso be bohlale, le hona. Ha u na bohlale ba letho. U a bona? U tsoana le nku feela, e etelloang pele. Ha u a ikemela.” Molimo o u batla u le joalo. “Ha u eso . . . Ha u eso apesoe Ph.D., le joale. Ha u—u—u a fumana thuto e lekaneng feela. U a bona? Empa ’na ke na le bohlale. Ke tla u pakela eona. Joale, sheba, ha u tsebe se lokileng le se phoso. Ua tseba ntho e joalo e teng, empa ha u tsebe seo e leng sona. E re ke

u bontše kamoo e etsoang.” Ke phetho seo a neng a batla ho se bolella mosali eo. Ke phetho seo a neng a batla ho se etsa. “Tloo ke u bontše kamoo e etsoang.”

A re, “Empa re tla shoa.”

¹³³ A re, “Ruri Molimo o ke ke oa etsa joalo. Empa O a tseba hore le lona le tla ba bohlale.” Le a bona?

¹³⁴ Ho emisa bohlale ba hae khahlano le Lentsoe la Molimo. Ke boo bohlale boo ke buang ka bona. Le a bona? Bohlale khahlano le tumelo, papisong le tumelo. Ke eo ntoa ea pele. ’Me Lentsoe la Molimo le ne le tiile ’me e le ’neta. Eitseha ba nka kabelo ho tholoana e thibetsoeng, ba shoa; ’me ho bile joalo, haesale. Le a bona? Ke hona moo, e pakiloe hantle mono, ha ho seriti sa pelaelo.

¹³⁵ Joale re tla e mathisa nakoana. Joale, ke ne ke tšoere Genese 3:1, 17, ’me joale . . . kapa 1 ho isa ho 7, ke rialo, ’me joale, joale, moo bohlale bo behang mabaka. Ba lumelang seo ba bakae joale? E reng, “Amen.” [Phutheho e re, “Amen.”—Mohl.] Le a bona? U re joale . . .

¹³⁶ Lingaka li re, “Be, ke tla u bolella.” Joale shebang, nkang mosajana enoa eo ke sa tsoa paka ka eena. Ngaka e re, “Ha ho letho leo u ka le etsang. Ho felile ka uena. Ha ho litšepo tsa letho bakeng sa hau. Tloha u ee setsing sa bohlanya. Mo iseng mono.”

¹³⁷ A re, “Pele ke kena mono seleng e ’ngoe eo, ke tla ipolaea.”

¹³⁸ ’Me eaba ho etsahala’ng? Molimo oa fihla temeng. ’Me ka papatso ea hae, kae-kae pampiring koana Kansas, ho tsoa Bloomington, Illinois, a utloela. “Tumelo e tla ka kutlo.” Le a bona? Be, monna oa hae o ile a mo lata. E ne e le baratani ba sebele, ba ratana.

¹³⁹ Nahanang. Lilemo tse ’nè, le likaro tse kholo tse ’ne; linalete tse kokobetsang tse leshome-hlano, tse leshome-tšeleta. Hoo ho lekane ho bolaea motho. Le a bona? Le linalete tseo tsohle, habeli kapa hararo ka veke. ’Me ke a tseba hore e ’ngoe ea tsona e ne e le Lexron, ’me ke lebala e ’ngoe. E ne e le ntho e etselitsoeng maemo a kelello. O ne a hlaba linalete tsena, ’me, ntle le moo, lipilisi tse peli tse robatsang. ’Me a sa robatsoe, le ke ntho eo. Mahlomola, ho kula letsatsi lohle, bosiu bohle, selemo ho kena le selemo ho tsoa. Ho se letho le ka etsoang.

Empa, “Tumelo e tla ka kutlo.” Le a bona?

¹⁴⁰ Joale, eitseha ha a fihla mono, Molimo oa ’meha sefaleng, e le oa pele. Le a bona? Le ho eng . . . Hobaneng, eng? Eitseha ke mo atamela, ’me ke re, “U phela joang, khaitseli?” “U phela joang?” O ne a eso utloe letho ka sena. Ha a tsebe letho ka eona. Empa ho re, “U Mof. Sekete-kete. U tsoa Kansas.”

¹⁴¹ Joale, kapele, seo se a mo fihlela ho—ho nahana. “Ema hanyenyane. Ke sa tsoa mo utloa a bolela, ho re, ‘Kreste e ne e le eena maobane, kajeno, le kamehla. ’Me mona re pakile,

ka Bibeleng, bosiung bona, hore Kreste o tsepisitse ho hlaha matsatsing a qetelo, kahar'a Kereke ea Hae, le lintho tseo ba li entseng tlase mane Sodoma, le joalo-joalo,' ha a ntse a rera a tsoelapele." E leng thero ea ka e bulang. "Hoba, joale, ke mona ke e bona e tsoelapele, hantle mona." Le a bona? "Joale, ee."

¹⁴² "Hona joale, u tsoa lingakeng tse 'maloa. U entsoe liopereishene tse 'ne."

¹⁴³ "Ebe o fumana boitsebiso boo hokae? Seo se tsoa kae? Monna eo e monyenyane, ea lefatla ha a tsebe seo. Ebe e tsoa hokae?"

"Me tseleng ea lona ho tla mona, ntho e *tjena-le-tjena*."

¹⁴⁴ "Helang!" Le a bona? "Joale, ke hantle seo a qetang ho rera ka sona. Leo ke Lentsoe."

¹⁴⁵ Empa, u a tseba, Satane o itse, "U a tseba, u amohela seo, molisa oa hau . . ." Seo ha se amane le eona ka letho. Le a bona? Lahlela mabaka kathoko. Le a bona? "Empa ngaka ea hau e itse u tlameha ho ea setsing sa bohlanya." Lahlela mabaka kathoko.

¹⁴⁶ "Ke emetse ho bona seo Molimo a tlang ho se bua ka eona." Le a bona? Eaba Molimo . . . Ke ne ke sa tsebe seo nka se buang. Eaba Moea o a e thonaka 'me oa e phatlola.

¹⁴⁷ O ile a e lumela. Ha ho mohla a kileng a beha mabaka, "Selemo kamora selemo, kamora selemo, ho khahloloa ke methapo, kelello e lahlehile, liopereishene le tsohle, lintho tsena tsohle; khele, ke ntho e sa utloahaleng, ho nahana hore nka fola mona, ka motsotsoana." Empa ha a ka a nahana ka mabaka. O ile a lumela feela. E entsoe ke tumelo, 'me a fola, hang feela.

¹⁴⁸ Haeba le rata ho mo ngolla, khele, Billy a ka le fa aterese ea hae. Ho lokile, joale. Joale, tu- . . .

¹⁴⁹ Bohlale bo tla beha mabaka. Joale . . . Empa tumelo ha e na mabaka. Ha e etse letho haese ho itšoarella Lentsoeng. E tšoara tšepiso.

¹⁵⁰ Joale ha re baleng nakoana. Ha re phetleng ho Baroma, khaolo ea 4, 'me re baleng hanyenyane feela. 'Me ke ho fihlela re hateletsoe ke nako, re tla bala Lengolo lena, Baroma, khaolo ea 4. Hoba, ke hlile ke rata ho bala Lentsoe. Le a u thabisa ho—ho Le bala. Baroma, khaolo ea 4, 'me ha re qaleng ka temana ea 17. Mamela.

¹⁵¹ Pauluse, ha a ngola tlhakisetso ka bophelo ba Abrahama, le a tseba, ha ho a boleloa letho ka Abrahama ea balehelang tlase Gerare, ha ho hlahe letho tlhakisetsong, le a tseba. Ke feela, "Abrahama o lumetse Molimo," Pauluse, moapostola e moholo eo, o ngola tlhakisetso ka Abrahama.

¹⁵² Temana ea 17, "Joaloka ha ho ngoliloe . . ." Ke rata seo: Pauluse, ho lula le Lentsoe.

*(Joalokaha ho ngoliloe, ho thoe Ke u beile ntata
lichaba tse ngata,) . . .*

¹⁵³ “Ke se ke.” Abrahama o ne a le lilemo li mashosupa-hlano. A phetse le mosali oa hae ho tloha e sa le a . . . bobeli ba bona ba ne ba le bacha. E ne e le khaitseli ea hae. Ha ho bana; ton a o ne a sa nona le tšali e ne e le nyopa. Empa Molimo oa kopana le eena oa re, “Ke se ke,” nako e fetileng, pele lefatše le theoa, ehlile, “u entse ntata lichaba tse ngata.” Eseng oa bana ba bangata, empa lichaba tse ngata. Nahana feela.

... *pel'a eo a neng a lumela, Molimo, Molimo, ea phelisang bafu, 'me ea bitsang tse sieo joaloka hoja li teng.*

¹⁵⁴ U se ke oa beha mabaka, ho hang. Mamela.

... *ho bitsa tse neng li se teng joaloka hoja li le teng.*
Leha ho ne ho se sebaka sa ho tšepa . . .

¹⁵⁵ Khili! “Esita le tšepo.” Ho ka thoe’ng hoja a ile a beha mabaka? “Esita le tšepo.”

Ke eena ea lumetseng ka tšepo, ho se na tšepo hore e tle e be ntata lichaba tse ngata; ka seo a se boleletsoeng, ha ho thoe, Leloko la hau e tla ba le lekalo.

¹⁵⁶ Ho sa tsotele hore ntho e itseng. “Molimo o boletse joalo, ‘me hoo ho a e qeta.” Oh, hoja Eva a tiisetcta hoo feela! Le a bona? Empa a ema, ho beha mabaka, ho fumana bohlale bo itseng. Abrahama o ne a sa batle bohlale bofe. O ne a batla Lentsoe feela. “Molimo o itsalo, ‘me hoo ho a e qeta.”

¹⁵⁷ Le a tseba, ke rerile ka eona, hangata. A tloha ho ea reka maleiri le lipelete, le ntho e ‘ngoe le e ‘ngoe, ho hlophisetsa lesea, ‘me Sara loha libutšu. ‘Me ha feta selemo ka morao ho selemo. “Ho bokoe Molimo, re tla le fumana, leha ho le joalo. Ke hantle.”

¹⁵⁸ “Hobaneng, eena,” ngaka e ka be e itse, “be, a ke ke a le fumana. U ke ke oa le fumana.”

“Me u se ke ua mpolella. Re tla ba le lona, leha ho le joalo. Ke eona.”

¹⁵⁹ “Khahlanong le tšepo, koana a lumela tšepong.” Litšepo li felile, koana a lumela ho eona mohla tšepo e neng e se e shoele, ho eena. Tšepo e ne e shoele patlisisong e ‘ngoe le e ‘ngoe ea mahlale, mohloling o mong le o mong oa bohlale. Tšepo e ne e felile, empa leha ho le joalo o ne a lumela ho eona. E ne e le eng? Tumelo ho eona; tumelo tšepong athe tšepo e ne e le sieo. Hum! Ke rata ho lika-lika ho eona nakoana. Tumelo tšepong athe tšepo e ne e le sieo, koana a ntse a lumela tšepong. Le a bona? Hobane, o itse, “O mpoleletse, ‘Lipeō tsa hau li tla ba joalo.’”

¹⁶⁰ Joale, temana ea 19. “Ka ho se fokole ‘bohlaleng, tsebong, a fuoa garata ea hae’”? [Phutheho e re, “Che.”—Mohl.] Che.

... *a sa fokole tumelong, (Ah! Ke moo.) o ne a sa nahane 'mele oa hae joale o sang o shoele, . . .*

¹⁶¹ Tšepo e ne e felile. 'Mele oa hae o ne o shoele. Mamelang, se latelang:

...ha a ne a batla a le lilemo tse lekholo, le hona . . .
ho shoa ha pōpelo ea Sara:

¹⁶² Tšepo e ne e shoele. 'Mele oa hae o ne o shoele. Popelo ea Sara e ne e shoele. O ile a etsa'ng? Temana e latelang, "Ha a ka a sisinyeha." Oh, khili!

Ha a ka a sisinyeha pallong ea Molimo ka ho se lumele (bohlale); *empa a tiea tumelong, a tlotsisa Molimo;*

¹⁶³ Oh, khili! Eng?

'Me a kholisehile ka botlalo hore seo a se tšepisitseng,
o ne a boetse a na le matla a ho se etsa.

¹⁶⁴ Hum! Ho sa tsotellehe joang, ha ho na lebaka ho eona, ho hang. O nka feela e—e Lentsoe le ho itšoarella ho Lona. Joale, haeba *Lena* e le Lentsoe la Molimo, na u a Le lumela? Hobaneng u ka belaela Lentsoe lefe la Lona, tšepiso efe feela ea Lona? U rialo joang hore *Ena* ke karolo, 'me *Ena* ha e molemo; 'me *Sena* ke *sane*, ho khetha seo u se batlang? E ke ke ea etsoa. E molemo eohle kapa ha ho le le leng la *Oona* le molemo. Ho lokile. Ka hona, hang ha u bona hore Ke 'Nete, tiisetra ho Lona. U se ke oa Le tlohela, ho sa tsotellehe maemo, kamoo ba lekang ho beha mabaka, "Khele, u ke ke oa khona." U se ke, u se ke oa etsa seo, ho hang. Lula hantle le Lona. Molimo o e tšepisitse.

¹⁶⁵ Haeba joale ke tla emela Kreste, 'me U 'neha Moea o Halalelang, Moea oa Hae o paka ka Bophelo ba Hae ka ho 'na. Joale ha ke e-shoa, Satane o a leka, ho re, "Joale, u a bona, u ne u se setho sa mokhatlo." Lula hantle le Lentsoe. "Ha u a etsa *sena*. Ha u a etsa *sane*." Ho sa tsotellehe *seo*, Satane a ke ke a Le behela mabaka. Ke Lentsoe la Molimo. Lula le Lentsoe. Le a bona? Le lahlela mabaka 'ohle fatše. Le a bona? Ha u behe lebaka la letho; ke ho itšoarella feela Lentsoeng. Le a bona?

¹⁶⁶ Joale, tumelo e tšepa Lentsoe la Hae feela. Le a bona? Ke seo A neng a batlile hore ba se etse. Seo—seo, joale, na le fumana motheo joale. Ke seo Molimo a neng a batla hore moloko oa batho o se etse: ho tšepa Lentsoe le leng le leng leo A le buileng.

¹⁶⁷ 'Me Eva o ne a tšepile boholo bohle ba Lona. Empa o ile a amohela thojana e le 'ngoe, "Be, ha nka tlala bohlale, mohlomong—mohlomong ho ne ho le joalo. Mohlomong e tlameha ho ba ka tsela *ena*." Le a bona? Joale hantle mono ke hona moo a lahlehetsoeng ke phuparo ea hae. Mono a qala a teba, hona moo. Ke hona moo moloko kaofela oa batho o ileng oa theohela hantle lebitleng, ho tloha hona moo, hoba o ile a belaela Lentsoe le le leng.

¹⁶⁸ Ba bang ba bona ba re, "Be, ke lumela *Sena* ke 'nene. Ke lumela *Sane* ke 'nene. Ke lumela Molimo a ka pholosa, empa ha ke lumela hore O a folisa. Ke lumela Moea o Halalelang,

ehlile, o theohile ka Letsatsi la Pentekosta, empa ha ho moo ntho efe e bolelang hore Moea o Halalelang o theohile, kamora Pentekosta.”

¹⁶⁹ Oh, moena! Ba e buile joalo; ba ipitsa likereke tsa Kreste. Le a bona? “Ba nang le sebopeho sa borapeli, empa ba latola Lentsoe la jona.” Huh! Uh-huh! Ke eona. Le a bona?

¹⁷⁰ U tsoanetse ho lumela. U se ke oa beha mabaka. Lumela. U se ke ua leka ho ba le bohlale. Lumela Lentsoe feela.

¹⁷¹ Bohlale bo leka ho beha mabaka le ho hlahisa tsela e molengopana. Joale, ke hantle seo Satane a se boleletseng Eva. “Joale, u ke ke ua shoa. Ruri u ke ke, hoba Molimo ke Molimo o molemo.”

¹⁷² Ke Molimo o molemo. ’Me mokhoa o le mong feela oo nka Mo tsepang, ho ba Molimo o lokileng, ke hore O tla lula le Lentsoe la Hae.

¹⁷³ U ka lebella hore ke be le ’nete joang athe ha ke na ’nete? Ha nka u borella ntho e ’ngoe, ho etsa ntho e ’ngoe, lentsoe la ka le hlide le a reketla. Le a bona?

¹⁷⁴ Koana, se Mo etsang Molimo o lokileng, ke hobane O buile Lentsoe, ’me re loketse ho phela ka Lentsoe leo. “Motho a ke ke a phela ka bohobe feela, empa ka Lentsoe le leng le le leng la Molimo, le tsoang molomong oa Molimo.” Ka hona, Molimo o lokela ho lula le Lentsoe leo. Ke eona ntho e Mo etsang Molimo o lokileng.

¹⁷⁵ Joale, haeba A ka re, “Be, Ke tla ba lumella ho phema *sena*. Ke, Ke tla ba lumella ho etsa *sena*. Be, *ho* itoketse. Oh, Ke, Ke tla—Ke tla fetela ka *mona*,” khele, O a tenyetseha, le a bona; Eo ha se Molimo; Ke—Ke monna ea tloaelehileng feela. Le a bona? Empa, ho ba Molimo o lokileng, O lokela ho lula le Lentsoe la Hae. Seo se beha ngoana e mong le e mong... Ha A ka lumella *enoa* ho feba, e mong *enoa* ho fupa hanyenyane, ’me—’me e mong *enoa* a ka bua leshano hanyenyane, e mong *enoa* a ka utsoa hanyenyane, ’me e mong a ka etsa—etsa *sena*; ebe ’na ke hatelloa feela ho hata moleng, ho kena?

¹⁷⁶ O na le tsela e le ’ngoe, ’me bohle ba kenang ba kena ka monyako oo. “Monyako o patisane, le tsela e tsesane. Ha ho litšila tse tla kena teng.” Koana ho Tšenolo, ho itsoe, “Bohle ba kantle ke baloi, lihlola, le lintja, joalo-joalo.” “Le lehlohonolo lona ha le etsa melao ea Hae eohle, hore le tle le be le tokelo ea Sefate sa Bophelo.” Ke hantle. Tsela e ’ngoe feela, ke ea Molimo.

¹⁷⁷ Ha re e behele mabaka, ha ho tsela e ’ngoe. Be, kereke ea Roma e re, “Rona re Kereke. Eona—eona Bibele eo ha e lokele... Khele, khele, Eona, le ke ke la...” Bishop Sheen o itse, “Ho leka ho phela ka Lona, ho tšoana le ho lukela metsing a seretse.” Le a bona? Le a bona? U tla e etsa joang? Le a bona? Ka hona, haeba a nepile, e tla ba Bibele e phoso. Bibele e nepahetse; eena o

fositse. Joale u tla re'ng? Haeba Lentsoe la Molimo le nepahetse, ke Bishop Sheen kapa—kapa Bibebe. Ha se Bishop Sheen feela, empa Mor. *Sekete-kete*, le Ngk. *Sekete-kete*, le *Sekete-kete*. Nka be ke sa bitsa lebitso la monna eo, koana o e buile seea-le-moeeng. Ka hona, o e buile seea-le-moeeng, ka hona kea kholoa nka bitsa lebitso la hae. Ngk. *Sekete-kete* le *Sekete-kete*, ba buile *hore-le-hore* le *hore-le-hore*. Joale u tla lumela mang, Molimo kapa bona?

¹⁷⁸ “Be,” ho re, “ha e le hantle ha E bolele ka mokhoa *ona* feela.” E bua feela kamoo E ngotsoeng kateng.

¹⁷⁹ Be, leo ke leshano la pele la liabolosi. O boleletse Eva, “Ha e le hantle ha Le bolele *seo*. Ruri Molimo o molemo haholo ho etsa hoo. U ke ke ua shoa.” Empa ba entse joalo. ’Me ba lula ba etsa joalo, nako le nako. U tlameha ho kopana le Lentsoe!

¹⁸⁰ Bohlale bo leka ho inkela e—e tsela e betere, tsela ea seojaole-joale, tsela ea botumo, e . . . tsela e bonolo, ho iphumana mokhoa.

¹⁸¹ Hona joale feela, ak'o nke mothaka mona, mohlomong Molimo o tla qala a sebetsana le eena. Joale, o nahana hore o tlamehile ho nyoloha. O lokela ho kenya mosali oa hae tseleng hantle. O tlameha ho tlohela mekete ea hae ea likarete. O tlameha ho tlohela ho ea metjekong. Mosali oa hae o tlameha ho holisa moriri oa hae. O tlameha ho tlohela ho itlotsta ka meikapo. O tlameha ho tlohela ho tsuba, ho noa. O tlameha ho tsoa sechabeng seo se seholo seo a leng ho sona. O lokela ho ikokobetsa aletareng. O tlameha ho ema le ho bitsoa lehlanya, mohalaleli-mothethehi, Belsebule, ntho efe feela e ka bitsoang. “Ke tla ba morapeli, empa ke tla theohela tlase *mona*, ke ingolise le kereke ena tlase *mona*. Uena u moqotetsane haholo.” Ke uena eo. Le a bona? Ke leo lebaka, lebaka.

¹⁸² Joale re tla fihla ntlheng e kholo, metsotsong e ’maloa, tabeng eo. Le a bona? U tla tseba joang se nepahetseng le se fosahetseng, ke hona? Le a bona?

¹⁸³ Joale, ho leka ho buisa Lentsoe se seng, tsebo e etsa joalo. Tsebo, bohlale, ho leka ho—ho beha mabaka. Bohlale bo fumana tsela e molemo. Ha ho tsela e ’ngoe haese tsela ea Molimo. Bohlale bo leka ho supa, ho re, “Oh, be, joale, u a tseba, re ka sitoa ho etsa hoo mehleng *ena*.” Re t̄šoanetse ho e etsa, leha ho le joalo. Le a bona? Ho leka ho fumana tsela e bonolo. Ho leka ho buisa Bibebe lintho tseo E sa li bueng.

Joale u re, “Oh, Moena Branham, joale u a . . . ”

¹⁸⁴ Beang butle nakoana. Re tla khutlela ho peo hape. Liabolosi o ne a leka ho etsa'ng ka bohlale? Ho etsa hore Lentsoe la Molimo le bue seo Le sa se bueng. Ke hantle. U lekile ho buisa Lentsoe la Molimo seo Le sa se buang. Le kajeno e tla joalo, ha ba leka ho buisa Lentsoe la Molimo seo Le sa se bueng.

¹⁸⁵ Che, ba re, “Be, ke tla u bolella, Moena Branham, ha u a tšoara tlhaloso e nepahetseng.”

¹⁸⁶ Bibele e boletse ho re, “Boporfeta ha bo a itlela ka tlhaloso ea motho.” Hobaneng? Hobaneng e se boitlhalosetso ba motho? Hobaneng? “Lentsoe la Morena le tlide ho baporofeta.” Le tolokoa ke moporofeta. E ke se be boitlhalosetso, ba motho. Baporofeta ba se ba u tolaketse Lona. Ke eo, e ngotsoe hantle Mono. E tlamehile ho ba joalo.

¹⁸⁷ Molimo o tlameha ho ba le ntho e itseng ea motheo eo batho bohole ba tlamehang ho ahloloa ka eona.

¹⁸⁸ Haeba e le ka kerekere, ke efe e nepahetseng? Li batla li le makholo a robong a bona, mekhatlo e fapaneng e makholo a robong. [Moena Branham o a khohlela—Mohl.] (Ntšoarele.) Ke efe ho tsona e nepahetseng? U tseba joang hore u a kena? Ho ka thoeng haeba u le Momethodise, ’me Mobaptise a nepile? Ho ka thoeng haeba u le Mopentekosta, Mapresbeteriene a nepile? Ho ka thoeng haeba u le Mokatolike, ’me Maluthere a nepile? Ho ka thoeng haeba u le Moluthere, ’me Makatolike a nepile? Le a bona?

¹⁸⁹ Motheo o loketse ho ba teng kae-kae. Ka hona haeba Lentsoe . . .

¹⁹⁰ “Lentsoe le ne le le tšimolohong, ’me Lentsoe le ne le le ho Molimo, ’me Lentsoe e ne e le Molimo.” Le a bona? Lentsoe le ne le le ka ho Molimo. E ne e le Molimo. E ne e le mehopolo ea Hae e neng e na le Eena, ka mehla Mono. Mehopoloea Molimo ke ea Bosafeleng joaloka Molimo ha o le teng. Amen. Leo ha se lebese le okotsoeng, moena. Le a bona? Ke ena e tla. “Mehopoloea Molimo e ne e le Lentsoe la Hae, tšimolohong,” ke hore, “ka ho Bosafeleng,” joale, mohla “qalo” e neng e qala pele, nako. “Lentsoe le ne le le tšimolohong, mehopolo ea Molimo, ’me Lentsoe le ne le le ho Molimo, ’me Lentsoe e ne e le Molimo.” Le a bona? Mehopoloea Hae ke seo A neng a le sona.

¹⁹¹ Ke uena, hape. Seo mehopolo ea hau e leng sona ke seo u leng sona. Ho sa tsottelehe seo u lekang ho se phela, ka ntho eseles, mehopolo ea hau ke seo u leng sona. U ka tsamaea joalo, oa itšoera joaloka thaka le lettle, empa ka pelong ea hau u sehlola le eng hape feela. Ke seo u leng sona, mehopolo ea hau.

¹⁹² ‘Me mehopolo ea Molimo e ne e le Lentsoe la Hae le neng le le ho Eena le ka ho Eena, ’me E ne e le Molimo. “Lentsoe le ne le le tšimolohong, ’me Lentsoe le ne le le ho Molimo, ’me Lentsoe e ne e le Molimo. ’Me Lentsoe leo la etsoa nama.” Menahano ea Molimo e ile ea hlahisoa ’meleng oa motho, “Ho etsoa nama, le ho aha hara rona.” Ke moo.

¹⁹³ Joale, haeba u ruile Bophelo Bosafeleng kajeno, u ka ho Molimo. Ka Boleng ba Molimo bo leng ka ho uena, u mohopoloea bonahalitsoeng oa Molimo. Shuu! Joale, u se ke ua mamela mabaka afe, esere moqhaka oa hau oa nkao, ua neoa e mong.

U se ke oa nka mabaka afe, ho hang. Lumela feela seo Molimo o se boletseng e le 'Nete, 'me u lule le Sona.

¹⁹⁴ Mabaka, ka bohlale, a leka ho buisa Lentsoe seo Le sa se bueng.

Joale u re, "Na seo ke 'nete, Moena Branham?"

¹⁹⁵ Be, ha re khutleleng ho Genese feela 'me re fumane. Ha re e-eng ho Genese, khaolo ea 3 ea Genese, 'me re tla bala e—e—e temana ea 4, ho bona haeba—haeba bohlale bo leka ho buisa Lentsoe seo Le seng sona. Khaolo ea 3 ea Genese, temana ea 4.

Noha ea fetola mosali ea re, Haele ho shoa le ke ke la shoa:

¹⁹⁶ Le bona seo bo se hlahisang? Ke eng? Ho leka ho buisa Lentsoe se Le sa se bueng. Le a bona?

Molimo o itse, "Le tla shoa."

¹⁹⁷ Bohlale, joaloka ha Satane a ne a mo hlahisetsa, ho re, "Ruri le ke ke la shoa." Le a bona? Ke ho leka ho buisa Lentsoe ho hong, ho re, "Ha e joalo."

¹⁹⁸ Ke seo bohlale bo leng sona kajeno. Oho, moena, kamoo re ka lika-likang tabeng eo! Liseminare, likolo tsa thutabomolimo, ke sona sehlaha sa tsona. Eo ke metso ea motheo ea bona, ke ho leka ho buisa Lentsoe la Molimo seo Le sa se bueng.

¹⁹⁹ Ke phephetsa mang ho mpontša Tumelo ea Baapostola ka Bibeleng. Ke phephetsa mang ho mpontša "puisano le bahalaleli" ka Bibeleng. Protestanta, Katolike 'moho ba e lumela. Ke le phephetsa ho mpontša efe ea linthro tseo, ka Bibeleng. Le a bona? Ke metso ea motheo ea bohlale e lekang ho beha mabaka.

²⁰⁰ "Ntoa ea rona ha se ea nama, empa e matla, e lahla mabaka 'ohle, le a bona, ho heletsa liqhabosheane tsa Satane." Sebopuo seo se seholo, se khahlehang, se setle! Ha se moriri o thellang; che, che, mono ke ka hare. Empa, kantle, sebe se setle habeli. Le a tseba, sebe se setle.

²⁰¹ Ke banna ba bakae ka mona, le basali, ba seng ba tlotse lilemo tse mashome a mahlano? Phahamisang matsoho a lona. Ha kea etsa... Ke ne ke sa lokela ho botsa basali. Empa ke... Kaofela re amohela 'nete. Ke batla ho le botsa potso. Na lea bona kajeno hore basali ba batle habeli, re ka rialo, ho feta mehleng, ka tloaelo, ka palohare lefatše ka bophara? Haeba ho le joalo, phahamisa letsoho la hau. Ehlide. Ba batle habeli ho feta mehleng.

²⁰² Nkang litšoantšo tsa khale. Shebang nkhone; lik'hete tsa hae tse telelele; moriri o lohiloeng o lepeletseng mokokotlong oa hae. O ne a sa khahle hakaalo ho talingoeng.

²⁰³ Shebang oa mehla ea kajeno. Seaparoana se mo khamotseng letlalo, seo, sebopeho se seng le se seng, a ke ke a hata a sa etse

sebe. Ho tsamaea, ho roaetsa a theosa le seterata, ka littolo tsohle le lintlafatsi tseo Max Factor e ka mo phafang ka tsona, re ka rialo. Ho lokisa moriri oa hae joaloka ngoanananyana. A apere mosana o ka holingoana, joalo, ka holim'a mangole a hae, haeba a se apere, le hona. Empa, ha u mo sheba, o motle. Satane o tseba mokhoa oa ho e etsa. Ke eena moqapi oa botle, mofuta oo oa botle bo fellang ka sebe.

²⁰⁴ Lefatše, bolona, ke popelo. Molimo o ne o behile lipo tsa Oona kae? Lipo li behoa hokae? Ka popelong. Molimo o behile lipo. 'Me motho o etsa'ng? Joaloka matemona, ka popelong, o tla holofatsa ngoana ha a khona. Ke seo matemona a se entseng lefatšeng, ho futsoela, ho etsa libopuo, tse seng joalo. Ke mpe ke tlohele taba eo; ha ke sa tla finyella tse ling tsohle mona, tseo ke li ngotseng. Le tseba seo ke se bolelang. Lebaka leo ho nang le popo e khopameng e mothating oa ho tšeloa. Molimo o qetile ka eona. Lefatše lohle le tsoile taolong. Ntho ka 'ngoe e fosahetse. Melatsoana e silafetse. Moea o silafetse. Litšila! Lephoka!

²⁰⁵ MoIndia oa khale, nakoana e fetileng, o itse, "Lekhooa, ha ke sa batla ho phela. Ke qetile ka ntoa." Ho re, "Masea a ka a hokae? Na a bolaueo ke tlala? Mosali oa ka o hokae?" Ho re, "Pele u fihla mona ka basali ba hau le wiski, le sebe, re ne re phela khotsong. Ke litša tsa rona. Molimo o re file tsona, empa u re amoha tsona. O tla phetetsoa, ka letsatsi le leng."

²⁰⁶ E shebeng, kajeno. Mahoatata ao a maholo, a matle le lithaba li apesitsoe ke lephoka, sebe, libotollo tsa wiski, makotikoti a biri. Sebaka sohle se tletse litamene le bobolu. Reno, Nevada, lehoatata leo le leholo koana, ha ho letho haese bohlola. Metse e meholo, ho fihlela moea le sepakapaka li silafalitsoe. Moo ho kileng ha ema lithaba tse ntle, joale ho qhaqhiloef mefuta eohle ea lintho. Moo lifate li kileng tsa mela, li a rengoa. Litšeng tsa mahoatata, metsi a ne a phalla ka bolokolohi, ho silafetse. Lefatše lohle le tla—tla boptjoa bocha. Lefatše le tla tsoala ngoana oa lona ho tsoa peōng. Le khopamisitsoe, ke matemona a le harolang, a sebetsanang le lona, ehlile, ke—ke popo e khopameng. Molimo o tla le nyahlatsa 'me a qale bocha. Ke hantle.

²⁰⁷ E hlahile kae? Motho a le mong ea lumetseng thojana... ho se lumele karoloana ea Lentsoe la Molimo.

²⁰⁸ Lefatše lohle le a fehelo. Bibele e re, "Esita le tlhaho e fehelloa letsatsi leo la khatholoho, e emetse liponahatso tsa bara ba Molimo." Lifate li ntse li loana, lefeela. Lipalesa li leka ho khantsa tsela bakeng sa... Empa, li a fehelo li a lla, le ho tseba hore phoso e teng. E khopamisitsoe! Pöpelo ha e khone ho tsoala phetheho eo, hobane e khopamisitsoe. Mobu o a nkha. O tolisitsoe ka mali a se nang molato. Ona le... Ekare ke...

²⁰⁹ Nka bua taba, e ka tsoang e bataletse haholo. Ke—ke—ke lephoka. Molimo o itse, "Ke lephoka," pel'a Oona, litšila tse

kaalo. Ha u kena ntloaneng, moo ho roteloang teng, 'me ke sebolu feela, tšilafalo. Hantle feela le lefatše le nkha joalo, le lona, ha Molimo o le fofonela. Tšila, ntho eohle e sebolu.

²¹⁰ Molimo o tla le pshatla likoto. "Ke tla bōpa maholimo a macha le lefatše," O boletse. E, monghali.

²¹¹ Ke eng? Popelo ea lona ha eso hlahise Lilemo tse Sekete. E hlahisitse ntho e khopameng. Hobane'ng? Ho leka ho ba bohlale.

²¹² Ha kea koetla letho khahlano le Florida. Taba ena ha kea e lebisa ho lona batho ba Florida. Empa mohla ke ne ke tšela ke kena Florida khetlo la pele, 'me ke khutlela moeling oa Georgia mono, ka na ka ema hona moo 'me ka re, "Joaloka moahi oa Amerika, ke khutlisetsa seabo sa ka ho maSeminole moo se loketseng." Khele, ba hlokomela lijarete tsa bona ho feta kamoo ke hlokomelang moriri oa ka, ntho e 'ngoe le e 'ngoe e setiloe ntlhana-ea-lesiba. Lifate tsa palema li hlongoe mabone hohle ho sona. Likepe tsa boikakaso le lintho, ho leka ho hlahisa Lilemo tse Sekete ntle le pak'o. Ho 'na, ke seshoba sa letho.

²¹³ Makhetlo a milione ho feta, nka mpa ka hloella British Columbia, tlhōrōng ea leralla, le ho sheba koana lithabeng tseo Molimo o li bopileng, 'me matsoho a motho a eso li ame. Ruri.

²¹⁴ Ho kena metseng ena, mahae a maholo, seo, ha se sona, se nkhahlang. Ha ke batle nyee ea mofuta oo. Le a bona?

²¹⁵ Empa kea tseba hore ka letsatsi le leng, ka letsatsi le leng, e tla fetoloa. Le tla lahla ngoana oa lona ea hlorileng. Lefatše, le tla fetoloa, ka letsatsi le leng. Ke botle.

²¹⁶ Tumelo e lumela hore e ngoliloe, le ho re, "Lentsoe ha le na lipha."

²¹⁷ Na u kile oa utloa bareri ba re, "Be, kea le bolella e—e Phetolelo ea King James, kapa Phetolelo ea Revised, kapa *sena* mona, se feela—se fapane hanyenyane feela. Haele hantle, e ne e sa bolele Hoo"? Na u utloile seo? [Phutheho e re, "E."—Mohl.] Oh, khili! Lefatše le silafalitsoe ke eona. Le a bona? Empa tumelo ha e lumele seo.

²¹⁸ Tumelo e a lumela, Molimo o ka etsang 'na, o ka boloka Buka eo e hlekehile ho phela ka eona. Haeba Molimo O nkentseng o tla nkahlola, athe ha o khone ho boloka Buka ea Oona e hlekehile, e ka ba Ke Molimo o fokolang haholo. Ke moo. Ke lumela Lentsoe le leng le le leng la Lona ke 'Nete. E, monghali. Sena se etsang, ho lumela seo? Se fa tumelo sebaka se phethahetseng ho phomolo ho Sona. Le a bona? U ke ke oa se lumele, hore Lentsoe leo le ferekantsoe, ka mokhoa ofe. U tlameha ho Le lumela kamoo Le leng kateng.

²¹⁹ Haeba u leka ho sebelisa bohlale, ho re, "Joale sheba mona. Ha e utloahale haele moo Molimo o itse e tla etsa ntho e kang *ena*." Empa Molimo o hlile o e entse. Le a bona? Ke hantle. Joale, ha u re, "Be, joale, haeba Molimo a entse *sena*, haeba A tlositse

bophelo ba motho kahobane e ne e se Molevi, 'me a isa letsoho la hae holim'a Areka mohla E neng e le mothating oa ho oela." Ho sa tsottelehe o ne a le mokae, O ile a tlosa bophelo ba hae ka lebaka la eona.

²²⁰ Molimo o itse, "Ke Balevi feela, ba le bang, ba neng ba ka ama Hoo." O ile a bo nka. Ke hona ho raositseng Davida, le a tseba. Le a bona? Molevi, ho ne ho se letho le loketseng ho ama Areka eo kantle ho Molevi. 'Me Areka e ne e le ena, e khutla hantle ka morero oa tsoseletso, 'me e mong kathoko ho seo a leka ho tšoara Lentsoe.

²²¹ Hoo ho supa e le batlotsuo ba Molimo feela ba ka amang Lentsoe leo. Litumeloana tsena le liphutheho tsa bolumeli ha li na lebaka la ho tšoenyana le Lona. Moea o Halalelang o na le tokelo Lentsoeng leo, 'me ke lefu ho mang ho Le ama. Kapa, ho se lumele letho la Lona, kapa ho e ruta, "Le eena ho tla tlosoa, kabelo ea hae, Bukeng ea Bophelo." U se ke oa Le isetsa matsoho a hau. Suthela hole le Lona. Mamela. Lumela feela seo Le se buang. U se ke ua nka lentsoe la motho e mong. Nka seo Le se buileng. Lula hantle le Lentsoe. Ke lefu ho etsa letho lesele ho Lona. Joale, hobane . . .

²²² Tumelo e etsa'ng? E Le lumela kamoo Le leng kateng. Molimo o Le babaletse joalo ho theosa le mongoaha, 'me ke Lena moo le leng teng. Ke Lentsoe la Molimo, bakeng sa ka. Molimo o hlompha seo. Le fana ka tumelo e phethahetseng ka bonnete ba Lona.

²²³ O ka nyala mosali joang athe ngoanana eo o ne—o ne—o mathile kantle 'me a etsa tsohle, 'me o phetse ka bohlola le ntho e 'ngoe le e 'ngoe e 'ngoe? 'Me—'me, leha ho le joalo, o ile oa tsoa 'me oa mo fumana tlung ea bohlola. Ho tsoa, 'me o ne a . . . O re, "Be, ke tla—ke tla leka ho ba e—e ngoanana ea betere." U ke ke oa ba le tumelo ho mosali eo. Le a bona? U ke ke oa e etsa. Mosali a ka ba le tumelo joang ho monna ea entseng ntho eona eo? U ke ke ua haha tumelo ea hau feela moo. Ha ho letho ho haha holim'a lona. Le a bona? U ke ke oa khona ho e etsa.

²²⁴ U ka tsoa joang mona 'me u re, "Seketsoana ke sena se masoba-soba ho sona, 'me ke tla kenya mekotla ea joang ho sona. Ekaba, koana se tla—se tla phutla leqhubu, ho tšela noka"? 'Me ha ke batle ho nka monyetla holim'a sona, athe mona ho emisitsoe se teiloeng ka nepo. Ehlide.

²²⁵ Hobaneng re ka nka thutabolumeli e teiloeng ke motho e maroba hohle? E pakiloe hore e fosahetse. Le a bona? Athé, e 'ngoe ke ena e emisitsoe mona, eona ehlide e le Lentsoe la Molimo, Le phutlileng leqhubu, har'a sefeso se seng le se seng se matla le sekhhohola. Esale e tiiselitse kannete kamoo e neng e tlamehile. E tla etsa joalo ka mehla. Ho lokile.

²²⁶ "Maholimo le lefatše li tla feta," ho boletse Jesu, "haele Lentsoe la Ka le ke ke." Hobaneng? Ke a Bosafeleng. A ne a

le teng tšimolohong. O tlie mona feela ho hhalosa Lentsoe la Molimo. E ne e le tlhaloso ea Molimo. Molimo o ne o Itlhalosa ka Mora oa Oona.

²²⁷ Tsena tsohle li qalile Genese, khaolong ea peo, 'me esale e le joalo ho tloha mohlang oo. Ho tloha mohlang oo, esale ho le joalo temeng, esale e le ntho eona eo, ntoa lipakeng tsa bohlale le tumelo, e lula e loana. Kahoo, bohlale ke ba liabolosi le bakeng sa bana ba hae.

²²⁸ Na le kile la hlokomela? Bohle le bone linku. Kaofela ha lona le bone lipoli. Empa, le a tseba, sello sa tsona tse peli se atamelane haholo, ho tla hloka molisa oa sebele ho khetha phapang. Ha u ka emisa pöli ea khale kantle mono, u e tlohela e lla, e lla. U ntano ea ka mona u emisa nku mono, le ho e tlohellia e lla. E mamele. Li utloahala li tšoana. Empa molisa oa sebele a ka qhautsa molumo oo.

²²⁹ Jesu o itse, "Linku tsa Ka li tseba Puo ea Ka." Le a bona? Li ka bolela haeba e le poli. Be, Ke Nku, ka seqo sa Hae. Uh-huh. Ha se... "Linku tsa Ka li tseba Puo ea Ka. Li ke ke tsa latela basele." Puo ea Hae ke eng? Ke ena, Lentsoe. Le a bona? "Linku tsa Ka li tseba Puo ea Ka." Le a bona?

²³⁰ Li ke ke tsa lumella mang ho re, "Oh, joale, mona. Ke bua, Puo ea Molimo, le 'na. Sena se bolela *sena* mono." Empa, le a bona, ke Satane. Re tla finyella seo ka mor'a nakoana, ho le pholisetra eona. Le a bona?

²³¹ Joale, joale le a bona hore peo Lentsoe le ke ke la mela atmosfereng, ke hona, ea tsebo. Ke hantle? Le a bona? Hang feela ha tsebo e kopana le tumelo, e shoela hona moo.

²³² Eva o a fihla le ho re, "Morena Molimo o itse, 'Mohla le se jang, le tla shoa mohlang oo.'" Eaba o ema ho bona seo tona a tlang ho se bua.

²³³ A re, "Empa, mamela, moratuoa oa ka, uena thatohatse e ratehang. U a bona? Ruri Molimo o u entse ka morero. U a tseba hore ho joalo. U a bona, u mosali, u etselitsoe morero ona. Ke seo e leng sona. Ha u e tsebe hona joale, empa u etselitsoe morero ona. Oh, u mothoana ea ratehang, moratuo. Uh-huh. Sheba matsohoana ao a boreleli. U a bona? Khele, ruri u tla etsa. Ruri."

"Empa O itse, ha re—ha re ka etsa, re ka 'shoa.'"

²³⁴ A re, "Empa, oh, u nahana Ntate ea lokileng, ea lerato, Molimo, o ka etsa ntho e kang eo?" O ile a etsa'ng? A mamela mabaka, a nka bohlale ba hae. Ho re, "Ke sefate, monyaka. Se ka lakatsoang ke motho." 'Me a e oela sehlooho. Ke hantle feelsa. 'Me hoba a etse, ha etsahala'ng? Joaloka ho mosali ofe. Hang ha u e oela sehlooho, e fellia hona moo. Ke hantle.

²³⁵ Joale, le a bona, peo eo a neng a e tšoere, 'me qetellong e ne e tla ba 'mè, ka thato ea Molimo, ka Lentsoe le builoeng. Qetellong e ne e tla ba 'mè. Empa, ha a khona ho ema, a kena nthong eo.

²³⁶ Joale, le a bona, joale, hang hoba a etse hoo, ho amohela bohlale le Lentsoe, 'me bohlale bo ne bo le khahlano le Lentsoe... Le a utloisia, e reng, "Amen." [Phutheho e re, "Amen."—Mohl.] Le a bona? Haeba bohlale bo le 'moho le Lentsoe, 'me bo paka bo le 'moho le Lentsoe, 'me Lentsoe le Itlhahisa ka ntho eona eo, e tla be e le Lentsoe. Empa ekare ha bohlale bo le khahlano le Lentsoe, 'me bo se 'moho le Lentsoe, empa ho leka ho fumana ho hong ho Le ekeletsa, ke ba liabolosi. ["Amen."]

²³⁷ 'Me lipeo tsa Moea o Halalelang tsa Bibele li ke ke tsa hola atmosefereng ea bohlale. Seo se bolaea seminare ka 'ngoe naheng. Hoo ho li phunya masoba hantle, ho li panchisa, 'me —'me kahlolo e phalla e kena. Ke hantle. Ruri e a etsa, le a bona, hoba Lentsoe le ke ke la hola 'moho le bohlale, bohlale ba lefatše. Le ke ke la khona.

²³⁸ Eva o ne a loketse ho lumela Lentsoe joalokaha Le ne le neiloe eena. Ke hantle? O ne a sa lokela ho mamela mang ea buang letho ka Lona; feela ka mokhoa oo Le neng le neiloe eena, o ne a loketse ho Le lumela joalo. Lefu le ka be le sa ka la eba teng, hoja a lumela Hoo. Ke hantle.

²³⁹ 'Me monna kapa mosali ea tla nka Lentsoe la Molimo kamoo re Le filoeng, ho Le tšoara kamoo Molimo o Le buileng, Ke Bophelo. Empa ho e kopanya le bohlale bo itseng ba mokhatlo o itseng, u shoela hona moo, joaloka ha e entse pele. Ke Peo eo. Ke eona tsela, E sebelitse joalo khetlo la pele, E tla etsa joalo nako le nako. E entse joalo kamehla. Molimo ha o lumela, re tla paka seo ho haola le Bibele, hoseng hona. Ke eona feela tsela eo E ka holang ka eona, ke ho Ikaroanya le mabaka 'ohle, kapa ntho efe feela, le ho lumela Lentsoe feela.

Eva o ne a loketse ho Le nka kamoo Molimo o re neileng Lona kateng.

²⁴⁰ 'Me ke hlalositse ka le bolella hore ke a lumela hore Molimo o ile oa boloka oa baballa Bibele ena, 'me Molimo o mpha Eona joalo mona. Ha ke batle bohlale bo bong. Ke batla feela kamoo Molimo o e boletseng Mona.

²⁴¹ Joale, ke tšepa nke ke ka le utloisa bohloko. Empa ha Bibele e boletse hore ke tlameha "baka," E bolela ho baka; e seng ho itlhonamela, empa ho baka.

²⁴² Bibele e boletse hore ke kolobetsoe, Lebitso la "Jesu Kreste," E ne e sa bolele se seng. E ne e sa bolele "Ntate, Mora, Mora o Halalelang." E boletse Hono.

²⁴³ "Ho lokile," u re, "Mattheu 28:19 e itse, 'Ba kolobetse ka Lebitso la Ntate, Mora, Moea o Halalelang.'" Ke seo e neng e le sona hantle.

²⁴⁴ Joale, ha seo se sa loka, haeba ba sa fumana ntho e nepahetseng, e tla ba tumelo eo Petrose a neng a e-na le

eona, ho kolobetsa ka Lebitso la Jesu Kreste, le Bibele eohle, e tla ba ba ne ba tšoere e—e tšenolo ea bohata eo Molimo o e hlohonolofalitseng. Seo se Mo khutlisetsa hantle morao: O tlameha a be a ile a hlohonolofatsa Eva qalong, ke hona.

²⁴⁵ Lebitso la “Ntate, Mora, Moea o Halalelang,” ke litlotla tse tharo. Ho na le Lebitso le le leng feela. U ke ke oa kolobetsoa ka Lebitso la Ntate, Mora, Moea o Halalelang ho fihlela u kolobetsoa ka Lebitso la “Jesu Kreste,” hobane leo ke Lebitso la Ntate, Mora, Moea o Halalelang. ’Me Bibele eohle e ngotsoe joalo. Motho e mong le e mong ka Bibeleng, ea kileng a kolobetsoa, o kolobelitsoe ka Lebitso la “Jesu Kreste.” Ha ho motho Lengolong, ea kileng a kolobetsa ka maemeli a “Ntate, Mora, Moea o Halalelang.” ’Me e mong le e mong ea kolobelitsoemg ka Lebitso la—la “Morena Jesu Kreste” o kolobelitsoe ka Lebitso la Ntate, Mora, Moea o Halalelang.

²⁴⁶ E mong le e mong ea kolobelitsoeng, ka maemeli a “Ntate, Mora, Moea o Halalelang,” ha a kolobetsoa ka lebitso ho hang; leemeli, joaloka molisa, reverende, ngaka, e ka bang eng hape; ntate, mora, le motho, mosadi. Litlotla!

Ho itsoe, “Ha e etse phapang ea letho.”

²⁴⁷ Haeba ho le joalo ngola leemeli la hau hau chekeng ea hau, ‘me e seng lebitso la hau, le ho bona moo e eang teng. Uh-huh. Ho re, “Ke saena cheke ena ka lebitso la ‘malelapa.’” Be, hoo ho etsa kelello hakaalo joaloka ho se lumele Lentsoe la Molimo athe tšenolo e robetse hantle mono pel’ a hau. Ehlide ho tla ba joalo. U a bona? Ehlide. Ho lokile.

²⁴⁸ E lokela ho Le lumela kamoo Molimo o Le boletseng. Ha Le ikhanyetse. Haeba Le etsa joalo, tloo ’mpontše. Uh-huh. Ha Le ikhanyetse, ho hang. Satane a ka etsa hore le Ikhanyetse ho uena, empa a ke ke a khona Lentsoeng. Che. Ka hona, Lentsoe le ke ke la mamella hoo. Che, monghali. Ke taba ea khale, ‘me e kile ea hopoloa joalo, empa ha eso ka e pakoa.

²⁴⁹ Tloong re sale mehloli ena e ‘meli morao, kapa seo u ka se bitsang li-atemosefere, ‘me re bone seo li se bopang. Tloong re e sale morao metsotsso e seng mekae. Atemosefere; mehloli e mebeli ena e bopa atemosefere.

²⁵⁰ Ke batla ho le botsa taba. Na u kile ua kena kereke . . . Ke—ke bua taba ena ka hlompho joale, le ka . . . ho etsa ntlha feela; Molimo ho se be joalo. Na u kile ua kena kerekeng moo molisa a hlileng a keneng seteiseleng? Phutheho e joalo le eona. Ke hantle. Le a bona? Ke’ng? E tlisitsoe ke atemosefere eo. Ak’o kene sebakeng moo molisa a reng, “Joale, emang motsolso, ha ho ntho e joaloka bosaoana boo. Ha ke lumele nthong e kang pholiso e Halalelang, mabapi le kolobetso ea Moea o Halalelang.” Le a tseba, le tla bona e mong le e mong, bona, phutheho. Haeba ba sa . . .

²⁵¹ Ha ntsu e le teng kae-kae ka mono, e tla tsoa, seholopheng seo sa likhoho. Uh-huh. Ehlide e tla etsa joalo. Hantle-ntle ke 'neta. E tla e tlohela. Yaa. Yaa. Ruri e tla etsa joalo. E ke ke ea khona ho e mamella. Ke ntsu. Ke nonyana e bopetsoeng sepaka-paka, e seng moliko. E, monghali. Joale, ke enoa moo a leng teng.

²⁵² 'Me joale rea fumana, hoo, diatemosefere tseo. 'Me ha u kena kae moo . . . lintho tseo, moo tumelo e rutoang ka kerekeng, u tla fumana kereke atemosfereng eo.

²⁵³ Oho Molimo! E reng—e reng ke le fetisetse sena e le hore, lona, haeba le ka e bona. Le a bona? E-ea . . . Ke ka lebaka leo batho ba kenang har'a bahalaleli moo ba rapelang, balumeli. Pauluse o boletse a sa fihlela motho motseng, haese Timothea, ea batlang a tšoere Tumelo ea boholokoa e kang ea hae, le a tseba. Ba bang bohole ke balumeli ba mekhatlo. Le a bona? Empa eitseha ha a kena atemosefereng eo, le a bona, eena, u fumana ho etsoa lintho, tse bopiloeng ke atemosefere. U fumana batho ba phela ka tumelo ha u fihla sebakeng seo ho thoeng, "Khele, khele, Bibele ke 'neta. Molimo o a folisa." Ha u likoloha phutheho ea bona, u a fumana, "Khele, ke ne ke bolaoa ke mofetše. Ke folile." "Ke ne ke foufetse. Ke a bona."

²⁵⁴ Motho eo u sa mo tsebeng o re, "Shuu! Khele! Eng, u bolela ho re . . . ? Bothata ba hau e ne e le bofe?"

²⁵⁵ "Ke tla u bontša tlaleho ea ka. E-ea lapeng le 'na. Tloo, je lijo tsa mantsiboea le 'na 'me ke tla u bontša ho hong. Ke tšoere rekoto holimo mono. Baahelani ba ka baa tseba hore ke ne ke le boemong ba mofuta ona. Ke ne ke shoele litho, ka lilemo. Ke ile ka rapelloa." U a bona? Ke'ng? Lentsoe leo—leo ka har'a kereke eo, seholpha seo sa balumeli, se bopile atemosefere eo.

²⁵⁶ Joale, ebe Lentsoe, ka ho nyatseha ha Lona empa e le ka bottlalo ba Lona, le ka hola joang moo tsebo e pupetsang Seo 'me e re, "Ho ke ke ha eba joalo"? Le a bona? Le ke ke la khona. Kahoo, moo tsebo e reroang ho tsoa seminaring, bana ba shoa.

²⁵⁷ Moo tumelo e reroang ho tsoa Lentsoeng, bana ba phela. Amen. Ke eona phapang, ke Bophelo le lefu feela.

²⁵⁸ Ho etsahetse joalo serapeng sa Edene. Ntho e ba hlahetseng ke eona eo hantle; liatemosefere tse peli mono. Mohla Eva a neng a sutha ho E nepahetseng, holim'a e fosahetseng, a shoa. Le a bona? E tla joalo, nako le nako.

²⁵⁹ Kahoo, ba ke ke ba lula. Ha kereke ea hau e tšoere atemosefere ea mofuta oo, oh, uena ngoana, haeba u batla ho phela, lumela Lentsoe.

²⁶⁰ Joale, tsenenenyana e tlang ho hlaba ke ena joale. 'Me ha ke bue ka ho khohlalala. Ke mpa feela . . . Ena ke thuto. U tlameha joalo, ha o otla libaka tsena, u lokela ho hlaba le ho chesa, hanyenyane, u a bona.

²⁶¹ Joale ema. Joaloka ho tšoaea namane. Ke ne ke sa batle ntho eo, ho tšoaea namane; thakanyana leo la batho. Re ne re matha re tsoela moo. 'Me ha ke tsebe haeba u kile ua thapisa namane ka thapo, kapa che, le—le—le—le ho li tlama. U li bofa-sa-kolobe, u a bona, u tšela . . . 'Me thakanyana leo la batho! U mathela tlase mono, u nka tšepe ena e chesang e tšoaeang, u e tlapisa holim'a eona. Oh, moena, ho ne ho tšabeha. Ha u tsoha, e ne e hlahafetse sefitahlohoaneng sa lebelo. E mathaka feela e rahaka, e hoeletsa e bohla, e ntse e itšoere joalo. Empa, ke a u bolella, ba ne ba tseba, ho tloha mohlang oo, hore mong'a eona e ne e le mang. Ke hantle. Ba tsebile hore—hore e ne e le ea lekhulo lefe. Ha ho na motlae ka eona lekhatheng leo.

Kahoo, tloong re tšoaeng. Tloong re tšoaeng. E, monghali.

²⁶² Mohla ba ne ba bolela, le a tseba, eona . . . Lona, bongata ba lona, le balile kapa—kapa le kile la bina *Metouto Ea Molisa Oa Makhomo*, le a bona. 'Me leferena le lelerang la selemo, ha ba le hlahlela, la ho qetela mono, ha ho phuthoa makhomo; leferana le lelerang la selemo, ba etsa moro ka lona, hoba ha le a tšoaoa, ho hang. Atha tse ling tsohle li kena makhulong a tsona. Empa mookameli oa mohlape o tseba makhomo a hae, ka hona haeba u . . . Ho tšoaea ho bohloko.

²⁶³ Joale shebang. Satane o ne a ka paka ho latela mahlale, ka bohlale ba hae . . . Joale mona ke til'o bapala karolo ea ngaka, metsotsa e 'maloa. Satane o ne a ka paka ho latela mahlale, ka bohlale ba hae, hore setša seo a neng a tla nehelana ka sona, ho holisetsa moloko oa batho ho sona, se ne se ötliloe ka livithamini. Ehlide bo. O ne a ka e paka ka mahlale. Ba khona ho paka ntho efe eo ba e batlang ka mahlale, ho batla ho le joalo. Le a bona? Ehlide.

²⁶⁴ Se ne se ötliloe ka vithamini M, "monyaka, botumo." E ka har'a 'ona. E mobung oa hae oa bohlale. Ehlide. Ehlide. Menyaka eohle ea lefatše, lishou tsohle tsa litšoantšo, metjeko eohle, tsohle, ntho efe, "Tsoelapele. Ho lokile. E ke ke ea hlabe hisa letho. Ehlide." Le a bona? Botumo, "Oh, lōna le kereke e kholahali motseng." Ho lokile.

²⁶⁵ Se ne se ötliloe ka vithamini K, eona o e bitsitse "kelello e pala." "E a hlaka, u a bona." Yaa.

²⁶⁶ Se ne se ötliloe ka vithamini M ho sona, e bolelang "mabaka." Yaa, o ne a khona ho beha mabaka. Empa, u a bona, hoo ho ke ke ha sebetsa.

²⁶⁷ Se ne se ötliloe ka vithamini beau, B, ho sona, e bolelang "botle." Satane o motle. Sebe se setle. 'Me ha sebe se qala se ata, se eketsa botle le ho feta.

²⁶⁸ Re fumana ntlu e betere hakae kajeno ho feta ntlu ea likoqo? E feta hakae ka botle? Basali ba rona kajeno ba batle hakae ho feta mehleng? Le a bona? Florida e ntle hakae, e ne e le joalo, le kamoo Molimo o neng o e bopile? Le a bona?

²⁶⁹ E na le botle. Ba bakae ba tsebang hore Satane ke botle? 'Me o ne a lakatsa botle, 'me a leka ho bopa botle, 'muso o motle ho feta, le joalo-joalo. Ehlide. Re tseba seo. Satane o ahile bottleng.

Joale hlokomelang. O ne a tšoere vithamini M, e leng "mabaka."

Vithamini B, e leng "botle."

²⁷⁰ Vithamini M, e leng "mehla." "Oh, u batla ho ipapisa le mehla." Ak'o nke tsebo ea hae ea hae feela 'me u fumane haeba u sa lumele nyee tseo. E tla holela hantle ka ho uena. Vithamini eo e tla nyolohela hantle mono moo u lutseng teng.

²⁷¹ Mothaka e mong u a ema, a u thesemeletse tsebo ea hae e itseng, "Joale shebang, metsoalle. Ho ka ba joang ha re ka nka kathedrale e kholo ena, e ratehang mona 'me ra hlaba litlatse tse ngata, ra lla, le ho bua ka liteme, le ho mathela holimo-le-tlase fulurung, ho tšoehla makoeba molomong joaloka lintja tse hlanyang? 'Me—"me le nahana ramotse a ka reng, lekhotla la batikone, hola re ka lumella nyee e joalo ho kena ka mona?" Oh, ehlide, ke ho khema le mehla.

²⁷² "Le nahana hore batho ba rona ba ka ema tlase mono seterateng, ba tšoere moropa letsohong la bona? 'Me ho ka etsahalang ha likhaitseli tsa rona li ka tla ka meririhali eo, e melelele e lepeletseng? 'Me basali ba bang ba likereke ba ntse ba feta toropong, 'Shebang moo. Shebang mono.' Khele, mopresidente oa kereke ena, e ka bang eng, u a tseba, 'Be, shebang, shebang mono. Ekare motlolo oa khale, na ha a joalo? Sephere thaere sa hae se ntse se phancha ka morao.'" Le a bona? Le a tseba, ntho e kang eo.

²⁷³ "Re batla ho khema le mehla." Le a bona? Boo ke bohlale ba liabolosi. Bo holisa ntho eo. Ke vithamini e mobung, e tsoang ho sehlahisoa seo e se hlasisang. Tsoelapele, uena Jezebele oa kajeno. Ho lokile. Mehla ea kajeno, se sa basali ba kajeno. Ehlide. Oh, mehla ea kajeno. "Be, batho ba khemang le mehla ka ho fetisisa ba kena kereke." Ehlide. E na le... Hobaneng? Ba hola ka vithamini eo ea mehla ea kajeno.

²⁷⁴ Vithamini ea ho beha mabaka, ho lokile, ba holisoa ke ntho eo. Le a bona? Ke seo e leng sona, ho beha mabaka. Empa hang feela ha u qala u holisoa ke ntho eo, u shoelle nqa Lentsoe. U lokela ho latola Lentsoe pele u ka fetoha seo. Le a bona?

²⁷⁵ Mokhoa o le mong feela u ka bang moetsalibe ke ho latola Lentsoe la Molimo. Sebe ke eng? Ho se lumele. Ho se lumele ho eng? Lentsoe la Molimo. Le a bona? U lokela ho latola Lentsoe, pele.

Joale, oh, ke ngotse livithamini tse ka bang leshome fatše mona.

²⁷⁶ Empa ke ena vithamini e le 'ngoe eo a sa ba bolellang ka eona. O ne a suntse vithamini L mono. Ke eona vithamini e kholohali ka mono, litholoana, "lefu." Le a bona?

²⁷⁷ Ke sehlopha se setlenyane ka ho fetisisa sa batho ba apereng, ba mehla ea joale, kereke e ntle ka ho fetisisa, mokhatlo o moholohali, le a bona, se khemang le mehla se neng se fumanoa, se fetisisang ka botle se neng se le teng, lintho tse etsang kelello ka fetisisa tse neng li ka boleloa. "Hobaneng ho ke ke . . ."

²⁷⁸ "Efela haeba Molimo o re entse sebopua sa Oona, hobane'ng O ka nyatsa basali athe batla ho shebahala hantle ka ho fetisisa, ho poma moriri o mokhutšoane? Hobaneng A ka nyatsa bohashana ba meikapo?"

²⁷⁹ Be, O ne a fumane e mong ka Bibeleng ea entseng joalo, 'me A mo fepa lintja. Ka hona le ka inahanel a ntho eo feela, le a bona. Ke hantle feela.

²⁸⁰ "Hobaneng—hobaneng Molimo? Khele, khele, ha O a re lebella ho phela ka Bibele eo." Ehlide O entse joalo. O ile a bolella Eva hore o tšoanetse ho phela . . . Kapa, O boletse . . .

²⁸¹ Jesu o itse, "Motho o phela ka Lentsoe le leng le le leng, Lentsoe le leng le le leng le tsoang molomong oa Molimo." Ke mang ea boletseng seo? Jesu. Ho joalo? A re, "Ekare ha e mong a bua ntho e fapaneng, a be leshano; Lentsoe la Hae e be 'nete." "Maholimo le lefatše li tla feta, empa Lentsoe la Ka le ke ke la feta." Ke moo.

Kahoo vithamini L e larile mentheleng oa hae, oa mehla ea kajeno. Ke hantle.

²⁸² Joale, empa, peō Lentsoe ea Bibele e ke ke ea mela mobung o kang oo. Motho a ka kena joang ho e 'ngoe ea likereke tseo tsa mehla ea joale? Moea oa Molimo o theohela holim'a eona, 'me ba—ba batla ho hoeletsa, "Khanya ho Molimo! Alleluia!"

²⁸³ Le a tseba ke'ng? Khele, u ka etsa hore moreri a koenyero theroyea hae. Hobaneng, kea u bolella. Ke—ke 'mona feela a re, "Uhm."

²⁸⁴ 'Me mehololi eo eohle mono, e thamolla molala oo, le a tseba, ho thalatza, ho bona. "Be, ntho eo e builoe ke'ng?"

²⁸⁵ Ebe, metsotsong e 'maloa, moreri a re, "Jesu Kreste, Mora oa Molimo."

"Khanya ho Molimo! Ke hantle."

²⁸⁶ "Uhm," batikone. Huh! Uena, u se u le monyako, metsotsong e 'maloa. Ba tla u kharameletsa kantle hantle. Le a bona?

²⁸⁷ Lentsoe le ke ke la hola mono, le ke ke la khona feela. Che, e ke ke ea khona feela. Le a bona? Ha ho khonahalo feela. Le a bona?

²⁸⁸ 'Me a ntano fihla, a Le nyanyatsa chefu ea hae, ho leka ho bolaea lefi la Bophelo ka ho uena. "Joale sehlopha sa batho se naheng kajeno, ba lumelang hore Molimo o a folisa. Khele, ehlide,

rea tseba, kelello e mabaka e supa Molimo o re file lingaka, ho folisa.”

²⁸⁹ Joale, u ka botsa ngaka e lokileng, e nang le kelello hore na ke mofolisi. O tla u bolella, “Che, monghali. Nka sisinya leino, empa ha ke khone ho folisa boholokoana moo le tsoileng teng.” Ke hantle. “Nka teanya letsoho, empa ha ke khone ho le folisa.” Ehlide ho lokile. “Molimo ke Mofolisi.” Le a bona?

²⁹⁰ Joale, ntho efe e ka hola joang kahar'a linyee tse kang tseo? Lentsoe peō le ka hola joang ka har'a ntho e e kang eo? Ha e khonahale feela. E ke ke ea hōla atemosefereng ea mofuta oo. Ruri e ke ke ea khona feela.

²⁹¹ Empa tumelo e holela feela vithamining e le 'ngoe. E ōtliloe ka vithamini e le 'ngoe feela. Ha ho hlokahale motsoako oa letho, ho hang. Tumelo e hola ka har'a vithamini e le 'ngoe, eona ke Lentsoe. Ke eona ntho feela eo tumelo e ka holang ho eona, ke Lentsoe. 'Me e ka hola ka mokhoa o le mong feela hobane e lumela Lentsoe, 'me e tlameha ho nka Lentsoe lohle le ho lumela hore Ke 'nete. 'Me vitamini ea tumelo e ngoloa ka lentsoenyana la litlhaku tse supileng, B-o-p-h-e-l-o, “Bophelo.” E ōtliloe ka vithamini B, tumelo e ōtliloe ka eona. Tumelo e tšoere vithamini B.

²⁹² Bohlale bo na le vithamini M; vithamini M; monyaka; le vithamini lebaka; vithamini, livithamini tsena tse ling tsohle. Tseo, tu-...mab-...Tsebo e fupile tseo tsohle. Le a bona? Bohlale bo ruile tseo tsohle, ho e behela mabaka.

²⁹³ Empa tumelo e na le ntho e le 'ngoe feela: Bophelo. Ke phetho se tlang ho sala. “Lentsoe la Hau ke Bophelo. Lentsoe la Hau ke 'Nete. Ke Lentsoe, Tsela, 'Nete, Leseli.” Tumelo e leketla hona moo feela. Ke phetho. 'Me e ke ke ea e nka. Bophelo ba Moea o Halalelang, Bophelo Bosafeleng, ke hona moo tumelo e melang teng: Lentsoe, Zoe, Bophelo ba Molimo ka Sebele. Ke eona feela nqalo moo tumelo e ka sebetsang, ke ha tumelo e utloa Lentsoe 'me e lumela hore Ke Lentsoe la Molimo. Ebe, ka har'a Zoe eo, e a hola 'me e hlahisa seo Lentsoe le se buileng.

²⁹⁴ Molimo, O entse lefatše joang? Na le a lumela hore lefatše le ne le le mehopolong ea Molimo? Ehlide, le ne le le joalo, ho ne ho loketse joalo. Ebe O le entse joang? O buile feela.

²⁹⁵ “Ebe O tla fumana lintho kae?” U ka tsekisana le Molimo joang ka ho beha mabaka, ho re, “Molimo, ebe U fumane lithepa kae, ho—ho etsa mafika? U khonne kae?” Li tsoa ho ligase. “Ebe gase U e fumane kae, Morena?” Le a bona? “U entse metsi joang le ka mohla? Menthele o kae? H₂O. U fumane haedrojene kae, oksijene kae?” Le a bona? Ke phetho. Le a bona? Ha e etse mabaka feela.

²⁹⁶ Molimo o itse'ng? E ne e le mehopolong ea Hae. 'Me mehopolo ea Hae ke Lentsoe la Hae, pele Le bonahatsoa. Joale eitseha

mehopolu ea Hae e re, “Ho hlahe hore,” ’me ea eba teng. Ke phetho. Ke hona moo tumelo e robetseng teng.

²⁹⁷ “Ka . . . eona . . .” Baheberu 11 e re, “Ka tumelo lefatše le hlotsoe.” Lefatše le entsoe ka tumelo. “Molimo o entse lefatše ka lintho tse sa bonoeng.” Ka tumelo Molimo o buile lefatše la eba teng, hobane e ne e le—e ne e le Lentsoe le lekantsoeng pele. Empa hang hoba A e bue, ea fetoha bophelo.

²⁹⁸ Joale u ka re, “Ke lumela Hoo, Moena Branham.” Ka pelō ea hau u ka Le lumela. E hhalose ke hona, “Ke a Le lumela.” U se ke oa Le fetola le ka mohla, ho hang. Lula hantle le Lona. Sheba se tlang ho mela ho tsoa teng. E tla hlahisa Lentsoe, hoba ke tumelo. Le a bona? Bohlale bo a fokotsa. Tumelo e u tlisa ho Lona. Le bona seo?

²⁹⁹ Seo se khaola thutoana e ’ngoe le e ’ngoe e entsoeng ke motho, ho thefula sekolo se seng le se seng sa thupello, sa thutabomolimo e entsoeng ke motho, ho li kakalatsa li lala sertame. Ke bao mono, moprofesa oa bona, D.D., Ph.D., L.L., Q.U.D., ’me mathaka ana kaofela a loketse ho ea sekolong le ho ithuta saekholoji le lintho tsena tse ling tsohle. O mpa a siea Ntho e le ’ngoe feela. Mokhoa oa ho itlhahisa ka saek’holoji, le ho apara liaparo tsa mofuta ofe, le kamoo a lokelang ho re “amen” kateng joalo feela, ’me, oh, bosaoana! Ho lumella e . . .

³⁰⁰ Ho etelloa pele ke Moea o Halalelang. Bara ba Molimo ba tsamaisoa ke Moea oa Molimo, e seng bohlale ba seminare. Empa Moea oa Molimo o tsamaisa bara le barali ba Molimo. Ka sebele. Ke ’nete. Amen.

³⁰¹ Joale, ho ntša tumeloana ka ’ngoe, sekolo ka seng sa thuto, thutamolimo ka ’ngoe e entsoeng ke motho. Ha ho makatse ha ba sa khone ho lumela; ha ho letho ka mono ho Le holisa. Le a bona? Ba na le vithamini M, ho beha mabaka, eo re tlamehang ho e lahla. Vithamini botumo, vithamini monate, “Ke tlameha ho ithabisa nakoana.” Boithabiso ba mofuta ofe? “Oh, ak’o tsoe ’me u tahoe hanyenyane, hang ka nako, u a tseba. Ho ithabisa hanyenyane; e ke ke ea etsa phapang ea letho.”

³⁰² Le a tseba, linthoana tse kang tsoe mono, ke hoo hohle feela, vithamini eo tsohle. Le a bona? ’Me ebe vithamini ea mofuta eo e ka holisa Lentsoe joang le ka mohla, le latolang vithamini eo? Ebe u tla e etsa joang? Le a bona? Lentsoe le latola seo. “Ekare ha u rata lefatše, leha e le lintho tsa lefatše, lerato la Molimo ha le a aha ka ho uena,” ho boletse Bibele. Le a bona? Joale ebe—ebe ke ha joang Molimo . . . Lentsoe la Molimo le tla hōla joang tlas’ a livithamini tse joalo?

³⁰³ Ho hlokoaa vithamini e itseng mobung ho hlahisa lijo-thollo. E tlameha ho ba mobung o nèpahetseng. Re tla e finyella, nakoaneng feela feela. Le a bona? E tlameha ho fumana mofuta o nèpahetseng oa mobu, ho seng joalo o ke ke oa melisa lijo-thollo. Ha u nka mobu o itseng, o ke ke oa hōlisa sena, ’me o tla hōlisa

ho hong hosele. Mobu o lehlabathe, vithamini e fapaneng, joalo-joalo, o melisa lintho tse itseng. Haeba o sa etse, khele, ha u e fumane, o ke ke oa e melisa feela. Ke phetho.

³⁰⁴ Joale, mahola a batla a mela hohle kae feela, mobung oa mofuta ofe. Na ha ho joalo? Mahola a mekhatlo ea khale a tla mela hohle feela.

³⁰⁵ Empa, ke a u bolella, moena, ha u batla ho hlahisa litholoana tsa Bophelo, e tlamehile ho tsoa Lentsoeng. Ke hantle. Ke hantle. Ehlile. Ho lokile.

³⁰⁶ Ke a kholoa ha ke le liehise halelele haholo, hoseng hona. [Phutheho e re, “Che.”—Mohl.] Le a bona? Joale, le se ke . . . Le a bona? Ho lokile.

³⁰⁷ Ha ho makatse ba sa khone ho lumela; ha ba na letho ho phela ka ho sona. Jesu o buile ka bona ho Mattheu khaolo ea 13 le temana ea 1. Ha re phetleng mona feela ‘me re bone kamoo Jesu a buileng ka eona, lintho tsena tseo re buang ka tsona. Mattheu khaolo ea 13, le temaneng ea 1.

Ka lona letsatsi leo Jesu a tsoa ka tlung, a ea lula pel’ a leoatle.

‘Me matšoele a maholo a bokana . . . ho eena, hoo a bileng a kena sekepeng, a lula; ‘me letšoele lohle la ema lebopong la leoatle.

A bua le bona ka lintho, a ba bolella tse ngata ka litšoantšo, a re, Bonang, mojali o ne a tsoile ho ea jala peo;

Itse ha a se a jalile, peo e ‘ngoe ea oela pel’ a tsela, ‘me linonyana tsa tla, tsa e ja:

Tse ling tsa oela mobung o lejoeng, ‘me ha li se na mobu o mongata: ‘me ka hona tsa mela, hobane li ne li se na matebo ba mobu:

Eare ha letsatsi le chaba, tsa e cha; ‘me ha tla . . . ‘me kahobane li ne li se na metso, tsa omella.

. . . tse ling tsa oela har’ a meutloa; meutloa ea mela, ea li bipetsa:

. . . tse ling tsa oela teng mobung o molemo, ‘me tse tsa beha tse ling, tsa hlahisa tholoana, tse ling tse lekholo, . . . mashotšeleta- . . . le tse mashome a mararo.

Ea nang le tsebe ho utloa, a utloe.

³⁰⁸ E seng bohlale. “Litsebe,” a bona, ho lokile, “kutlo.” Ho lokile.

³⁰⁹ Hlokomelang. O itse tse ling li tsoile, mohla Peō e neng e tsoa, ha reroa Lentsoe.

³¹⁰ Tse ling tsa oela pel’ a tsela; se sa metsi mokokotlong oa letata, a lepella hang.

³¹¹ Tse ling tsa oela mobung o majoe, mafika, ha butsoelloa thojana ea lerole feela holimo mono. 'Me ea mela, empa e ne e se na metso, e se na moo e ka tsetelang metso ea eona. Joale ke tlil'o taka lipapiso mona, 'me ke t̄sepa ke sa tl'o hlabe hisa maikutlo a letho. Le a bona?

³¹² Eo e ne e le kereke ea Katolike. Ba re ba hahiloe holima lefika. Ke tla lumellana le bona. Ke hlile ke tla lumellana le bona. Ke hantle. Ke hantle. Ha ho mobu tlas'a eona, ho hang, ha ho mobu ho mela teng. Hobaneng? E sitiloe ho hlahisa e... Ba sitiloe ho hlahisa vitamini ea Bibele, hoba ebile ha ba E lumele. Thuto ea bona ke litšomo, ke hantle, thuto ea Roma, ha ho Lentsoe ho eona, ho hang. Le a bona? Ho oela holim'a majoe; bo e ne e le bohlale bo phahameng. Oh, moena, ke a u bolella, ba bo bolokile ka mokhoa oa motonana. Ba bo hlahisa ka mokhoa oa saek'holoji, le meaho e meholo ea metonana, le moaparo o motle, ekare melimo e halalelang, ea baprista le ntho e 'ngoe le e 'ngoe.

³¹³ Ba bakae ba utloileng bopaki boo ba moitlami e monyenyan bo sa tsoa tsoa? Na le bo fumane mona? Ke batla hore bo letsoe Laboraro le leng bosiu mona kerekeng, 'me motho e mong le e mong mona o loketse ho fumana bopaki. E mong oa bona o kile a ntatela nako e telele. Kamoo ba...

³¹⁴ Ke ile ka theohela mono Mexico, ka seqo, 'me ka bona mamena ao a laeme, mamena moo masea ao a baitlami; baprista ba ne ba etsa masea ka bona, masea; moo a chesitsoeng mameneng a kalaka, le lintho tse joalo. Ke sona se hlahisitseng bokomonisi Mexico. Ba ile ba pshatla mahleke ao. Ke sona se hlahisitseng bokomonisi koo.

³¹⁵ Le se ke la t̄saba bokomonisi le ka mohla. Molimo o sebelisa bokomonisi. Ha ke lumele ho bona. Ke ba liabolosi. Empa Molimo o nka liabolosi le ho khutla hantle feela, joaloka ha A entse ka Khosi Nebukadnesare, le ho fihla a hapa Israele. Le a bona? Yaa. U shebe u bone haeba e sa pakoe ke Bibele. Re tla kena ho eona le leng la matsatsi ana. Molimo o bo hlahisitse, ho phetetsa bana ba Molimo, holim'a seotsoa seo sa khale. Ke hantle seo Bibele e se boletseng. Yaa. Ho itsoe, "Ba ne ba tla se chesa ka mollo, 'me pheletso ea sona e fihle." Ke hantle feela se tlang ho se hlahela, hape. Ke seo mono.

³¹⁶ Ke eo e oetseng holim'a majoe, mobunyana o mokaale ho fihlela ntho eo e sa khone ho mela. Ea eshoa. Ka hona, e ne e le bohlale ba botonana.

³¹⁷ Eaba tse ling li oela mobung oa Protestantta, empa, ka mora nakoana, bohlale bo boholo ba malumeli a maholo ba e pupetsa, ba pupetsa Moea. "Matsatsi a mehlolo a fetile. Ngk. Sekete-kete o boletse *hore-le-hore*. Le a bona? Ha ho ntho e joalo." Ka ho phethahala feela, ho e pupetsa eohle. Ho pupetsa eng eohle? Ho pupetsa Moea, bakeng sa bohlale. Le a bona?

³¹⁸ Moea o Halalelang o theohile matsatsing a Martin Luther. Moea o Halalelang o theohile matsatsing a John Wesley. Moea o Halalelang o theohile matsatsing a kereke ea pele ea Pentekosta. Empa malumeli a entse'ng? Ka bohlale ba bona, ba Le bipile. Ho bipetsa eng? Peō. Peō ke'ng? Lentsoe. "Ha e bolele Hono. É bolela sena, mono." Le a bona? Ba etsa hore e . . .

³¹⁹ Joale, banna ba bangata bao ba baruti ba lipelo li tsepeleng, ke kopane le bona, ka lula fatše 'me ka qoqa le bona, esita le mabapi le temana ea kolobetso le lintho tse ngata. Ke kopile mang ho tla, ho buisana ka eona. Ba re, "Moena Branham, ha re ka etsa hoo, kereke ea rona e tla re ntša."

³²⁰ Ke itse, "Mang? Ke mang ea bohloko a ho lona, Lentsoe la Molimo kapa kereke ea lona?" Ha u sa tla khatha tema, ka har'a lerole leo la phutheho ea bolumeli. Le a bona? Le a bona? Ho lokile. Haeba bo latola Lentsoe, bo fosahetse. Le a bona? Bo a bontša hore ke bohlale bo entsoeng ke motho.

³²¹ Joale, Maprotestanta a ile a bipetsoa. Bo ile ba bipetsa Moea oa bona, mohla ba neng ba qala ba nka bohlale sebakeng sa tumelo Lentsoeng; bohlale ka har'a mokhatlo, bohlale ba mokhatlo litulong tsa tumelo Lentsoeng. Bohle ba utloisisang seo, e reng, "Amen." [Phutheho e re, "Amen."—Mohl.] Le a bona? Tumelo ho seo—ho seo sehlopha sa banna, ba Methodise, Baptise, Presbeteriene, Pentekosta, Baevangeli, 'me bohle ba kopana 'moho. 'Me haufinyane ba tla bopa selekane sa kereke, sona e tla ba "setšoantšo sa sebata." 'Me se tla ba le matla a lekanang sechabeng sena, Tšenolo 13:11, ao ba bileng le ona mono; 'me ba tla lihela lihloriso holim'a bahalaleli, joalokaha ba entse tšimolohong, eona—eona kereke ea Roma. Le a bona? Ke hona moo e habileng teng hona joale.

³²² 'Me ke ka lebaka leo Lentsoe le jaloang hona joale, hohle, "Suthelang hole le sona. Tsoang ho sona." Le a bona?

³²³ Joale, bohlale bo ile ba e bipetsa. Bohlale ba bona bo khama Moea o Halalelang hole le bona. E reng ke le pakeli eona, ka Bibeleng, Tšenolo, khaolong ea 3; teng re sa tsoa feta mengoaha ea kereke. Jesu o ne a khanngoe a tlositsoe Kerekeng ea Hae, 'me a le kantle; a ntse a leka ho kokota monyako, ho khutlela ka hare. [Moena Branham o kokota sefaleng—Mohl.] Uh-huh. Ke seo E se boletseng hantle, "Ke eme monyako 'me ke a kokota. Ekare ha motho a nyoroa, 'me a ka Ntumella feela ho kena, Ke tla tla." Empa ha ho motho ea butseng monyako. Le a bona? Ba Mo ntšelitse kantle. E ne e le eng? Ba ne ba na le . . . Peō e ile ea oela holim'a bona. Le a bona? Le a bona?

³²⁴ Empa tse ling tsa oela phuleng ea lihloriso. Peō e 'ngoe e ile oela koana phuleng lihloriso. Joale, phuleng ke hona moo u fumanang metsi, mobu o motle ka ho fetisia. Ha u nka motho ea batotsoeng ho fihlela a batotsoe thutamolimo eohle ho eena, ho jeoa litšeho, ho mo soma, teng o o fetile har'a maloala 'me tsohle

tsa siloa li ntšoa ho eena, ho fihlela tšepe e le malala-a-laotsoe ho sebelisoa, u tla fumana mongobo o itseng ka mathoko ka mono. Ke hantle. Ka phuleng, lethaka leo le kileng la kolumetsoa phuleng, ho lelekaoa mokhatlong oa hae. O “oetse lithotobolong,” ba rialo. Le a bona? Ha se lithotobolo, empa “phula,” re a rutoa. Tlase phuleng, u a tseba, ke moo Sekhahla se melang, hape, u a tseba. Uh-huh. Uh-huh. Ke hantle, u a bona, “Phuleng.” Ho lokile. Tse ling tsa oela phuleng ea lihloriso, teko e boima. Tse ling tsa Peō tseo tsa oela ka mono, phuleng ea lihloriso, liteko tse thata, ho bitsoa ntho e ‘ngoe le e ‘ngoe joalokaha Sekhahla se ne se bitsoe, “Belsebule,” ho jeoa litsheho.

³²⁵ Empa phuleng ena ho fumanoa linōka tsa metsi a magata. Pesaleme ea 1, e itse, “Ho lehlohonolo tho eo.” E reng ke e bale feela. E reng ke bontše se phuleng ena. Ke eng, Lipesaleme. . . . Ke itse nke ke ka ba le nako, empa re tla nka nako feela, le a bona, ho bala sena, le a bona, ho kenya sena mona. Re tla bala sena re bone seo motho enoa a leng sona tlase mona, ke hona moo a lenngoeng teng. Haeba a lenngoe holim’ā . . . holim’ā lejoe le tletseng lerole la lehoatata, mobu o le sieo ho hang, kapa na ebe o lenngoe phuleng? Ho lokile.

*Ho lehlohonolo motho ea sa luleng mokhatlong,
bohlale . . .*

Amen! Amen! Amen! Amen!

*. . . ea sa tsamaeeng phuthehong ea bakhopo, . . . ea sa
emeng tseleng ea baetsalibe, . . . luleng mokhatlong le
basomi.*

*Empa o ithabela molaong oa MORENA, Lentsoe; ’me ho
molao, Lentsoe, o nahana motšehare le bosiu.*

*’Me o tla ba joaloka sefate se lenngoeng pel’ā linoka
tsa metsi, . . .*

³²⁶ “Linoka.” Ke’ng hoo? Lineo tse robong tsa moea. Linoka tsa a le mang “Metsi,” Moea o le mong. Metsi a le mang, empa ho tsoa mehloling e robong e fapaneng, linoka tsa Metsi. Le a bona?

*. . . linoka tsa metsi, se behang tholoana ea hae,
tholoana ea Moea, ka nako ea hae; mahlaku a hae ha
a foforehe; ’me seo a se etsang, se tla mo atla.*

³²⁷ Le a bona, tse ling tsa oela phuleng mane, moo ho leng linoka tsena. Le ho hlahisa . . . Na le hlokometse? Ke batla ho finyella se seng. E entse’ng? Ea oela fatše, nokeng . . .

³²⁸ Se ne se sa hlongoa. O tla ba joaloka sefate se “tsetetsoeng, se fallisitsoeng ho tloha ho *ena ho sane*”? O ne a “lenngoe.” Eng? Ho reroapele. Mohopolo oo oa Molimo, pele lefatše le theoa, oa ‘meha mono. Le a bona? E seng ho hlongoa, e seng ka tšohanyetsø; empa se ne se “lenngoe,” ho rereloa (eng?) linokeng tsa Metsi. Oh!

³²⁹ “Motso oa hae o ke ke oa omella.” Oh, alleluia! “Leha a ka shoa, Ke tla mo tsosa hape ka letsatsi la ho qetela.” Ke hantle.

³³⁰ O ne a reroe pele ho ba Mono, e seng ka tšohanyetso feela. O ne a reroe pele ho tšoara Lentsoe leo mohla Le neng le jaloa. 'Me se tla ba teng mono hantle. Ha se tseteloa, se teng mono. O lenngoe, ha se ho tseteloa feela. Ka tšoanelo o lenngoe. Ke hantle. Phapang e ngata: ho sunya thupa mobung, papisong le ho lema ntho. E fapanie. Peo e ne e jaloe; E ile ea Iphumanela masoba a a motso. Ha Metsi a qala a kena 'me a pshatla Bophelo ba eona, Moea, e qala e re . . .

U re, "Lineo tsa moea li robong."

O itse, "Amen."

"Jesu, eena maobane le kamehla."

"Amen."

"O sa ntse a folisa joaloka ha A entse kamehla."

"Amen. Amen. Amen." Le a bona?

³³¹ O lenngoe pel'a linoka, linoka tse hlahang ka makhalo 'ohle, linoka tsa Metsi. Ha ho makatse a ke ke a omella. Ha ho makatse, o jetsoe. Tse ling tsa Peō tseo li oetse koana. A ke ke a shoa. Se ka har'a molapo oa Bophelo hantle. Se lula se hlahaha. Ke hantle. Se momona bophelo ba sona linōkeng tseo, "linoka," Testamente e Ncha, Testamente ea Khale. Amen. Ho feptjoa feela, ho tsoelapele! Oh, moena!

Na le tla Mo rata? Amen!

Na le tla Mo rorisa? Amen!

Na le tla Mo khumamela? Amen!

Amen! Amen!

³³² E, monghali. E, monghali. Oh, ke rata seo, lona ha le joalo? Yaa.

. . . se beha tsa sona, se *beha litholoana tsa sona ka khoeli ea sona;* . . .

³³³ Genese 1:11. "Ho beha litholoana tsa hae." Litholoana life? Litholoana tsa eng? Litholoana tsa hae. Litholoana life? Litholoana tsa Hae ka Seqo. Ke tholoana efe? Bibebe. Le a bona? E mona kaofela ha Eona. Tholoana, lerato, le ka Bibeleng mona. Thabo, e ka Bibeleng mona. Matla, Moea o Halalelang, lintho tsena tsohle mona, pholiso ea Khalalelo, litšepiso tsa Molimo, tseo ke litholoana. Ke *ena* moo E leng teng. 'Me haeba a lenngoe ka har'a ntho Ena, sena se lenngoe e—e mobung o motle, ka har'a tumelo. Tumelo e etsa'ng? Tumelo e qala e E hōlisa.

Amen!

E qala e se hulela holimo. Le a bona? Ke phetho; e se hulela holimo. Ehlide. "O tla ba joaloka sefate se lemiloeng pel'a metsi; se behang tholoana ea sona sehleng."

³³⁴ Joale, se tla beha tholoana ea mofuta ofe? Johanne 14:11, Johanne 14:11, O itse, Jesu o itse, "Eena," ke a lumela ke 14:12, "Ea," Jesu o itse, "Ea lumelang ho 'Na, mesebetsi eo Ke e etsang

o tla e etsa le eena.” Hobaneng? Lona Lentsoe leo le ka ho eena. E ne e le Lentsoe. Na ho joalo? “Me ha le lula ho ’Na, le Mantsoe a Ka ho lona, kopang seo le se batlang.”

³³⁵ Ke ne ke qoqa le Moena Evans morao mono, nakoana e fetileng. A nyolohela koano. O khanna bohole bo bo kana! O ne a lahlehetsoe ke koloi ea hae. O ne a lutse mono ha Miller, a siile senotolo ka har’ a eona, motho a fihla a e utsoa. Thepa eohle ea hae, e le ka ho eona. O ile a nyoloha. Eena, eena le Moena Fred, le Moena Tom, ba bang ba bona, ba fihla tlung ha ka. Le ho re... Be, a batla a itšoanela le ngoana ea amohuoeng pompong tsa hae; eena, a shasharue feela, le a tseba. A re, “Ha ke tsebe feela seo ke tla se etsa.” Ka re, “Be,...”

³³⁶ Joale ke’ng? Joale, ba a fihla, ntho ea pele ke efe? Ho ea Lentsoeng; ho kopa Ntate. “Ekareha le lula ho ’Na, le Lentsoe la Ka le ahile ho lona, kopang seo le se batlang.” Eng? Lula le Lentsoe, lula hantle feela Lentsoeng.

³³⁷ Ka re, “Ha re rapeleng.” Ra theohela fatše fulurung, ’me ra qala, ra rapela.

³³⁸ ‘Me re sa le mono, re ntse re rapela, ka re, “Ntate, ke tla ho Uena, ka Lebitso la Morena Jesu. Moena ke enoa ea sebelisang, o sebetsa matsatsi a ’maloa feela ka veke. Matsoho a hae, a katilehile, ka ho tea makoloi a khale a soahlamaneng le lintho tse joalo, ho fumana chelete e lekaneng ho qhoba limaele tse leshome le metso e mene ho isa ho tse sekete le makholo a mahlano Sontaha ka seng, ho kena likopanong. O tlameha ho fepa sehlopha sa bana. Hoo ho mo ja bonnyane, didolara tse mashome a mahlano kapa tse mashome a supileng a metso e mehlano ka veke, ho nka leeto leo, ho tla kerekeng feela. Le a bona? Hantle. O nyolohela koano, ho leka ho utloa Lentsoe, re sa leka ho Le pheella.” ‘Me ka re, “Joale, motho e mong ea khopo o utsoitse koloi ea hae.” E ne e le Eng? Ka re, “Joale, Morena, ke a U rapela, mo busetse koloi ea hae, ka Lebitso la Jesu Kreste.”

³³⁹ Ke entse’ng? Ka beha Lentsoe leo, tsepiso eo, pel’ a Molimo, ho Le tiisa ka Lebitso la Jesu, le ho romela Lentsoe. Ke leo Lelepella hantle ka tsela, kantle koana, ho sala mohlala moo e qalileng; joaloka ntja mohlaleng oa ’mutla. Le a bona? Ke enoa A etla, ho theoha hantle feela tseleng, ka moolo. Ho fihla tlase mono, e ka ba bohareng ba Bowling Green, Kentucky. Ha hlaha eng? Lentsoe la mo qhautsa.

³⁴⁰ Ka eona nako eo pono ea fofa e khutla. Ka bona monna, a apere hempe e batla e le bosehla, a ntse a khanna, thaka le lecha, e kile ea ba Mokreste. Lentsoe la mo otla. “U etsa phoso.” Lentsoe la mo tšoara. A romela Lentsoe la Hae, le a bona, le a bona, ’me la mo tšoara. “U tla tšoaroa, ka letsatsi le leng, ’me molao o tla u fumana ka ketso ena. Sokoloha u e khutlise.” Lentsoe la mo tea. E kile ea e-ba Mokreste. Ka ’mona a e tisa holimo mona, a e emisa kathoko seterateng.

³⁴¹ Ka re, “Joale, baena, tsoang hantle feela, ka ’mila o itseng *mona*, u tla fumana koloi ea hau. Ak’oeme mona nakoana, le hona, ho fihlela a e khutlisitse. Joale, tanka ea hau e ne e tletse mafura?”

“E,” a rialo.

³⁴² Ka re, “Ho ke ke ha ba letho le senyehileng. Empa mafura e tla ba halofo, hoba e sebelisitse halofo ea oona, e ntse e matha. A batla a le bohareng nqa Bowling Green, e batla—e batla e mathile limaele tse lekholo.”

³⁴³ Eitseha ha e fumana, e ne e behiloe ka mokhoa oo, hantle feela. E ne e le eng? Lentsoe la tsoa la mo qhautsa.

³⁴⁴ A khutla ’me a bolela, nakoana ka mora moo, monna e mong a reka koloi ho eena. O ile a nyamela a se ke a e lefa. Le a bona? A re, “Moena Branham . . .”

³⁴⁵ Ka nahana, “Motho oa batho!” O ne a mo namile lidolara tse makholo a mane. Ka re, “Ke a rapela.” Ka romela Lentsoe. Lentsoe la tloha, la sala mohlala oa hae, la mo qhautsa.

³⁴⁶ Eitseha, ra theoha ho fumana monna eo. Eena, ha e-so be Mokreste, le a bona, o entse—o entse . . . A itšeheha. Ba mo kopa, ho ea kerekeng, khetlo le leng. A re, “Be, ha moreri a ntse a rera, ke tla shebana le meriri e mesehlana e metle.” Kahoo, le a bona, u ke ke ua fumana . . . Yaa. Eo ke—eo ke—eo ke liabolosi, eo ke, le a bona. Ka hona Lentsoe ha le a khona ho itšoarella ho eena.

³⁴⁷ Lentsoe le entse’ng? La mo beha leihlo. Le a bona? Feela ho se. . . Moena Welch a ’na a itšoarella, a re, “Ho tla loka. Ho tla loka.” Lentsoe la mo sala morao. Le a bona? “Ekare ha le lula ho ’Na, le Lentsoe la Ka ka ho lona, le ka kopa seo le se batlang.” Le a bona? Lentsoe le ile la mo sala morao.

³⁴⁸ Ntho ea pele le a tseba, e mong oa bashanyana ba hae ha ntse a khanna, tlase mona tseleng, keha e le eo. A bona monna eo ka koloing, a ngola nomoro ea hae, a thinya, a kena, ho Moena Wood. Ba e letsetsa, ho fumana moo e neng e le teng. O ne a le Bowling Green.

³⁴⁹ Molimo Leholidong o a tseba, ha ke eso utloe lentsoe le le leng ka eona, ke ne ke sa tsebe letho ka eona.

³⁵⁰ Sontaha se fetileng, e ka ba veke, thapama, ha re qeta ho rera mona, ka nyolohela mono ’me ka fetola liaparo tsa ka, ’me ka itokisetsa ho ea Florida, bakeng sa . . . kapa tlase. . . Moena Welch, bakeng sa kopano bosiusung bo latelang boo. Eitseha ke kena koloing, ka bona monna eo. Ka re, “Moena Welch . . .” Nke ke ka ’molella lekhatheng leo, joale. O tlameha ho nka khato, ka bo-eena, le a bona, joalokaha Meda a ne a tlameha ho etsa qeto mono. Le a bona? Ka re, “Re tla feta har’ a Bowling Green.”

A re, “Mono o tsoile tseleng ka limaele li ka ba mashome a mararo.”

³⁵¹ Ho theosa ka tsela. Ka nahana, "Oh, o—o, o tla—o tla e fumana. Le a bona? O tla e fumana. Le a bona? O tlameha feela ho e fumana."

³⁵² Ho tsoella feela ho theoha. 'Na le Khaitseli Evans... 'Me kamora nako, a re, "U a tseba, Moena Branham," a re, "ana esale ke le sethoto hakaale?" Ho re, "U buile ka Bowling Green, nakoana e fetileng."

"Yaa."

³⁵³ A re, "U a tseba monna eo ea ntšoereng chelete, ea balehileng ka eona?"

"E."

³⁵⁴ Ho re, "O koana Bowling Green. Esale ke nahana ka eona. Feel a... Ke tšoere nthoana mona. Ke tla e bulela, ho fumana moo a leng teng. Joale ke tla thinya..." Ka re...

³⁵⁵ Ho re, "U tla etsa'ng? Na u tla theohela mono, ho lata chelete ea hau?"

³⁵⁶ Joale, le a bona, ha nka 'molella, ke hona... Le a bona, o tlameha ho etsa se seng, ka bo-eena. Le a bona? O lokela ho etsa se seng. Nke ke ka 'molella. Holane ka etsa joalo, e ne e tla roba pono hona moo. Le a bona? Kahoo ka tlameha ho lumella... Le a bona? Joalo feela...

³⁵⁷ Hobaneng Jesu a ile a ema mono, ho laela Maria le Marethia, "Tlosang lejoe"? Khele, E ne e le Molimo. A ka be a itse, "Lejoe, nyamela," 'me le ne le ka nyamela. Empa a tlameha ho etsa se seng.

³⁵⁸ Hobaneng A ile a ema moo, ho sheba holim'a kotulo? Na le a lumela E ne e le Morena oa kotulo? O itse ho barutuo ba Hae, "Le rapele Morena oa kotulo, ho romela basebetsi kotulong ea Hae." Ka mantsoe a mang, "Le Nkope ho etsa seo Ke tlang ho se etsa." Le a bona?

³⁵⁹ Rona re metsoalle. Rea—rea... Ke Kereke. Re na le seo re lokelang ho se etsa, ka borona. U na le seo u lokelang ho se etsa. Evangeli ke ena, ke a E tseba, empa ha u ka lula mona feela u sa E rere, E tla sebetsa molemo ofe? Le a bona? U loketse ho etsa se seng. U tlameha ho etsa boiteko. U na le... U re, "Be, ke lumela Molimo a ka folisa, empa feela ha ke tsebe." Ema 'me u lumelle Lentsoe leo e be lentsoe la hau. Le lumele. U se ke oa Le behela mabaka; Le lumele feela.

³⁶⁰ Ka re, "Be..." Ke tsebile, haeba a sa tsamaee, o ne a tla lahleheloa ke eona. Ka re, "Hoja e ne e le 'na, hoja e ne e le 'na, ke ne ke tla ea lata chelete ea ka hona joale." 'Me o ile a etsa joalo. Eitseha a tsosa monna betheng, ke ha a tšoere cheletana e itseng. O ile a letsetsa moahelani, a fumana e setseng, a e lefa eohle.

³⁶¹ Ke eng? Ke Lentsoe. Le a bona, haeba Le ka fumana malulo, Le ka phikoloha. Joale, ntho eona eo e sebetsa pholisong ea Khalalelo.

³⁶² Joale, holane Moena Welch a itse, “Be, ha ke kholoe hore ke tla theoha; kea kholoa nahana ke tla nka tsela esele.” Holane mothaka eo a itse, “Be, nke ke ka ea kantle mono moo koloi eo e seng teng”? Le a bona? E ke ke ea etsahala.

³⁶³ Empa u tlameha ho lumela. U tlameha ho e lumela. ’Me hoo... É ntano oela atemosefereng ea tumelo, ’me e loketse ho hlahisa. E loketse feela. Oh, hoo...

³⁶⁴ Na u kile ua nahana, mohla motho a tsositsoeng bafung, ho etsahala’ng? Na le kile la nahana, mane Finland, mohla moshanyana eo a neng a tsosoa bafung? Seperate sa hae se ne se tsoile ho eena. Joale, Lentsoe le tlamehile ho tsoa, ho haola nqalang e sa feleng koana, le ho qhautsa soulenyana eo le ho e khutlisa hantle. Ebe Le ka khona joang? Ke Lentsoe, “Le folise ba kulang. Le tsose bafu.” Le a bona? Ebe O tla e etsa joang? E tlameha ho tla ka Lentsoe le noselitsoeng. O ne a bontsítse pono, ’me e loketse ho etsahala. Moshanyana o ne a robetse mono. Ntho e ’ngoe le e ’ngoe e lutse feela mono kamoo A e boletseng, lilemo tse peli pele. ’Me e ne e lutse mono. Lebaka leo ke phetileng tsa bere ha ke theoha leralleng, e bang e ne e le eng: e tlameha ho etsahala, e tlameha ho ba joalo feela. Le a bona? Ebe Le ile la etsa’ng? Lentsoe!

³⁶⁵ Ke itse, “Ntate ea Maholimong, koana linaheng tsa mahae, U kile oa mpolella, lilemo li ba peli tse fetileng, hore moshanyana enoa o tla tsoha bafung. Ka baka leo, holim’ a motheo oa Lentsoe la Hau, tsepiso ea Hau. Tabeng ea pele, Lentsoe le itse, ‘Mehlolo ena e tla tsamaea le ea lumelang.’ U rometse barutuoa ba Hau, Uena, le ho ba laella ho ‘folisang ba kulang, le tsose bafu, le leleke batemona.’ Hape, ka pono, U mpontsítse lehaeng la habo moshanyana hore ntho ea hae... o ne a tla khutlela bophelong hape.”

³⁶⁶ “Ka hona, lefu, u ke ke ua hlola u mo tšoara. Ke tšoere Lentsoe la Morena.”

³⁶⁷ Eseng ’na; ha ke Lentsoe. Eena Ke Lentsoe. Le a bona? Hola ke le Lentsoe... Motha o Mong feela e ka bang Lentsoe, e ne e le Jesu. E ne e le Lentsoe la Molimo le builoeng, ka tsoalo ea moroetsana. ’Na ke khopamiso, le a bona, ke—ke litholoana tsa kopano ea ntate le ’mè. Sena se lokela ho shoa; eo ke ’na, le a bona, ’mele o tlamehang ho shoa.

³⁶⁸ Ho ne ho se joalo, ka Jesu. E ne e le Lentsoe. O tsoetsoe, moroetsana. Moena, ha ho mosali, monna, kapa letho le sele, le kileng la amana le Eena ka letho. Mosali e ne e le seqhotsisi, ke hantle, ’me O antse letsoele la hae, le joalo-joalo. Ekaba e ne e le ’nete maloka le hoo. Empa, e reng ke le bolelle, E ne e le Molimo. Ke Eo e neng e le Eena. Ha ho a ba le kopano ea bong, ho hang. O ne a lokela ho se amane le kopano ea bong, ho hlahisa Bophelo ka Mali ao; joaloka ha re tla e finyella, metsotsong e seng mekae. ’Me hape, bonang, E ne e le Lentsoe.

³⁶⁹ “Empa Lentsoe la Morena . . .” Baporofeta e ne e se Lentsoe. “Empa Lentsoe la Morena le ttile *ho* baporofeta.” Che . . . Bao e ne e se Lentsoe. Lentsoe le ttile *ho* bona.

³⁷⁰ Le kajeno Le sebetsa joalo. Mohla Lentsoe le ne le fihla sebakeng sa moshanyana eo, e ne e le eng? Pono. E ne e le eng sebakeng sa bere? E ne e le eng sebakeng sa lintho tsee tse ling? Tsohle, pono. Ke Lentsoe la Morena, le ttileng ho eona. Ebe e etsa’ng? E itšoarella mono.

³⁷¹ Joale, e loketse ho buuoa, pele. “Lefu, mo busetse. Ka Lebitso la Jesu Kreste, ke romela Lentsoe leo.” Ho tšoara, joaloka ha Le tšoere moshanyana eo ea theohelang mona Bowling Green, ka koloi eo e utsoitoeng. Ke Lena le feta *mona* le boela le tšoara hape. Ebe Le etsa’ng? Le tšoara moeanyana o monyenyan oo—oo, ho o khutlisetsa hantle mona, le ho o hlahisa ka har’ a ’mele, joaloka ha Lentsoe le boletse Le tla etsa. Ke eo moo. Le etsa’ng? Tumelo, e seng tsebo.

³⁷² U re, “Joale ha re boneng. Koana moea o bopiloe ka *hore-le-hore*. Ho fumanoa esete e kana. Ho fumanoa gase e kana. Ho fumanoa leseli le le kana la k’hosmiki. Nka utloisia seo. ‘Me mohlomong ha nka . . .’ Oh, u a—u a . . . U ntse u senya nako.

³⁷³ Ha se bohlale; tumelo! Ha se bohlale; bo tla u joetsa hore ntho eo e ke ke ea etsoa. Tumelo e paka hore e entsoe, le a bona, ke hantle, e bontša hore esale Eena maobane, kajeno, le kamehla. Ho lokile.

Ha re potlakeng joale. Re lokela ho potlaka.

³⁷⁴ “Ho hlahisa litholoana tsa mofuta oa Hae.” Johanne 14 e re, “Ea etsang ea Ka . . . Ea lumelang ho ’Na, mesebetsi, lipontšo tseo Ke li etsang . . .”

Joale u re, “Na ebe ena ke mehlolo eo A e etsa’ng?”

³⁷⁵ O ne a kene tlung teng ngoanana e monyenyan, morali ea mong oa moruti, a rapaletse teng; a shoele, a bata, a le mothokoa, a behiloe kantle. Ekaba esale a shoele lihora tse ’maloa pele A fihla mono. Ba ne ba mo robalitse holim’ a sofanyana, ba itokisetsa ho mo nka, ho mo noka. Jesu o kena hantle ka phaposing eo a neng a le ho eona, ka mokhoa oo. Ba ne ba lla, ba bokolla. A ba ntša kaofela, a re, “Tsoang mona. Tsoang.” Ho re, “Tloo mona, Petrose, Jakobo, le Johanne. Kea tseba hore le a lumela.” Ho re ho ntate, “U lumetse, ho seng joalo u ne u ke ke ua Ntatela.”

Eaba ’mè o re, “Morena, ke a lumela.” Le a bona?

Ho re, “Ema mona.”

³⁷⁶ A shalima. Kantle mono keha ho eme mothoana—mothoana oa ngoanana. Ho re, “Talitha,” ke hore, “lekhabunyane.” Alleluia! O ne a sa tlameha ho rapela. E ne e le Lentsoe. Uh-huh.

³⁷⁷ Ha ke a tlameha ho rapela, ha nka bona pono, hoba Lentsoe le se le lokisitsoe. Ke lokela ho rapela, ho fumana Lentsoe, ho fumana seo Molimo a se bolelang. Ke moo nka Le bolelang, ka mora hoba ke fumane seo A se buileng.

³⁷⁸ Empa Eena e ne e le Lentsoe. Amen. "Ngoanana, Ke re ho uena, Tsoha." A mo phahamisa, ka letsoho. Ke phetho. Le a bona? Oh, khili!

³⁷⁹ Eo ke ponahatso. "Ho hlahisa se sa mofuta oa eona." Jesu o itse, "Ea lumelang ho 'Na, mesebetsi eo Ke e etsang o tla e etsa le eena."

³⁸⁰ Ka hona, tsena, le a bona, lintho tsena tsohle tsa malumeli ana le lintho, ba ferekantse lintho hakaale qhefeqhefeng le sebe, joaloka ha popelo ea lefatše e entse ka popo. Ke hantle. Oh, khili! E ka etsahala joang? Lentsoe la 'nete la Molimo le ka mela joang holim'a meriri ena e ponngoeng, e bokōpa, ba-hōpa lisakerete, libapali tsa bouling ka lipachising, ba ingolisang le kereke? E ka sebetsoa joang, athe matšoele a hlanyetsang menate, a joalo, a likalika 'me a rata lintho tse kang tseo, le ho rata lefatše? Lerato la Molimo le ka kena joang? Peō ea Molimo e ka mela joang mobung o kang oo? E ke ke ea mela. E ke ke ea hlahisa Bophelo ba letho ho eona. E tla rapalla mono holim'a majoe ao a malumeli a khale a tletseng lerole 'me e bole, empa e ke ke ea hlahisa Bophelo. E, monghali. E, monghali.

³⁸¹ Ba tsomang menate, "Ba ratang menate ho feta ho rata Molimo." E a nyarosa! Leha ho le joalo, ba bohlale. Ba bohlale habeli ho feta e—ho feta sehlopha se seng. Ehlide. Ba bohlale, ba rutehile, ba tsomang bohlale, joaloka ha Eva a entse, 'me ba fupile mothamo o kang oo a o fupileng, hantle feela. Ke 'Nete.

³⁸² Sekkahla se ne se ka phela joang, Peō ea likhahla e ka phela 'me ea hōla joang, athe e atlehisoa ke metsi, e ka hōlēla joang malumeling ao a tletseng lerole? E ne e ka khona joang, athe e atleha ka har'a Metsi. Metsi ke Moea. "Ba na le sebopaho sa borapeli, empa ba latola matla a Moea." Le a bona? Leha Lentsoe le theohela holim'a bona, Le ke ke la hōla. Ha e khone ho hōla. Joaloka ha Lentsoe le entse holim'a Eva, empa Le ke ke la hōla. Hobane'ng? O ile a amohela bohlale, bohlale ba Satane. Lentsoe le tla ho bona. Lentsoe le theohela holim'a bona. Ehlide, Le etsa joalo. E, monghali. Hōla...Lona, Le tla theohela holim'a bona. Ba ka utloa ha Lentsoe le reroa.

³⁸³ Na u kile oa bona batho ba lutse ka har'a kereke, ba sa sisinyehe? Ho rerela basali ka moriri o ponngoeng; selemo ka morao ho selemo, se a feta, ho ntse ho ponngoe moriri. Bua le banna ka ho tsuba, basali ka ho noa; ba tsoelapele ka ho noa hantle feela, ka ho tšoana feela. Joaloka ho tšela metsi mokokotlong oa letata. Ha e na sebaka sa ho hōla. Le a bona? Ke botumo boo ba khale, ba ho batla menyaka, "Be, e re basali ba bang ba e etse pele, le 'na ke tla etsa." Ha ke tsotelle seo ba

se etsang. Ke tšoanelo ea hau ho latela Lentsoe la Molimo. Ke hantle. Le a bona?

³⁸⁴ Leha Lentsoe le oela holim'a bona, Le ke ke la höla. Bohlale ba Satane, le a bona, ka hona e fetoha lerole la phutheho ea bolumeli feela. Ba ke ke ba lumela ho Baheberu 13:8, bohle ba ikakasitse ka bohlale, ha ho letho leo E ka hölelang ho lona. Le a bona? Ba ka lumela joang Baheberu 13:8, "Jesu Kreste eena maobane, kajeno, le kamehla"? E ke ke ea etsa. Le a bona?

³⁸⁵ Oh, ba re ba Le lumela. Oh, ha u ba bolella Hoo, ba re, "Ehlile, re a Le lumela." Ka hona mpontše litholoana tsa eona. E reng ke e bone. E re ke bone ha e etsoa. E re ke bone kereke eo u e rerelang, e etsa seo ba se entseng Kerekeng ea baapostola ea pele mohlang oo, e lumetseng Lentsoe.

³⁸⁶ U sotha likolobetso tsa hau. U sotha bopaki ba hau. U etsa hore e lumellane le tumeloana ea mofuta; sebakeng sa ho nka Lentsoe, ho tlohela Lentsoe ho beha litholoana tsa Lona. U etsa ntho ea mofuta eo u loketseng ho e etsa, ho u tlisetsa bopaki ba Lona. 'Me Satane a ka toloka bopaki bo bong le bo bong boo le batlang ho bo hlahisa. Ehlile, a ka khona, ruri a ka khona. Empa ha a khone ho hlahisa Lentsoe. Ke eona ntho e le 'ngoe e mo chesang. A ke ke a khona ho etsa hoo feela. E, monghali. Oh, yaa.

³⁸⁷ Joale shebang Kaine le Abele. Bobeli ba bona ba ne ba tsepahetse. Kaine o ile a nka, ka bohlale ba hae, a sala kereke ea 'ma'e morao, Eva. Eo e ne e le mma'e. Ke ba bakae ba tsebang hore Eva e ne e le mm'a Kaine? Ehlile. Ho lokile. Joaloka 'ma'e, o nkile mabaka, le a bona, bohlale, bohlale ba hae ka sebele. Sehlabelo se setle; o ne a totometse lipalesa. O ne a behile tholoana ea tšimo. Ho re, "Be, joale, u a bona," o itse, "Molimo . . ." Joaloka ha Satane a buile ho-ho Eva, "Ruri, ruri . . ." "Ruri Molimo o tla amohela sehlabelo sa ka. Ke hahile aletare e ntle. Ke e khabisitse hantle hakana. E khabile haholo."

³⁸⁸ Joaloka ha Paseka ena e tla etsoa, ba tla sebelisa limilione tsa lidolara, naha ka bophara, ho hloma lipalesa tsa Paseka lialetareng tse ling. Aletare e ne e sa etsetsoa lipalesa; e etselitsoe sehlabelo. Le a bona? Empa e bontša oona moea oo oa khale oa Kaine, le a bona, eena oa khale—eena liabolose oa khale ho tsoa Edene. Le a bona?

³⁸⁹ Eng—ho etsahetse eng? Kaine a nahana, "Ruri . . ." Le a tseba monna eo o ne a tsepahetse, hoba e ne e bolela Bophelo kapa lefu, ho eena.

³⁹⁰ 'Me, batho bao, u se nahane hore ke baikaketsi. Ba tsepahala. U re, "Joale, na ba ne ba ka tsepahala athe ba fositse?" Ehlile. Monna a ka noa aseniki, ka botšephei a nahana hore o noa oli ea k'hastere kapa ntho e 'ngoe, ntho e 'ngoe esele. Le a bona? Ho tsepahala; ntho eo ha e sebetse. Ke 'Nete, ha se botšephei. 'Nete!

³⁹¹ Basali bao koana Afrika, ba hlabela melimo masea a bona, likoena. Na u tsepahala hakaalo? Che. Ke ba bakae ba bona ba emang, Machaena, ba roba masapo a bona, ho nyeheloa melimo ea kokois! 'Me ho ka thoeng ka bo-Mohammed le holimo ka mono, le ba tsamaeang holim'a mollo? Le ho totometsa lintho, oh, ho hokela nama, ka melomong ea bona, 'me ba rokella melomo ea bona.

³⁹² 'Me ba bang ba bona ba bea thupa... Ke tšoere seemahale holimo mono, seemahalenyana, kamoo a etsetsang molimo oa hae sehlabelo, a hopola hore o tla ea Leholidong. Moprista o sunya molamu molomong oa hae, o o bofella hloohong ea hae, ka ketane; ho theoha, a potise matsoho a hae ka mor'a hae, a mo tlame maoto ka ketane. Ha a khone ho noa, ho bua, ho ja, kapa letho lesele, ho fihlela a shoa.

³⁹³ Na le bona Bakreste bafe ba etsa sehlabelo se kang seo? Ha le lumele le 'Nete, Lentsoe. Le a bona?

³⁹⁴ Joale, "Botle," o itse, "ruri Molimo o tla amohela. Sheba kamoo aletare ea ka e leng ntle kateng."

³⁹⁵ Na le bona oona moea oo kajeno, oa bohlale? "Be, ha re ka haha phutheho ena e kholo ea bolumeli, ruri Molimo o tla re amohela." A ke ke a amohela letho haese Lentsoe la Hae. Che. Le a bona?

³⁹⁶ "Be," ba re, "joale, sheba, Moena Branham, ha re—ha re ka ntša baruti ba ba *kana* selemo le selemo. Lenaneo la rona la boromuo, ngoahola, le jele ho feta lidolara tse likete tse lekholo." E ka ba ntho e molemo haholo eo, moena, empa u shoele ho fihlela u ananela Lentsoe leo 'me u tla ho Lona. Ke hantle feela.

³⁹⁷ "Khele, Moena Branham, kereke ea rona! U nahana hore u eng, ka bokoana ba makotomane feela tlase mono?"

³⁹⁸ Ke 'nete. Joale, ke hantle feela. Ke 'nete. Empa, leha nka ba eng, ke mpe ke tiisetse Lentsoe leo. Le tla hōlela nthong e itseng, ka tsatsi le leng. Le a bona? Lula feela le Lentsoe leo, ho sa tsottelehe e ka ba eng. Ha re na letho haese tabernakele e nyenyane ena mona. Re mpa re hloka ho hokaalo, hantle nakong ena ea joale, nqalo ea ho lula feela, hoba re emetse Jesu ho tla.

³⁹⁹ Ha re batle hore phutheho e kholo ea bolumeli e sebelisang limilione ka selemo, meahong le linthong tse joalo; 'me batho ba leka ho rera Lentsoe, ba sotleha kantle mono, ba sa je letho, le lintho tse joalo. Molato ke'ng ka batho? Ha se... Oh, ekare batho ba ka tsoha.

⁴⁰⁰ Empa, mang le mang ea ka amohelang Bokatolike, a ka foufala ho lekana ho amohela eng kapa eng. Ke tla u bolella 'Nete. Mang ea ka lesang ntho eo ho lelemela ka molala oa bona, a ka—a ka... "Banna ba bohlale," ha ho makatse, Bibebe e itse, "le marena a lefatše a febile le eena." 'Me banna ba bohlale, tsebo,

le a bona, 'me ba e etsa, baprista bao, banna ba masene. Oh, monna, u bua ka barutehi? Moshanyana, ba lokela ho lula lilemo, ka mora lilemo, ka mora lilemo, ka mora lilemo.

⁴⁰¹ Ba ipoletse ba sa phele le baitlami bao. Ke moo ke batlang ho le botsa taba. Hobaneng ba sa omelle ke hona? Uh-huh. Uh-huh. Uh-huh. "Ke Monyaluo, eo mono. Baitlami ke Monyaluo. 'Me eo ke Monyali, ehlile, le a bona." Ke hantle. 'Mè Supheria o bipetsa masea 'me o a sunya mekoting ea kalaka. Ha le e lumele? Le mamele oa makhonthe, ea tsoang ka mono, ea e pakang. Ho re, "Joale tloong, e reng molao o ntšoare."

⁴⁰² Le ho re, "Re tla etsa ntho e tšoanang le eo ba e entseng Russia, ntho e tšoanang le e entsoeng Meksiko. Re tla phatlolä ntho eo pepenene, mohla e fihlang 'musong."

⁴⁰³ Empa joale u tla e etsa joang athe hlooho ea eona e hona 'musong? Le a bona? Le a bona? Ke Lentsoe leo le tlamehang ho phethahatsoa, "Ba ile ba hlophisa setšoantšo ka mona, sa sebata se lutseng mono. 'Me bobeli ba rerisana 'me ba neha sebata sena matla, a ho bua." Oh, moena, Lentsoe leo le tla ema hantle mono. Ha se bokomonisi bo tlang ho hapa, empa Boroma ke bona. Uh-huh.

⁴⁰⁴ Joale shebang sena mona. Kaine o itse, "Ruri O tla amohela sehlabelo sa ka." Empa ke sa mofuta ofe? A re "Ke entse sehlabelo." Empa e ne e le sehlabelo sa mofuta ofe? Bophelo ba limela: lijalo, lipalesa, meroho. Bophelo ba limela, (eng?) ha ho mahlomola ho bona, ha ho kotlo.

⁴⁰⁵ Batho ha ba batle ho utloa bohloko. Ke eona taba kajeno. Ba tla, ba tla hona joale 'me ba lumela Lentsoe lena, haeba ba sa tlameha ho tsoa kerekeng ea bona, haeba ba ne ba sa tlameha ho tšehoa, ho songoa. Che. Ba batla bophelo ba limela, bohlale ba mofuta. "Be, bophelo *bona* bo lokile joaloka Hono." Ha se eona. Ke tla le bontša moo ntho eo e tsoang teng, motsotsong feela, ha Morena a ratile.

Empa, "Abele, ka tumelo." Khanya!

⁴⁰⁶ Kaine, ka bohlale, o itse, "Ruri Molimo o tla amohela sena, Aletare ke ena. Ke na le kereke." Ke seo kereke e leng sona, aletare, sebaka sa ho rapela. Ho lokile. "Ke na le aletare. Ke tla rapela ka botšepehi joaloka moena oa ka. 'Me mona ke tšoere ntho e ntle ea eona. Ruri Molimo o tla e amohela." Ke eona ntho eo liabolosi a e boleletseng 'ma'e; leshano lona leo, bohlale.

⁴⁰⁷ Joale, Abele. Baheberu 11 e re:

Ka tumelo Abele o hlahiselitse Molimo sehlabelo se molemo ho feta sa *Kaine, . . . leha a se a shoele*, le joale se sa buile.

⁴⁰⁸ Le a bona? "Abele . . ." Ka eng? Bohlale? Ka thutomolimo? "Ka tumelo o hlahiselitse Molimo sehlabelo se molemo ho feta."

Ka tumelo ho eng? Ka tumelo ho eng? Ka . . . Tumelo ea hae e ne e le hokae?

⁴⁰⁹ Moo, ke ntata'e le 'mae feela, eena le halofo-moena oa hae, ebe e ne e etsahala joang le ka mohla? Ebe—ebe o ne a ka e fumana kae? O ne a e-na le tumelo ho eng? Tumelo ho limela, tumelo ho *sena*? Che, monghali. O ne a e-na le tumelo Lentsoeng. Hoba, a ne a batlile ho tseba hobane'ng a tsoile serapeng seo. "Hobane'ng re lelekiloe?"

⁴¹⁰ 'Mè o ne a tla tlameha ho re, "Hobane ke mametse leshano la liabolosi. Hobane moshanyana *enoa* mona o tsoetsoe ka tsela ea *hore-le-joale*, ke ka hona Molimo o re ntšitseng."

⁴¹¹ "Be," a re, "ha ke khone le ho potela ka khoro feela. Ho eme Kerubime mono, ka sabole, e lebelang Sefate seo sa Bophelo." Kahoo, ka tumelo!

⁴¹² Le a bona, ka bohlale, Kaine o nyehetse, le a tseba, o ne a sa tsebe Lentsoe, empa mohopolo feela, ka bohlale. O ile a etsa sebaka se setle, 'me a se etsa se khahleha.

⁴¹³ Empa, "Abele," ha ho motho ea 'moleletseng, joale, moshanyana feela, "ka tumelo o bone hoba e ne e se bophelo ba limela; e ne e le kopano ea bong, ka mali." Ke moo, moena. Ak'o tsethemé Hoo holimo, khetlo le leng.

⁴¹⁴ Ka tumelo bana ba Hae ba sa ntse ba e bona. Ha A eso e rute ka bohlale bo itseng joale. Ha e tle ka bohlale. E tla ka tumelo. Bibebe e boletse, "Abele, ka tumelo."

O ile a nyehela eng? Mali, ho tsoa bophelong bo phelang, bophelo ba phoofolo.

⁴¹⁵ Re liphooftolo, ka borona. Re phooftolo e mali a futhumetseng. Ke hantle feela. Mofuta o phahameng, phooftolo e phahameng ka ho fetisia, empa e nang le soule ka mono. Ke sona seo e leng bophelo.

⁴¹⁶ Joale hlokamelang. Ka tumelo Abele o bone tšenolo, pono, 'me a tlisa mali a phelang, a phallang, hoba bophelo bo ne bo le maling.

⁴¹⁷ Bophelo bo ka har'a kutu ea—ea palesia. 'Me ke bophelo ba limela, bo se nang maikutlo. Ke ne ke hopotse hore e tla thophothela.

⁴¹⁸ "Abele, ka tumelo," ka ho lula le Lentsoe. Ka tumelo, e seng ka bohlale. "Ka tumelo o bone hore e ne e le kopano ea bong, mali." Sele ea mali e tsoa ho e tona. Monna o na le sele ea mali peōng. Hemotlelobini ke mali, e tsoa ho e motona. 'Me Adama o tsebile hore e ne e se liapole, le liperekisi, le litapole, kapa eng feela, se ba ntšitseng tšimong ea Edene, se hlahisitseng sebe. E ne e le kopano ea bong, mali, 'me a boela a hlahisa mali. Ka tumelo o e entse, e seng ka bohlale.

⁴¹⁹ Motho, ka bohlale, o tla e utloisia joang, holim'a Bibele eohle le Kereke eohle ea Molimo e ahiloe holim'a tšenolo e Halalelang, ka tumelo? "Holin'a lejoe lena Ke tla haha Kereke ea Ka." Le a bona?

⁴²⁰ Huh! "Oh," ba re, "ehlile, re lumela Hono." Haeba ho le joalo Bophelo ba Kreste bo kae libopehong tsena? Bophelo ba Kreste bo kae? Bobeling... Le batla ho ngola a mang a Mangolo ana. Le a bona? Bophelo bo kae? Haeba... Ba re, "Be, rea lumela. Rea lumela. Rea lumela." Haeba u etsa joalo, ka hona...

⁴²¹ Jesu o itse, "Lipontšo tsena li tla," e seng mohlomong, "li tla latela ba lumelang." Jesu o itse, "Ekareha motho a lumela ho 'Na, mesebetsi eo Ke e etsang, o tla e etsa le eena. Ea lumelang ho 'Na, mesebetsi eo Ke e etsang o tla e etsa le eëna."

⁴²² A ke ke a bapala feela. O tla e etsa. Ebe e ka etsahala joang? Hobane, ke bona Bophelo bo leng ka ho Kreste, bo ka ho uena. Bo ke ke ba hlahisa bohlale bofe; bo ke ke ba mela ho bona. Bo tlameha ho latola bohlale, ho nka e—e tumelo. Tumelo Lentsoeng, e seng bohlale Lentsoeng. Tumelo Lentsoeng!

⁴²³ Satane o bohlale bo bongata Lentsoeng leo ho feta mang kapa mang, bareri bohle ba kopantsoe 'moho, baprista le ntho e 'ngoe le e 'ngoe.

⁴²⁴ O bohlale ho feta, empa ha a khone ho ba le tumelo. Tumelo e tla Le phelisa. Tumelo e ne e tla etsa hore a bake, e tla etsa hore a suthe mokhatlong oa hae. Hum! O na le bohlale, kahoo o bo tiisetsa feela. Ho lokile.

⁴²⁵ "Empa Abele, ka tumelo, o bone hore e ne e le ketso ea bong, 'me a nyehela mali, bophelo ba mali, 'me Molimo a bo amohela."

⁴²⁶ Joale, ho Timothea oa Bobeli 2, 3, e boletse... Lentsoe le tla ho bona joale. Le tla oela mobung o mobe leha ho le joalo. Le a bona? "Ba na le sebopetho sa borapeli, empa ba latola matla a jona," matla a Moea. Timothea oa Bobeli 3, haeba u e ngola fatše. Ho lokile. "Ba nang le sebopetho sa borapeli."

⁴²⁷ Lipontšo tsa Moea o Halalelang tsa Bophelo Bosafeleng, ba latola Hoo. "Batho ha baa lokela ho bua ka lipuo. Che. Ha ho ntho e kang pholiso ea Khalalelo, kolobetso ea Moea o Halalelang. Linyee tseo e ne e le tsa baapostola." Ba nang le sebopetho!

⁴²⁸ Pauluse o e buile, a e porofeta. "Matsatsing a ho qetela, mehleng ea bofelo, lintho tsena li ne li tla etsahala." E seng matsatsing ao. "'Me Moea o bua o ōmela: matsatsing a ho qetela, matsatsing a bofelo, ba bang ba tla koenehela Tumelo," le lintho tsena tsohle. Le a bona? Ke eo, "Ba nang le sebopetho sa borapeli."

⁴²⁹ Joale, ebe lipontšo tsa Moea o Halalelang tsa Bophelo Bosafeleng li ka höla joang leroleng leo la bokereke, moo ho se nang Moea oa metsi, ho hang? Le a bona? Ha e khone ho höla

mafapheng a menyaka ea phutheho ea bolumeli, le bohlale, le menyaka. Lipontšo le meeka ea Molimo o phelang li ka hōla joang ka ho e—e mosali oa boitšoaro bo hanang le mokhoa oa leleiti? Ke batla ho le botsa seo. Ebe E ka hōla joang ka ho monna ea emang sefaleng 'me, ka lebaka la seteketana se paala sa lijo kapa ho rekolohehoa ke mokhatlo o itseng oa bolumeli, o tlola 'Nete ea Molimo? Matšoao a moea a ka latela nthoeo joang? E ke ke ea etsahala.

⁴³⁰ E ka—e ka hōla joang ka ho moreri ea ka theolelang mokhatlo oa hae oa bolumeli, a ba hlobolise, holim'a lebopo mono? 'Me mona bosiung bo bong, sebakeng se itseng ke sa tsoa feta bosiung bo fetileng, mishoneng o itseng, 'me ho ne ho tla futhoa motjeko oa littlet ka mono, le ho tsoella, ebe litholoana tsa Moea li ka mela joang tulong e kang eo? E holima lejoe la bokereke, ke hantle, 'me ha se phuleng ea lihloriso, ho tšehoa le ho songoa.

⁴³¹ Sekhahla se sebetsa ka thata. Na le sa hopola thero ea ka nakoana e fetileng, lilemong tse 'maloa tse fetileng, ka Mongh. Sekhahla. Se sebetsa ka thata. Mono, Jesu o boletse, "Kamoo sona . . . se sebetsang ka thata, athe ha se öhle, empa Ke re ho lona: Solomone, khanyeng eohle ea hae, ha a eso apare joaloka se seng." Kamoo sekhahla seo, ho intlafatsa, (bakeng sa eng?) hore se tle se nehelane feela. Mofeta-ka-tsela, o fofonela, o utloa monko o monate. Notši e fofela pelong ea sona 'me e se amoha mahe a linotši ka bottlalo. Se nyehelana ka 'ona ka bolokolohi feela. Se a sebetsa, ho e etsa.

⁴³² Alleluia! Eo ke monna oa makhonthe oa Molimo, Molisa Sekhahla, Rev. Mongh. Sekhahla, e, monghali, se sebetsang ka thata Lentsoeng, se oa ka sefahleho, se hooeletsa ho Molimo, "Molimo, ha ke bone moo sena se kopanang teng *mona, mona*. E loketse ho tla ka Lentsoe." Ha u e bona, 'me Molimo a u neha eona, u tsamaee lefeela. E seng ho tšoara letšolo le leholo, "Haeba u ka mpalla lidolara tse likete tse kana, ke tla tla." Empa, lefeela, "Haeba e le Timbuktu kapa kae moo e leng teng, Molimo, moo U batlang hore ke jale Peo, ke tla E aba lefeela." Alleluia!

⁴³³ Jesu o itse, "Solomone, khanyeng eohle ea hae, ha aa ka a apara joaloka sona." Ho re, "Le ke le lemohe sekhahla."

⁴³⁴ Mothoana oa batho, o tlamehile ho sotleha kahohle, ho itholla seo a se tholang, le ho tšehoa le ho songoa. 'Me setlamo sohle se seholo sa bokereke se mo lelekile, 'me ba 'mitsa ka mabitso a litšila a mefuta eohle. Empa o tiisetra Lentsoe hantle feela, a sebetsa ka thata, motšeare le bosiu, o robetse phuleng. Eng? O—o sebakeng seo a ka momonang ho "linoka tsa Metsi." Ho sebetsa ka thata, (bakeng sa eng?) ho nehelana lefeela ka eona. "Le fuoe lefeela, le nehele lefeela." E, monghali. Oh, khili!

E ka mela joang tšimong eo e lerôle holim'a lefika leo la bokereke?

⁴³⁵ Bana ba Kaine e ne e le bohlale, mahlale. Shebang bana ba Kaine ha ba ntse ba nyoloha. Tloong re ba behe leihlo motsotsso. Bana ba Kaine, e ne e le bomang? Lihahi, basibolli, bannahali ba mahlale. Ba ne ba ruile bohlale. Le a bona? Ba—ba—ba bile ba aha meaho, 'me ba etsa tšepe, le ho futha lintho 'moho. E ne e le boramahlale, ba masene, ba rutehile, ba bile ba tletse borapeli.

⁴³⁶ Empa sejalo seo sa bohlale se hlahisitse eng? Lefu, nqa morabe 'ohle, mohla likahlolo tsa Molimo li ne li theoha. Na ho joalo? Ebe e—ebe sehlopha se entse'ng? Ho hlahisitsoe lefu. Leha koana, bohlaleng bohle le masene a bona, ho etsahetse'ng? Ba shoele. E mong le e mong oa bona o timetse kahlolong ea Molimo. Na ke 'nete? Molimo o itsalo. Ba ne ba le bohlale, ba hlaketsoe haholo, ba koetlisitsoe, ba rata borapeli, ba le khabane haholo. Mahlale, borutehi, ba itsetlehile ka bohlale ba bona, 'me ba bolaile morabe 'ohle oa batho.

⁴³⁷ Ke eona ntho eo ba e etsang hona joale, libomo tsa bona tsa athomo le lintho, boramahlale bana ba masene le lintho ba tla—ba tla senya morabe 'ohle. Ba tšoloheloa ke melora ea seoaholimo hona joale. Ke—ke . . . Le mpa le chesa mahlo a lona, ho le hlahisetsa mofetše, ntho e 'ngoe le e 'ngoe. Ba hasitse boholo ba eona, leoatleng, ha ba sa le fumana hape. "Mohla e tšoasolohang, e tla timetsa lefatše lohle," ba rialo. "Batho ba tla cha, nameng ea bona."

⁴³⁸ Ha ho makatse, Bibele e itse, "'Me linonyana tsa leholimo li tla ja nama ea balaoli," le joalo—joalo; ho bola, ka lebaka la seoaholimo, ntho e 'ngoe le e 'ngoe esele.

⁴³⁹ Ba e etsa, ka bobona, bohlale ba bona bo masene. Ke sona se tlisang lefu: bohlale bo masene. E—ba motho ea nyatsehang, lumela Lentsoe la Molimo, 'me u phele. Nka bohlale ba hau, 'me u shoe. Ho lokile. Kotulo, nako ea bofelo, ba a timela.

⁴⁴⁰ Be, bana ba Abele e ne e le baikokobetsi, lihoai, balisa; baalosi, le a tseba. Balisa, lihoai, baikokobetsi, ha ba ka ba ipolela hlalefo, ba mpa ba tiisetra Lentsoe feela. Ba hlahisitse eng nakong ea bofelo? Moporofeta. E entse joalo. Moporofeta, bakeng sa eng? Lipontšo tsa nako ea ho qetela.

⁴⁴¹ Eitseha Nohe a ema monyako oo, a ntse a haha areka, a re, "E a tla, pula." O ne a bitsoa lehlanya, empa e ne e le moporofeta. Amen. O ile a etsa'ng? Ho tlisetsa ba lumelang poloko, le ba batlileng ho phonyoha. Ke seo morabe o ikokobelitseng, o sa rutehang o se hlahisitseng, o lumetseng tumelong. Ba bang ba ne ba lumela tsebong, ba hlahisitse lefu, morabeng 'ohle. Bao ba—bao ba ikokobelitseng ba entse'ng ka tumelo? Ba hlahisitse pholoho, moporofeta oa Morena, ea ba fileng pontšo ea hore nako ea bofelo e ne e fihlile.

⁴⁴² Na u nahana barutehi ba ka e lumela? Ba suma ka linko tsa bona le ho tloha, ho re, "Pula e tsoa kae? Ak'o nkholise ka mahlale hore metsi a teng holimo mono." Bo-ramahlale bao,

sehlopha sa bokhoale-bohlajana, se lekang, ho paka hore Molimo ha o teng. Leka!

⁴⁴³ Mohla senepe seo se ne se katlatsoa, se ile sa ba emisa setulong sa bona hantle moo ba lutseng. O ne a sa utoisise. Ho re, "Ho na le Leseli la mofuta le halimmeng lenseng." Thepa ea bona ea mahlale ke eo, ba ile ba katlatsoa setšoantšo sa Lona, k'hamera. Joaloka ha George Lacy a boletse, o itse, "Monghali," ho re, "k'hamera ena e ke ke ea katlatsoa saek'holoji. Leseli le phaitse lenseng. Le ne le le teng." A re, "Hore ntho Eo ke'ng, nke ke ka u bolella, empa Le teng mono." A re, "Ke tla tekena lebitso la ka ho eona." O ile a etsa joalo. 'Me le le tšoere, ka bolona. E, monghali. Le ne le ho FBI. Le a bona?

⁴⁴⁴ Molimo oa rona, letsatsing lena la qetelo, ha a siee lejoe le le leng le sa phikolosoa, empa seo A se bontšang ke hore lefatše lena le ke ke la ema. Bohlale le tsebo li ntse li hōla, li thunyetsa sepakapakeng joaloka lintsintsi, le—le lifofane tsa jete, le ho loana tlas'a metsi. Le bobolu ba mefuta eohle, le ho phela sebeng, ho leka ho haha ntho e tla ba sireletsa.

⁴⁴⁵ Ho na le ntho e le 'ngoe feela: ho lōka ha Molimo ho eme Monyako oa Areka. Monyako ke Mang? Kreste o itse, "Ke 'Na Monyako oa mohlape oa linku." Ke balile mohlolithero oa ka. "Linku tsa Ka li tla utloa Puo ea Ka. Osele li ke ke tsa mo latèla." Le ka mohla u ke ke ua sotetsa le e 'ngoe mekhatalong eo eohle kantle mono. E tla tsoa ho eona, ehlile ruri bo. "Ke tla ba ntša mohlapeng, 'me Ke tla ba tsamaisa. Ke tla ba etella pele." Amen. "Ba tla tseba hore ke 'Na. Ha ho ea ka tsamaeang joaloka 'Na, ha ho ea ka etsang tseo Ke li etsang," O ne a tla rialo. Amen.

⁴⁴⁶ "Rabbi, joale re a U tseba u tsoa ho Molimo, hoba ho se ea ka etsang mehlolo ena U e etsang Molimo o se ho eena." Le a bona? Ke hantle. Maipolelo a Nikodema. Ke phetho.

⁴⁴⁷ Morabenyanoo o ikokobelitseng o hlahisitse moporofeta. 'Me moporofeta eo, bana ba Abele matsatsing a ho qetela, ba hlahisitse moporofeta ea bontšitseng lipontšo tsa letsatsi la ho qetela le ho tumisa temoso.

⁴⁴⁸ Ho batla ho tšoana joale, ha ke nahana. "Ea nang le tsebe ho utloa, a utloe seo Moea o re boellang sona."

⁴⁴⁹ Ka hona, le a bona, Peo Lentsoe la Bophelo e ke ke ea hola atemosefereng ea bohlale ba mofuta oo. Ha e khone feela.

⁴⁵⁰ Moshe le Joshua ba ne ba na le tumelo Lentsoeng. Ba bang ba ne ba batlile ho tantša le ho hlobolisa basali; Kore, (hobaneng?) ka bohlale ba hae ba Egepeta. Moshe ha a batla hoo.

⁴⁵¹ Shebang bona ba ha Kore kajeno, ba betla tsela e bonolo, ho tantša, meketjana ea bosiu bohole; basali: moriri o ponngoeng, mese e mekhutšoane, ntho efe feela. "Ha e etse phapang ea letho. Ho lokile." Ha e a loka hantle. Lentsoe le e tlaleha e sa loka. Ke hantle. Ntho e tšoanang. Le a bona?

⁴⁵² Leha koana e mong le e mong oa bona a ne a kolobelitsoe, e mong le e mong, Kore le bohle ba ne ba kolobelitsoe, ho a bontša hore mofuta oo oa bokekeri o teng hape.

U re, “Na ba ile ba kolobetsoa?”

⁴⁵³ I Bakorinthe 10:1 ho fihla ho 2. Ha re e baleng feela. Re . . . Kea tseba nako e a feta, empa tinara e ke ke ea cha. Tinara ena e ka tšoarella haleletsana, ha Morena a ka a tsoelapele feela ho re fepa. Le a bona? Bakorinthe ba Pele 10. Joale shebang mona. Bakorinthe ba Pele 10:1 ho fihla ho 2, ke e tšoere. Joale, ke tšoere Bakorinthe ba Bobeli. Bakorinthe ba Pele 10:1 ho isa ho 2.

*Ho feta moo, banab'eso, ha ke rate—ha ke rate hore le
hloke tsebo, kamoo ba rona . . . bontata rona bohle ba ne
ba le tlasa lerus, 'me bohle ba tšela leoatle;*

*'me bohle ba kolobeletsoa ho Moshe ka lerus le
leoatleng;*

⁴⁵⁴ Kore o kolobelitsoe joaloka ba bang ba ba bona. Empa a batla ho etsa eng? Ho lumella basali ho tantša feela, 'me ba noa veinenyana le ho ithabisa nakoana, le ho ba hlobolisa le ho feba, le ho fumana seo. Le a tseba Bibele e boletse ba entse seo. Ba nkile basali bao ba ba hlobolisa liaparo tsa bona, 'me ba ba chaisa tantše, le lintho tse joalo. Eaba Moshe o a ba halefela. Na le sa hopola nako? Hobaneng? Ba ne ba khemisana le Ngk. Kore, ea bohlale. A re, “Ke tla le khutlisetsa Egepeta.” Ke hona moo ba ka beng ba ile teng, hape.

⁴⁵⁵ Empa, Moena Moshe, ha a theoha, ho ne ho fapanie. Eena le Joshua ba ile ba tiisetra Lentsoe leo. Molimo o fane ka tšepiso; ba ile ba e tiisetra. Ho lokile.

⁴⁵⁶ Ba bang ba ne ba batla ho tantša le ho hlobola liaparo tsa bona, le ho tsoa ho, ka bohlale ba Kore. 'Me bohle ba kolobetsoa, a le mong.

⁴⁵⁷ Israele le Moabe. Oh, ke mpa feela . . . uena . . . Ke se ke fetile moo, hang. Tloong re nke taba eo. Ke tlameha ho potlaka. Ho lokile. Israele le Moabe, le a tseba kamoo ho ne le kateng mono. E mong, hantle feela, ea nang le bohlale, mekhatalo e meholo ea metonana. E mong, e le nthoana, e sa kheseng likereke tse ling.

⁴⁵⁸ Eaba, tsatsi le leng; ke hokae moo ke fihlang teng joale pele re koala. Ka tsatsi le leng, mehloli ena e 'meli e meholo, kapa matla, e kile ea khahlana bakeng sa makhaolakhang a Lentsoe la Molimo.

⁴⁵⁹ Joale re tla fihla sehlolholong. Re ka khutlela morao. Nka qotsa litosene. Mona nka ema veke kaofela, ke sa ame esita le bokaholimo ba eona, kamoo nka pakang seo hantle mono, seo ke buang ka sona. Empa ke tšepa le a e fumana. Le a bona?

⁴⁶⁰ Ka tsatsi le leng, ea fihlela makhaolakhang. Bohlale le tumelo tsa khahlana. Jesu le Satane ba kopana. Ke hantle. Jesu le

Satane ba kopana. Matla ana a mabeli a maholo, bohlale le tsebo, a ile a nonyana matla. Le a bona?

⁴⁶¹ Joale, bobeli ba 'ona a sebelisitse Lentsoe. Ho joalo? Oh, moena, taba ena e-ba monate, ho 'na. Le a bona? Le se ke la e fosa, joale. Oh! E reng, "Molimo, bula pelo ea ka." [Phutheho e re, "Molimo, bula pelo ea ka."—Mohl.]

⁴⁶² Bobeli ba bona ba sebelisitse Lentsoe la Molimo, Bibele e tšoanang. Empa E ke ke ea sebetsa kahara mocha o sa sokolohang. Ehlide e ke ke. Ruri e ka sitoa. Bobeli ba sebelisitse Lentsoe la Molimo. Empa Satane o Le sebelitse ho tsoa tsebong ea hlooho, le a bona, tsebong ea hlooho, 'me ha Le a sebetsa.

⁴⁶³ Ke tšoere Lengolo mona. Na le ka tsotella ha nka le bala? [Phutheho e re, "Che."—Mohl.] Ha re nkeng Baheberu, khaolong ea 4, kapele, motsotsotso feela. Ke batla ho bala sena. Le bonahetse le khahleha haholo ho 'na, hantle mona, Baheberu 4. 'Me ha re nkeng Baheberu 4, 'me re qale, 1 ho isa ho 2.

*Ka baka leo a re tšabeng, esere, pallo e sa le teng
ho rona . . . ho kena phomolong ea 'ona, kamoo le ka
bonahalang le haelloa ke hona.*

*Hobane le rona re boleletsoe evangeli, joalokaha le
bona: feela lentsoe leo ba le boleletsoeng ha le a ba thusa
letho, kahobane le sa ka la fihlelana le (tsebo, bohlale?)
tumelo e ho bona . . . tumelo ho bao ba (eng?) le utloileng.*

⁴⁶⁴ U ka ba le Lentsoe lohle, u ka tseba Lentsoe leo ho tloha ho A ho ea ho Z, 'me Le ke ke la u sebeletsa. Na le bone banna ba nka Lentsoe leo 'me ba leka ho Le sebelisa, ho re, "Moena, tlrtliso ho Molimo"? Feelha e sebetsese. U ke ke oa thetsa ka Lentsoe. Che, che. Che, che. Ho sa tsotellehe seo u ipolelang sona, Lentsoe le a Ipaka. Ho sa tsotellehe seo u ipolelanang sona, Lentsoe le a paka. Ke hantle.

⁴⁶⁵ Joale, Satane o tsebile Lentsoe. O Le tsebile ho tloha ho A ho isa ho Z. Be, le a tseba ke'ng? Ke a kholoa, hola a ka apesoa digarata, a ka ala dithaetlele tsa hae holim'a maqephe a mane kapa a mahlano a pampiri, "Ngk., Rev., Moholo, Ph., L.L., Q.D." alfabetika 'ngoe ka mokhoa ofe. Digarata tsa hae li ka ba ka Bibeleng eo. O tseba Lentsoe le leng le le leng la Eona. Ehlide o etsa joalo. Le a bona? Kahoo, Satane o itse, "Joale, ke tseba Lentsoe." Ke a tseba hore o tsebile Lentsoe mohla a tlang ho Eva. Ka hona, o ne a Le tšoere ka tsebo ea hlooho, empa ha Le a ka la sebetsa.

⁴⁶⁶ Jesu o Le tsebile ka tumelo, ka tšenolo ea Lentsoe la Molimo Bophelong ba Hae ka Sebele bo neng bo reroe pele. Khanya! Ke tšepa seo se thophothela koana pelong ea lona. Jesu o tsebile hore E ne e le Mang. Athe Satane o ne a ipotsa. O tsebile hore E ne e le Sebopuoia se reriloeng pele sa Molimo, hore Molimo ka Seqo o ne a bonahatsoa ka ho Eena. E ne e se Eena ea etsang mesebetsi. E ne e le Ntate ea neng a ahile ka ho Eena. Amen.

⁴⁶⁷ Ere liabolose a fofe ka thuto ea hae eohle ea bomolimo. Jesu; Satane o ne a Le tseba. O ne a tseba Lentsoe. Joale, o ne a ka qotsa Lengolo leo, moshanyana, joaloka Bibebe e tsamaeang feela. O ne a ka E qotsa joalo *feela*. [Moena Branham o thantse monoana oa hae hangata—Mohl.] Le a bona?

⁴⁶⁸ Empa Jesu a ikhutsetsa feela, hoba A tsebile moo A neng a eme teng. O tsebile hore O ne a reroe pele, “e ne e le Konyana e hlabiloeng pele lefatše le theoa.” O tsebile E ne e le Motho eo. Oh! Oh, moena! “Ea nang le tsebe a utloe.” O tsebile hore O ne a reretsoe hoo, ‘me ke kamoo A tsebileng Lentsoe kateng. Le a bona? ’Me Le ile la sebetsa. Ehlide.

⁴⁶⁹ Satane o ne a Le tseba ka bohlale. Le ile la hloleha. O qotsitse lona Lentsoe leo Jesu a le qotsitseng, eona Bibebe eo. O qotsitse ho Lipesaleme. “O tla laella . . . Ho ngoliloe,” Satane o itsie, “O tla laela mangeloi a Hae malebana le Uena, esere Ua khothometsa leoto la Hau lejoeng. A tla U jara.”

A re, “’Me ho boetse ho ngoliloe . . .” Oh! Le a bona?

Satane o Le tsebile ka tsebo.

⁴⁷⁰ Jesu o Le tsebile ka boiphihlelo. O Le tsebile ka tšenolo. O tsebile hore E ne e le Mora eo oa Molimo ea neng a tla tla lefatšeng. O tsebile boemo ba Hae. O tsebile hore O tsoetsoe lefatšeng lena ka morero oo. ’Me ke ka lebaka leo Lentsoe la Molimo le neng le ka sebetsa ka Eena, hoba A tsebile seo A neng a le sona. Khanya! Na le e tšoere joale? O tsebile seo A neng a le sona.

⁴⁷¹ Satane, motšeо ho eona, o tsebile seo a neng a le sona. ’Me o tsebile a se na tokelo, ka bohlale ba hae, Lentsoeng, hoba Lentsoe e ne e le Molimo. Na le a e fumana?

⁴⁷² Joale, haeba Jesu a tsebile hore E ne e le Mang . . . E ne e le Sebopuoа sa nako se reriloeng pele. Na le lumela seo? Jesu, ‘mele, O tsebile hore E ne e le Lentsoe le reriloeng pele, Motho eo oa Molimo ea neng a tla ema tsatsing leo, ho ba Sehlabelo sa sebe. ’Me O ne a tseba mohanyetsi oa Hae. (Joaloka ha ke rerile, Lisontaha tse ‘maloa tse fetileng.) O tsebile mohanyetsi oa Hae; ‘me O tsebile hore E ne e le Mang. Ka baka leo, matla ao a mabeli a maholo a ne a kahhlane, tsebo le tumelo. Jesu o tsebile hore E ne e le Mang.

⁴⁷³ Satane o ne a tseba Bibebe hantle joaloka ha Jesu, empa ha E a ka ea sebeletsa Satane. Le a bona?

⁴⁷⁴ Ho sa tsotellehe hore tsebo ea hau e kae, e ke ke ea sebetsa. Joale, khutlisetsang seo ho mekhatlo ena e meng e meholo. E nahaneng, motsotso. Ba re, “Be, re tšoere Lentsoe.” E re ke e bone e sebetsa. Lona Makatolike, le ipitsa ba mantlha. Tloong re e bone. Mpontšeng mesebetsi ea lona, kantle ho . . . Kapa, mpontše mesebetsi ea hau, ka, kapa, kantle ho tumelo ea hau, ‘me ke tla

u bontša ea ka, ka tumelo ea ka. Le a bona? Ho bona seo Lentsoe le se boletseng.

⁴⁷⁵ A na u ka jala peo e sa bonahatse seo e leng sona, haeba e ntse e hola? Na u ka lema poone e sa melise poone, haeba e mela? A na u ka lema tapole e sa behe tapole? A na u ka lema palesa e sa fetohes palesa ea mofuta oo? Le a bona?

⁴⁷⁶ Ka hona, haeba u jetsoe, 'me Peo ea Molimo e lutse pelong ea hau, E loketse ho hlahisa Hoo. Jesu o itse, "O tla etsa mesebetsi ea Ka, haeba a lumela ho 'Na." Haeba a ipolela hore o a Le lumela, 'me lintho tsena li sa mo sale morao, ke raleshano. "Ea lumelang ho 'Na, mesebetsi eo Ke e etsang o tla e etsa le eena; le e mengata ho ena, hobane Ke ea ho Ntate." Khele, E matla! Haeba li sa oela holim'a thellisane 'me tsa thellela kathoko, ho oela holima lejoe la mofuta kae-kae! Li mpa li oela phuleng e le hore meea e se ke ea Le fefola, le linonyana ha li khone ho Le fumana, Le tla mela.

⁴⁷⁷ U Le pate pelong ea hau. Davida o itse, "Ke patile molao oa hau pelong ea ka," esere phutheho ea bolumeli e ka Le ntša, linonyana li se khone ho Le thonaka. "Ke Le patile *mona*. Ke a Le nahana, motšeare le bosiu. A ngotsoe holim'a lifate tsa malao a ka le hohle. Ke A tšoere, ke A tlameletse menoanng ea ka. A ka har'a . . ."

⁴⁷⁸ 'Me Jesu o itse, "Lebitso la hau le seatleng sa letsoho la Ka." Joale, joang, ebe le ka lebaloa joang? Ha ho mokhoa. Joale, ho lokile.

⁴⁷⁹ Joale, efela haeba Jesu a hlotse Satane holim'a tumelo, ka ho tseba hore E ne e le Mang, E ne e le Sebōpuoa se reriloeng pele. Na le itokisitse? [Phutheho e re, "Amen."—Mohl.] Ho ka thoeng ka Monyaluoaa ea reriloeng pele oa Jesu Kreste joale? Na le a lumela hore Monyaluoaa o ne a reroe pele? Monyaluoaa oa Kreste ea reriloeng pele joale, Kereke, Lentsoe Peo, ka ntho e 'ngoe le e 'ngoe eo Molimo o tsepisitseng ho e kenya ka hara Kereke, e ka har'a Eona hantle joale. E ka har'a Eona joale. Tsohle li lokile. Moea o Halalelang o abiloe. Peo e jetsoe. Maseli a mantsiboea esale a chabile. Pontšo ea Sodoma, eo Jesu a e tsepisitseng, e teng mona, le Malakia 4. Kereke e reriloeng pele!

Oh, liabolose!

⁴⁸⁰ Kereke ea Molimo o phelang, mona le teiping, hape, na le tseba moo le emeng teng? Na ua tseba hore u bitsitsoe ke Molimo, hore Moea o Halalelang o busa ka pelong ea hau, 'me Lentsoe le leng le le leng la Molimo ke 'nete ho uena? Oh, moena! Satane a ka ema joang khahlano le hoo? O tla thibela ntho eo joang ho hola? O tla thibela matšoao ao joang ho Le latela? Khele, u ka ba lahlela teronkong. Bona, haeba u ka khona, ha ke tsotelle seo u se etsang, ba kile ba leka. Ba ile ba bola lichankaneng. Ba feptjoa litau. Ba ne ba pongoa likoto. Ba ile ba rusulloa likotoana. U ke ke oa E bolaea, hantle, Kereke e neng e reroe pele. "Bao A ba tsebileng pele," joaloka ha A entse ka Jesu, "O ba bitsitse. Bao A

ba bitsitseng, O ba behile ba lokileng. 'Me bao A ba behileng ba lokileng, O bile o ba tlotlisitse, ho ba rera pele."

⁴⁸¹ 'Me joale, matsatsing a qetelo, peo e 'ngoe le e 'ngoe e jetsoe; ntho eohle e lutse malung, lefatše le malulong a lona, nako e bopehile, Kereke e malong a Eona, Peo, Maseli a mantsiboea, lipontšo li joaloka ha A boletse, "Joaloka matsatsing a Sodoma." Lengeloi la Molimo, Moea o Halalelang, o a theoha, o nka khato, o etsa mehlolo eo A e entseng mohlang oo. Malakia 4 o tšepisitse hore O tla romela, matsatsing a qetelo, seo A se tšepisitseng. 'Me re bona tseo tsohle hantle mona. Ho kae? Ho kae?

Amen! Amen! Amen! Amen! Amen!

Na le a Mo rata? Amen!

⁴⁸² Ehlide, hantle mona matsatsing a qetelo, Kereke e reriloeng pele, e tsebang moo e emeng teng, ho jaloa ka Peo, Moea o Halalelang ka hara Kereke. Satane, hlokomela.

⁴⁸³ Ho etsahetse eng? Motsofso feela joale. Ho etsahetseng, ka ntho e 'ngoe le e 'ngoe e tšepisitsoeng Eona, esita le litšepiso tsa Malakia 4?

⁴⁸⁴ Ebe—ebe Satane o ile a etsang ha a kopana le Jesu? A Mo pharumela, ka sefutho sohle sa bokereke 'ba hae. "Ke tseba Lentsoe, le 'na," a Mo fofela. Ka lerôle leo la hae la phutheho ea bolumeli! Re mo lahleletse Lona; empa ho ne ho se Bophelo bofe. A hlaha a fofa a baleha hle! A fofa ka potlako a baleha ho feta kamoo a fofileng a kena. Hobaneng? O ile a thulana le Mohala oo oa divolto tse lekholo-bilione mono. A mo tlabola masiba. A tloha ho Eena. A tsoa ho Eena, hoba Mohala oo o ne o phalla volto ho Oona.

⁴⁸⁵ Hopolang, Satane o ne a tšoere mohala, le eena. Empa, ho sa tsottelehe mohala ke koporo hantle hakakang, haeba o sa tšoara bophelo ho oona, o shoele. O ke ke oa sebetsa. Ke mohala o tšoanang.

⁴⁸⁶ O mong o natlafalitsoe ke Daenamo, athe o mong ha o a hokeloa, ho hang. Ke hantle. Ke ka lebaka leo Le ka sebetsang ka har'a lefiso le reriloeng pele. Ke ka baka leo Lentsoe le tla sebetsa moo Le hokantsoeng teng. Ho hokanngoa kae, le phutheho ea bolumeli? Che, monghali. Ke boholokoana bo shoeleng, "Ba nang le se sebopaho sa borapeli, ho latola matla a jona." Empa ho hokahana le Lentsoe, le ke keng la feta le ka mohla, 'me le ka hlahisa oona matla ao A neng a ena le oona. Ke hona moo e leng teng. Khanya!

Amen! Amen!

Le a Mo rata? [Phutheho e re, "Amen."—Mohl.] Le tla Mo sebeletsa? ["Amen."] Amen. Ehlide.

⁴⁸⁷ Ha e a hokeloa bolumeling ba mokhatlo o itseng, empa ho hokeloa ho e—e—e—e Daenamo mona. Moena, ke a u bolella, E sebetsa mono, hobane E hoketsoe, Lentsoe le tšoanang.

⁴⁸⁸ Moabe o ne a hoketsoe, le eena; le Iseraele, le eona. Moabe o ne a sa kakatlela letho haese hlabo e shoeleng ea litumeloana le moporofeta oa bohata.

⁴⁸⁹ Empa Iseraele a e-na le lefika le otiloeng, noha ea koporo, Topallo ea Mollo, alleluia, lipontšo tsa Molimo o phelang. Amen. Ke hantle feela. E ile ea sebetsa. Hobaneng? E ne e le ka tumelo. E, monghali. E seng holim'a tsebo, tumeloana ea motho ea itseng; empa holim'a tumelo Lentsoeng, Lentsoe ka Bolona. Bophelo bo tsoa Lentsoeng. "Lentsoe la Ka ke Bophelo." Molapo oo o tsoa Lentsoeng.

⁴⁹⁰ Satane o ile a sutha mono, kapele feela. Lerole la hae la thutomolimo ha lea ka la tsamaea hantle hona mono. Thapo ea Satane e ne e tšoara sa mollo ho eona. E ne e le litumeloana tse shoeleng. E ke ke ea sebetsa. E ke ke ea fetisa mollo.

⁴⁹¹ Joale, le a bona, ke thapo eona eo. Jesu o sebelisitse Lentsoe la Ntate; Satane o sebelisitse Lentsoe la Ntate. Satane e ne e le Satane. Jesu e ne e le Molimo, phapang ke eona eo, eo ke 'Nete. E 'ngoe ke tumeloana, 'me e 'ngoe ke Lentsoe. E 'ngoe ke 'Nete, 'me e 'ngoe ke ea bohata. E 'ngoe e tla e hlahisa; e 'ngoe ha e khone ho e hlahisa. Na le a e tšoara? Lithapo tse tšoanang, joale, ke hantle haholo, lithapo tse tšoanang. Baheberu 2, re sa tsoa feta ho eona, kapa, Baheberu 4:2, re sa tsoa feta ho eona. Le a bona? Joaloka, mekhatlo ea malumeli, joaloka ha mekhatlo ea malumeli e bua, ka bohlale. Le a bona? Mekhatlo ea malumeli, ka bohlale, e a bua: "Matsatsi a motlakase a fetile."

Na le a Mo rata? Amen!

Na le tla Mo sebeletsa? Amen!

Na le a Mo lumela? Amen!

Amen! Amen!

Ke a Mo lumela. E, monghali. *Amen* e bolela "ho be joalo."

⁴⁹² Morena, thapelo ea ka, hoseng hona, nka molumeli e mong le e mong ka mona le ho mo hulela ka har'a molapo. Oh! Kenya Bophelo ka ho eena, a ke a hobe 'me a bonesetse khanya ea Molimo. E, monghali. Bulela motlakase.

⁴⁹³ Na le tseba seo ke se lumelang? Peo e jetsoe (Ma le lumela seo?) bakeng sa Kereke eo e kholo. Joaloka ha lithapo li noketsoe mohahong, sokete e 'ngoe le e 'ngoe e lekiloe ka Lentsoe, oh, khili, mochoporo ka mong o lekiloe ka Lentsoe. "Le se makale ha liteko tse tukang li le fihlela. Empa e le ho le leka."

⁴⁹⁴ Haeba shoto e le teng mono, e ne e tla tsetela, ho phatlola swichi eohle. Molimo ha o li batle ka Kerekeng ea Oona. Ha ho swichi e tla ho phatlaha 'me ha ho feuse e tlang ho phatlaha matsatsing ana a qetelo. Che, monghali.

⁴⁹⁵ O a khutla 'me o e cheseletsa hantle ka mono. E, monghali. Ho lokile. Lebone le leng le le leng le leketlile malulong a lona. Ntho feela, ke ho emela Monghali morao mane ho tobetsa swichi.

Ke hantle. E, monghali. Ka har'a Lentsoe! Ehlide. Ekaba hantle hona joale, moena. Haeba u hloka pholiso, khoatha konopo feelsa. Ke phetho seo u lokelang ho se etsa, haeba u tšoere thapo ea mannete. Haeba mobu oa hau . . . “Ha thapo ea hau e tsetetsoe, le likhokahano, le tsona, u lahlehile ka ho Jesu, ho u bolella hore u etse'ng.” Amen. Ke hantle.

⁴⁹⁶ Joale, bohlale ba mokhatlo oa bolumeli bo re, “Matsatsi a mehlolo a fetile.” Ha ho molapo kahara lithapo.

⁴⁹⁷ Empa tumelo e tseba hantle ho feta. Ba e utloa. Ba e bona e sebetsa. Ba e tseba e khantsa. Ba tseba seo e se etsang. Tumelo ke molapo, molapo, Moea.

’Me bohlale ke libopeho tsa mekhatlo ea malumeli.

⁴⁹⁸ Satane o ne a leke ho isa Jesu molekong, hole le tumelo Lentsoeng la Ntate. Ke sena seo a se entseng. A leka ho ’Montša mekhatlo ea hae e meholo, ea metonana ea likereke tsa lefatše. Empa o ha a khona ho Mo leka. “Tloo ’me u ingolise ho ea ka. Ke tla u hloma bishopo holim'a tsona kaofela.”

⁴⁹⁹ “Ho ngoliloe . . .” ho boletse Jesu. E, monghali. Satane o sitiloe ho Mo leka. Che, monghali. O ka ngane ho ntho eo. Empa, Jesu e ne e le Lentsoe. Tumelo ea Hae tsebong ea Hae, hore E ne e le Lentsoe.

⁵⁰⁰ Joaloka Moshe. Khele, Moshe o tsebile hore e ne le mang. Moshe o tsebile hore e ne e le mohlanka ua Molimo, a tseba hore o bitsitsoe ke Molimo. O tsebile seo a tlang ho se etsa. Ke lona lebaka a sa kang a tšoha seo Satane a se buileng. Satane o lekile ho mo kenya molekong, ho mo tšosa ho e tlöhela. Empa, che. Moshe o ne a tseba moo a emeng teng. Ke hantle.

Joale ke tlameha ho potlaka. Ke tlola, leqephe ka mora leqephe, mona.

⁵⁰¹ Pauluse. Ntho e le ’ngoe eo ke batlang ho e finyella mona, pele ke koala. Pauluse o hlakisitse karolo ea hae ea Monyaluoa eo a tlang ho e hlähisa. Pauluse o tla hlähisa karolo ea Monyaluoa. Na le lumela seo? Pauluse o ile a e hlakisetsa karolo ea hae ea Monyaluoa eo a tlang ho e hlähisetsa Jesu Kreste matsatsing a ho qetela, mabapi le bohlale kapa tumelo.

⁵⁰² Ha re baleng nakoana. Ke batla le phetle ho Bakorinthe ba Pele, khaolong ea 4. Bakorinthe ba Pele, khaolo ea 4, re bala feelsa. ’Me re tla koala feelsa e—e nakoaneng e seng kae, ha Morena a ratile. Bakorinthe ba Pele, khaolo ea 4, ’me ke batla ho bala temana ea 18 ho isa ho ea 20. Ho lokile. Ke rona bana.

Hona joale ba bang ba ikhohomosa, joalokaha eka ba ikhohomosa—joaloka hoja nke ke ka tla ho lona.

Empa ke tla kapele ho lona, ha Morena a rata, ’me le tla tseba, e seng puo ea e mong oa ba ikhohomosang, empa matla.

⁵⁰³ Ua tseba, ho tla nka . . . Joale, e ne e le kereke ea Roma e qala e fihla, hantle ka mono, ea qala ea hlaha. Le a bona? O tsebile taba . . . Le a tseba, Bibele e boletse, “Ba tlohile ho rona, hobane e ne e se ba rona,” le a bona. Ke hantle.

Hobane 'muso oa Molimo ha o puong, empa o matleng.

⁵⁰⁴ Le a bona, “E seng ka Lentsoe.” Ho re feela, “Be, ’na, ke rutehile, moena. Ke fumane thuto e ngata ho feta kamoo u kileng oa e fumana. Ke—ke moprista. Ke a . . .” Hoo ha ho amane le Eona ka letho. Ha e bolele letho le fetisang ho re u “kolobe,” kapa ntho efe esele; le a bona, le a bona, ha le amane le Lona ka letho. Le a bona? Liabolosi o ne a ena le tsebo e ngata, le eenaa. Le a bona? Ho lokile. Le a bona?

Hobane 'muso oa Molimo ha o . . . lentsoe, empa . . . matla. Le a bona?

Joale le tla etsa'ng? ke tla ho lona ka molamu, kapa ka lerato, kapa ka hare . . . moea oa bonolo?

⁵⁰⁵ Joale, khaolong ea 2. Ke batla ho qetella sena, motsotsotso feela, ebe, pele re koala. Khaolo ea 2; phetlang leqephe. Ha re qaleng hantle hona mona ho ea 1. Joale ho bona seo, Pauluse, a se bolellang Monyaluoia joale. O tla hlahisa karolo ena ea Monyaluoia ho Kreste, ‘me o batla hore ba tsebe. Joale, hopolang, Pauluse a ka be a ile a rua bohlale ba mofuta. O ne a le bohlale, o ne a ithuetse, empa a “tlameha ho e lebala,” o boletse. O ne a kakatletse digarata tsa mefuta eohle le thuto, empa a loketse ho e lebala, joale, shebang, ho ithuta Kreste.

'Me 'na, banabeso, ha ke etla ho lona, ha ke a tla ka bokhabane ba puo, leha e le . . . bohlale. Le a bona? Ha kea tla ka bohlale, *ho le bolella bopaki ba Molimo.*

⁵⁰⁶ “Na ke Ngk. Sekete-kete, ‘me ke e tšoere eohle. Ke . . . Re rutoa liseminareng, *hore-le-hore*”? Che, che. Pauluse o itse, “Ha kea tla ho lona joalo, ka bohlale.” Joale, le eng . . .

Mohlolithero oa ka ke'ng? *Bohlale Papisong Le Tumelo.* Le a bona?

⁵⁰⁷ “Ha kea tla ho lona ka bohlale,” Pauluse o itse, “ho le hlahisetsa bopaki ba Molimo ka bohlale, ho re, ‘Joale sheba mona. Ke tla u bolella. Re ithutile seminareng hore matsatsi a mehlolo a fetile. Re ithuta sekolong sa boruti hore lintho tsena li ne li hlile li sa bolele *Sena*.’” A re, “Ha kea tla joalo, baena.” Joale o itseng?

Hobane ke ikemiselitse ho se tsebe letho har'a lona, haese Jesu feela . . . 'me e leng eenaa ea thakhisitsoeng.

'Me (haeba) ke ne ke ena le lona ka bofokoli, le ka tšabo, le matšoenyehong a maholo ka ba le lona.

'Me puo ea ka le therou ea ka e ne e se ka mantsoe a hohelang a bohlale ba batho, . . .

⁵⁰⁸ Huh? Joaloka ha Booth Clibborn a boletse, “Malume?” Ke mang ea kokotileng joale?

Ha kea tla ho lōna ka bohlale bo itseng ba seminare,
empa ka ponahatso ea Moea le ea matla:

*Hore tumelo ea lona (t-u-m-e-l-o) e se ke ea theoa
bohlaleng ba batho, empa matleng a Molimo.*

⁵⁰⁹ [Moena Branham o letsa mololi—Mohl.] Amen. Le a e lumela?

*Hore tumelo ea lona e se theoe bohlaleng ba mokhatlo
o itseng, empa matleng a Molimo.*

⁵¹⁰ Tumelo matleng a Molimo! Litšepo tsa lona ha li joalo . . .

⁵¹¹ Mehloli ena e 'meli e loanne ho tloha Edene; Tumelo ea Molimo khahlano le bohlale ba Satane. Molimo o pakile, mengoaheng eohle, hore Le ke ke la tsoakana. Le tlameha ho arohana, ho mela.

⁵¹² Joale, kapele, e reng ke mathe feela—lentsoe kapa a mabeli feela, holima le leng le le leng, ho nka feela lintho tse 'maloa tseo ke li ngotseng mona.

⁵¹³ Esau le Jakobo e ne e le papiso e phethahetseng: bobeli ba bona, balumeli; bobeli ba bona, mafahla.

⁵¹⁴ Esau e ne e le oa mofuta oa bokerek. E ne e le monna ea bohlale. E ne e le—e ne e le motho oa maitšaro a matle le lintho tse joalo, empa o ne a sa tsotelle tokelo eo ea tsoalo.

⁵¹⁵ Jakobo o ne a sa tsotelle seo a tlamehang ho se etsa, ha a mpa a ka itholla tokelo ea tsoalo. 'Me ha feela ba ntse ba le hammoho, ba sitiloe ho beha. Ho joalo? E mong o ne a eme khahlano le e mong.

⁵¹⁶ Na le e tšoere? Amen. “Tsoang har'a eona. Le ikarole,” ho bolela Molimo. “Le se ke la ama sesila sa bona. 'Na Ke tla le amohela.” Le a bona?

⁵¹⁷ Jakobo o ile a tlameha ho ikarola ho moena oa hae oa mokhatlo oa bolumeli pele Molimo o ka mo hlohonolofatsa. Molimo o boleletse Abrahama ntho eona eo.

Israele; le Moabe.

⁵¹⁸ Baporofeta ba Israele ba makholo a mane ba ne ba eme pel'a Mikea. 'Me Mikea a ikarola ho bona, 'me a nka Lentsoe la Morena, 'me a khutla le Lona.

⁵¹⁹ Moshe, le Kore, ntho e tšoanang, ha ba ka ba tsoakana. Ba ne ba lokela ho arohana. Na hoo ke 'nete?

⁵²⁰ Abrahama; le Lota. Lota e ne e le monna oa borapeli, papiso ea kereke e tloaelehileng. Empa ha feela Lota a ntse a e-na le Abrahama, o tsamaile le eena lilemo tse ngata. Empa O ne a tla . . . Molimo o ne o ke ke oa mo hlohonolofatsa ho fihlela a Mo mamela ka bottlalo 'me a ikarola ho Lota, kereke ea mokhatlo.

Eaba, hang ha Abrahama a ikarola 'me a tsoa, ho tsamaea a le mong, Molimo o itse, "Joale, Abrahama, ema. Sheba bochabela, bophirimela, leboea, boroa." A re, "Tsohle ke tsa hau." Empa ha A ka a e etsa ho fihlela a ikarola ka botlalo. Ke hantle feela.

⁵²¹ Molimo o ne o ke ke oa hlohonolofatsa Setha ho fihlela A mo arotse ho Kaine. Oa tšoaea Kaine 'me oa mo romela naheng ea Node. 'Me Kaine, ka bohlale ba hae bo masene, a fetoha boramahlale le ntho eohle e sele, a hlahisa sejalo sa ntho eo. 'Me Setha, tlas'a ho loka ha hae, le lerato le tumelo Lentsoeng la Molimo, o melisitse sejalo se hlahisitseng moporofeta ea lemositseng matsatsi a qetelo, ke hantle, ho pholosa molumeli e mong le e mong. 'Me bohlale ba timetsa e mong le e mong oa bona. Bona, e mong le e mong, a shoa. E mong le e mong, ho sa tsotelehe bongata ba digarata le saekholoji, ntho eohle e sele, ba timetse likahlolong tsa Molimo.

⁵²² 'Me ntho eohle kantle ho Moea oa Molimo oa 'nete, o tsoetsoeng labobeli, e lumelang Lentsoe le leng le leng la Hono le ho ema holim'a Lona hantle, e tla timela likahlolong tsa Molimo. Le bona ba menekang bana ba theohang ka seteratan, le ho itšoara joalo, le ho tsoella joalo, hopolang, ha se letho lefatšeng empa ke libeso tsa kahlolo. E tla bola. E tla lokela joalo. E tlamehile joalo. Basali, tsohang.

⁵²³ Ke tšoere bopakinyana, empa ha ke na nako ea ho bo phetha, ba mofumahatsana mona nakoana e fetileng, California. Ke ne ke qhoba tseleng, ke emetse ho bitsetsoa ka tenteng. Mono ha mathela, ka nthoana... Ke-ke mahlabisa-lihlong. Ha ho pelaelo, ngoananyana e motle. 'Me o ne a ntse a tsamaea moo, a ntse a sothahana, katibanyana ena ea lek'haoboi, libutšu le litjellane tse lepeletseng, a sothahana a nyoloha tseleng. Monna e mong le e mong a mo letsetsa lenaka, le ho tsoka matsoho, bao bohle joalo.

⁵²⁴ Ka nahana, "Ke loketse ho emisa, hola ke ne ke se moreri. Meda a le teng, nka etsa joalo. Ho re, 'Sheba, khaitseli, ke batla ho u bolella se seng. U ka ba motle. U ka paka seo. U a bona? U ka etsa hore makoloi a khiritse mariki, le ho sothahana mona, 'me bashanyana ba letsa mololi joaloka liphiri, ntho eohle. Empa ka le leng la matsatsi ana, 'mejana oo, likokoanyana le liboko li tla nyeunya ho oona 'me li o je. Ha re re liveke tse tšeletseng ho tloha joale, o bolile, o robetse mono lebitleng. Empa moea oo o ka ho uena, o iphepang ka takatso eo, o tla phela liheleng tsa liabolosi ka-ka mengoaha e tlang."

⁵²⁵ Moshe; le Kore. Lota; Abrahama. Johanne Mokolobetsi; le balekhetho. Jesu; le likereke tsa mekhatlo tsa mehla ea Hae. Le a bona? Tumelo; bohlale.

Be, baprista bao ba ne ba ka ema, ba re, "Rona . . ."

A re, "E."

"Re na le *sena*. Oh, ntata rona, re entse *hore-le-hore*."

⁵²⁶ A re, “E. Lona, ka meetlo ea lona, le fetotse litaelo tsa Molimo lefeela, Ba ruta Thuto eo e leng melao ea batho.”

⁵²⁷ Ho re, “Be, U mang uena, ho re ruta? U tsoa sekolong sefe?”

⁵²⁸ A re, “Mesebetsi eo Ke e etsang, e paka ka ’Na. Ekare ha Ke sa etse mesebetsi ea Messia, le se ke la lumela ho ’Na. ’Me ekareha Ke etsa mesebetsi ea Messia, le a tseba ke hona, le lumele mesebetsi.” Ho re, “Ke eona e pakang ka ’Na. Ekareha Ke sa etse mesebetsi, le se ke la e lumela.”

⁵²⁹ O fihletse mekhatlo eo ea malumeli, hape, morao mono, ka bohlale ba eona. Jesu o ne a e-na le tumelo. Tumelo ho eng? Seo A neng a le sona: Mora oa Molimo. Le a bona? Ho lokile.

⁵³⁰ Santa Martin; ’moho le kereke ea Roma, matsatsing a nchafatso. Empa ke bolela mohla, bao, pele ba kena ho Roma ea bohetene, mohla e neng e qala e fetoha kereke ea Roma. Martin o ne a eme kantle mono ’me a hanyetsa thuto eo ea kereke ea Katolike; a etsa mehlolo, le meeka, le lipontšo. ’Me—’me likereke tsa hae, kaofela ha tsona, li buile ka lipuo, le ho porofeta, le lintho tse kholo. ’Me matla a Molimo a ne a na le ho eena. O tsositse bafu ’me a folisa bakuli, le ntho e ’ngoe le e ’ngoe. ’Me kereke eo ea Katolike ea ema mono, e mo hanyetsa joalo, le ho leka ho mo chesa, le ntho e ’ngoe le e ’ngoe. E ne e le eng? Bohlale; tumelo. Hoa tšoana le joale.

⁵³¹ A re utloeng sephetho sa eona kaofela. Zakaria 4:6 ke moo ke tlang ho koala, hantle mona. Bibebe e boletse, “Ha se ka matla, ha se ka cheseho, empa ka Moea oa Ka, ho bolela Morena. Ha se ka bohlale, ha se ka tsebo, ha se ka khetho, empa ke ka Moea oa Ka Ke tlang ho (eng?) matlafatsa Lentsoe la Ka.” Barutuo ba E jetse ka ho bona, eaba Moea o fihla ho matlafatsa Lentsoe. Le a bona? “Ha se ka matla, ha se ka cheseho, ha se ka bohlale, ha se ka kutloisiso, ha se ka *sena*, ha se ka *sane*, empa ka Moea oa Ka Ke tla matlafatsa Lentsoe la Ka. Ka Moea oa Ka, ho bolela Morena.” Ke Metsi a Lentsoe la tumelo a matlafatsang Lentsoe la Molimo le ho Le etsa hore le sebetse.

⁵³² Ho tla hlola hofe? Ekare, hona joale, ehlile, hore bohlale bo tla sebetsa. Empa, bo ke ke ba khona. Bo ke ke ba khona.

⁵³³ Ekare, hona joale, Kereke e nyenyane e lumelang Lentsoe le tletseng la Molimo ke—ke ba ’maloa ruri. Empa u se ke oa tšoenyeha. Bibebe e boletse, “Se tšabe, Mohlatsoana. Ke thato ea Ntat'a lōna e molemo ho le fa ’Muso.” Uh-huh. Ke hantle. Le a bona? ’Me u se ke ua tšoha. Lula feela tumelong. Lula hantle le Lentsoe. U se ke oa tlohela Lentsoe. Lula le Lentsoe.

Na le a Mo rata? Amen!

Na le tla Mo sebeletsa? Amen!

Na le tla Mo lumela? Amen!

Amen! Amen!

Ha re se bineng.

Na le a Mo rata? [Phutheho e bina,
“Amen!”—Mohl.]

Na le tla Mo sebeletsa? Amen!
Na le a Mo lumela? Amen!
Amen! Amen!

Na le a Mo rata? Amen!
Na le tla Mo sebeletsa? Amen!
Na le tla Mo lumela? Amen!
Amen! Amen!

⁵³⁴ Oh, ke a Mo rata! Lona ha le etse? Ke eng? Ka tumelo, e seng ka bohlale! “Re bolokehile ka tumelo.” Na ho joalo? “Ha se ka bohlale, ha se ka tsebo; ka Moea oa Ka, ho bolela Morena.”

⁵³⁵ Joale le A tlohele a thophothele ka har'a Kereke eo. Mohala oo oa koporo, ke mofetisa-motlakase. Joale, mohala oa aluminiamo ha se mofetisa-motlakase. Le a bona? Ha se eona. Che. Phaepe ea rabara ha se fetisa-motlakase; ke mohanelia-motlakase. Patsi ke mohanelia-motlakase. Ha re batle bomohanelia-motlakase ba letho. Re fumana ba bangata haholo hona joale, ’me ba etsa mesollane. Kahoo re—re batla . . . Re batla bomofetisa-motlakase, banna le basali ba tsoetsoeng labobeli ba lumelang Lentsoe la Molimo.

⁵³⁶ Joale, Daenamo e itseng? “Kopang Ntate eng le eng ka Lebitsola Ka, Ke tla le etsa.” ’Me ebe u etsa’ng? Hokela kahare.

Amen!

⁵³⁷ Ke hantle? Hokela feela, ke phetho seo u lokelang ho se etsa, ’me mollo o tla phalla hantle o theosa le mohala.

⁵³⁸ Ho etsahala’ng? Lentsoe le qala le hola. “O tla ba joaloka sefate se lemiloeng pel'a linoka tsa metsi; mahlaku a hae ha a foforeh; sohle seo a se etsang se a mo atla. Bakhopo ha ba joalo.”

⁵³⁹ “Ea khopo ha a joalo.” Joale, u se ke ua re, “moetsalibe,” joale. “Bakhopo,” le a bona, ke ea ipolelang joalo, ’me o khopo ka Lona, le a bona. Ke hantle. “Bakhopo ha ba joalo. Ba ke ke ba ema kalolong le ba lokileng.” Che, monghali. Ruri ba ke ke ba khona.

⁵⁴⁰ Kahoo, nako e tlide. Peō e jetsoe, leha ho le joalo, ba neng ba reroe pele. “Ho reroa pele” ke eona feela tsela mono. Nka qotsa Tšenolo 12, hantle joale, le 13, ’me ka le pakela eona, ke bao feela. Bibele e boletse, ho re, “Antikreste enoa ea neng a tla tla lefatšeng o ne a tla thetsa bohole,” (b, o h l e), “bohole ba neng ba ahile lefatšeng, ka liphutheho tsena tsa bolumeli le litumeloana. O ne a tla thetsa bohole ba holima lefatše, e mong le e mong oa bona, haese ba neng ba reroe pele lefatše le theoa.” Ka hona, moena, u ke ke oa etsa letho ka eona. Hoeletsa feela, “Amen.” Oh, khili! Ke rata seo. E, monghali.

Na le a Mo rata? Amen!
Na le tla Mo sebeletsa? Amen!
Na le a Mo lumela? Amen!
 Amen! Amen!

⁵⁴¹ Ke batla hore le hlakise nthoana eo nakoana mona, lona bohole. Ke rata sefela seo, lona ha le etse? E ne e le sefela sa rona, sa seboka sa Phoenix. Oh! Ke a se rata. Ke a se rata. Ha re se bineng hape.

Na le a Mo rata? Amen!
Na le tla Mo sebeletsa? Amen!
Na le tla Mo lumela? Amen!
 Amen! Amen!

⁵⁴² Be, u ka tsoelapele feela, u a tseba. “Na le tla Mo khumamela?” ’Me bohole bao ba tsoelapele feela, hape le hape. Khili! Re ne re e qale mono Phoenix; ra batla re tabola sebaka seo makhasa. E, monghali. “Amen! Amen! Amen!”

Na u hoketsoe hoseng hona? Amen!
Tobetsa swichi. Amen!
U fumane motlakase. Amen!
 Amen! Amen!
Joale Le tla hola. Amen!
Ho beha tholoana. Amen!
U tla Le bontša. Amen!
 Amen! Amen!

⁵⁴³ Oh, na ha ho babatsehe? Amen. Ho babatseha haholo. Ke masoabi ho le t̄sarella bohole mona, nako ena eohle, empa ke keteka jubile feela, ka bonna, nako e monate feela. Ho lokile.

Sontaha se hlahlamang, joale, bohole ba leng haufi . . .

⁵⁴⁴ Joale, joale ke nyolohela ha Moena Littlefield, ho jala Lentsoe le seng le kae, e ka ba ho nka feela Lentsoe le leng lena mona ho Le hasanya holimo mono har'a bona, kereke ea Molimo, ka mokhoa oo. ’Me mohломong ke tla bua ka ntho eo ke e buileng mona. Ehlide, le amohetsoe ho tla. Empa kereke ea bona e nyenyane mono, e lulisa sekete le makholo a mahlano. Ke sa tsoa e khakola, lilemong tse ’maloa tse fetileng. E tla be e hatellane. Empa ke t̄sepisitse Moena Littlefield. Ke moena oa bohloko. ’Me motho o boloka t̄sepiso ea hae ha a khona. Ha Morena a ratile, ke tla nyolohela teng.

⁵⁴⁵ Ho tla ba le kereke mona tabernakeleng. Lona batho ba kenang mona tabernakeleng, lona litho le lintho, ’me le ka khona. Tsoelang pele le tle hantle.

⁵⁴⁶ ’Me ebe, Sontaha se latelang, hopolang, Moena Arganbright o tla be a le teng mona joale le Moena Rowe. Ruri le tla thabela Moena Rowe. [Sekheo lebanteng—Mohl.] Ho lokile.

⁵⁴⁷ Tloong re fetisetse t̄sabeletso joale ho Moena Neville, ho bona seo a tla re bolella sona joale. Morena a le hlohonolafatse. 

BOHLALE PAPISONG LE TUMELO SST62-0401
(Wisdom Versus Faith)

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Mmesa 1, 1962, Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org